



Kalaallit Nunaanni eqqartuussisarnermik inatsisip allannguutaa pillugu (Pinerluttulerinermi suliani nassuiaatinik atuineq, timikkut misissuinermut malittarisassanik allannguneq, Kalaallit Nunaanni Eqqartuussivimmi sulisunik aalajangersaaneq il.il.)

Inatsisissatut siunnersuummut

missingiut

§ 1

Kalaallit Nunaanni eqqartuussisarnermik inatsimmi, tak. inatsimmik nalunaarut nr. 1581, 13. december 2016-imeersoq inatsisikkut nr. 149, 7. februar 2017-imeersumi § 1-ikkut allanngortinneqartumi, imatut allannguisoqarpoq:

1. § 3, imm. 2-mi, § 5, imm. 3-mi, § 9, imm. 2-mi, § 11, imm. 1 aamma 2-mi, § 16, imm. 1-imi, § 18, imm. 3-mi, § 19-imi, § 20, imm. 1-imi, § 23, imm. 3-mi, § 27, imm. 2, imm. 1-imi, § 28, imm. 1-imi, § 29, imm. 2-mi, § 35, imm. 2 aamma 3-mi, § 38, imm. 1, imm. 1-imi, § 67, imm. 2-mi, § 68, imm. 1-imi, § 85, imm. 2-mi, aamma § 659, imm. 1-imi, »Eqqartuussisoq« imatut allanngortinneqarpoq: »Eqqartuussisoq aqutsisusoq«.

2. § 4, imm. 2-mi, § 17, imm. 4, imm. 2-mi, § 20, imm. 3 aamma imm. 8-mi, imm. 2, § 26, imm. 3-mi, § 28, imm. 3-mi, § 29, imm. 1-imi, § 66, imm. 1-imi, § 69, imm. 1-imi, § 71, imm. 1-imi, aamma § 668-imi »Eqqartuussisoq« imatut allanngortinneqarpoq: »Eqqartuussisoq aqutsisusoq«.

3. § 5, imm. 1, imatut oqaasertalerneqarpoq:

»Kalaallit Nunaanni Eqqartuussivimmiippat eqqartuussisut marluk, taak-kunanga ataaseq eqqartuussisoq aqutsisuusoq. Eqqartuussisut kunngimit ivertinneqassappat, tak. § 13.«

4. § 12, imm. 2, imm. 2-mi, § 58-imi, § 269, imm. 1, imm. 2, imm. 2, imm. 1-imi, aamma imm. 3, imm. 1-imi, aamma § 273, imm. 4, imm. 2-mi, »eqqartu-ussisoq« imatut allanngortinneqarpoq: »eqqartuussisoq ataaseq«.

5. § 13, imm. 1-imi, »Eqqartuussisoq« imatut allanngortinneqarpoq: »Eqqartuussisut«.

6. § 13, imm. 4, imatut oqaasertalerneqarpoq:

»Imm. 4. Kalaallit Nunaanni inunnuttaasunut sinniisuutit Kalaallit Nunaanni Naalakkersuisuniit inassuteqartoqarneratigut inatsisinik atuut-sitsinermut ministerimiit ivertinneqassappat.«

7. § 22, imm. 1-imi, »eqqartuussisup aalajangersimasup« imatut allan-gortinneqarpoq: »eqqartuussisoq aalajangersimasoq«.

8. § 22, imm. 3, imatut oqaasertalerneqarpoq:

»Imm. 3. Ukiumik ataatsimik killeqartitsineq akuersisoqartillugu ukioq ataasiakkaarlugu tikillugu sivisussusilerlugu kinguartinneqarsinnaavoq. Ka-laallit Nunaanni Eqqartuussivimmi eqqartuussisumut tunngatillugu Ka-laallit Nunaanni Eqqartuussivimmi eqqartuussisumit aqutsisuusumit akuer-sisoqassaaq, Kalaallit Nunaanni Eqqartuussivimmi eqqartuussisumut aqutsisuusumut tunngatillugu Kalaallit Nunaanni Eqqartuussisuune-qarfimmi nunap eqqartuussisuanit akuersisoqassaaq aamma Kalaallit Nunaanni Eqqartuussisuuneqarfimmi nunap eqqartuussisuanut Eqqartuus-siviit Qullersaanni præsiditimit akuersisoqassaaq.«

9. § 24 imatut oqaasertalerneqarpoq:

»§ 24. Kalaallit Nunaanni Eqqartuussivimmi eqqartuussisup imaluunniit Kalaallit Nunaata Eqqartuussisuuneqarfiani nunap eqqartuussisup su-liassamut akooqqusaannginnera pissutigalugu pisariaqalissappat Eqqar-tu-ussiviit Qullersaanni præsidenti eqqartuussisup taartaanik ivertitsissaaq.«

10. § 33 imatut oqaasertalerneqarpoq:

»§ 33. Saniatigooralugu inuussutissarsiuteqarnermut, najoqqutassanik un-ioqqutitsinermik malersuinermit, atorfimmit tunuartitaagallarnermut so-raarsitaanermullu tunngatillugu malittarisassat danskit eqqartuussisar-nermik inatsisaanni §§ 47-50-imiittut Kalaallit Nunaanni Eqqartuussivimmi

eqqartuussisunut aamma Kalaallit Nunaata Eqqartuussisuuneqarfiani nunap eqqartuussisuanut atuutissapput.

Imm. 2. Kalaallit Nunaanni Eqqartuussivimmi eqqartuussisumut aqutsisoq aamma Kalaallit Nunaata Eqqartuussisuuneqarfiani nunap eqqartuussisua pillugu saniatigooralugu inuussutissarsiuteqarneq pillugu nalunaarut Eqqartuussiviit Qullersaata præsidentianut tunniunneqartassaaq aamma Kalaallit Nunaanni Eqqartuussivimmi eqqartuussisoq pillugu Kalaallit Nunaanni Eqqartuussivimmi eqqartuussisumut aqutsisuusumut tunniunneqartassaaq, taakku tamarmik immikkut saniatigooralugu inuussutissarsiuteqarnissamut najoqqutassanillu unioqqutitsisoqarsimatillugu oqartussaaffeqarlutik, eqqartuussiviit præsidentiisa danskit eqqartuussisarnermik inatsisaat malillugu oqartussaassuseqarfigisassaasa assinginik.

Imm. 3. Kalaallit Nunaanni Eqqartuussivimmi eqqartuussisoq pillugu maalaarut Eqqartuussiviit Qullersaata præsidentianut imaluunniit Immikkut Ittumik Eqqartuussivimmut Maalaaruteqarfigineqarsinnaasumut tunniunneqartassaaq, aamma Kalaallit Nunaata Eqqartuussisoqarfiani eqqartuussisoq aqutsisuusoq aamma Kalaallit Nunaata Eqqartuussisuuneqarfiani nunap eqqartuussisua pillugu maalaarut Eqqartuussiviit Qullersaata præsidentianut imaluunniit Immikkut Ittumik Eqqartuussivimmut Maalaaruteqarfigineqarsinnaasumut tunniunneqartassaaq. Maalaaruteqartup pissut-sinik maalaaruteqarnermut tunngaviusunik ilisimasaqalerneraniit kingusinnerpaamik sapaatit akunneri sisamat qaangiutsinnagit maalaarut tunniunneqassaaq.«

11. § 34, imm. 2-mi, “Eqqartuussisuuneqarfik” kingorna ikkunneqassaaq: “imaluunniit Kalaallit Nunaanni Eqqartuussivimmi Eqqartuussisoq aqutsisuusoq”.

12. § 56, imm. 5-imi, »Eqqartuussisoq« imatut allanngortinneqarpoq: »Eqqartuussisoq ataaseq«.

13. § 96, imm. 1, imm. 2-mi, »eqqartuussinerni nipinik immiussisarneq« sioqqullugu ikkunneqassaaq: »saqitsaannermik suliasani«.

14. § 98, imm. 2-mi, »suliassami pissusiviusut« kingorna ikkunneqassaaq: », taamaattorli tak. § 310 b«.

15. § 99 imatut oqaasertalerneqassaaq:

»§ 99. Eqqartuussivimmi siulittaasup aatsaat tamanna pisariaqarsorippagu nassuiaammik eqqartuussiviup issuaanera atuarneqarsinnaavoq pissutsillu malillugit akuersissutigineqarluni.«

16. § 102, imm. 4, imm. 3-mi, oqaaseqatigiit pingajuanni, »allattukkat assil-ineqarneri tunniunneqassapput« kingorna ikkunneqassaaq: »imaluunniit § 310 c, imm. 3-mi eqqaaneqartutut allattukkat assilineqarneri,«.

17. § 141, imm. 5, imm. 5-imi, »eqqartuussisup allattaaviani allassimasut assili-neqarnera nassiunneqassaaq« imatut allanngortinneqassaaq: »killis-iuinerup immiunneqarnera imaluunniit eqqartuussisup allattaaviani allassimasut assilineqarnera nassiunneqassaaq«.

18. § 158, imm. 1, imm. 1-imi, »eqqartuussisup allattaaviani,« kingorna ikkunneqassaaq: »taamaattorli tak. § 310 b,«.

19. Kapitali 30-ip kingorna ikkunneqassaaq:

»Kapitali 30 a

Nassuiaanernik issuaaneq

§ 310 a. Kalaallit Nunaata Eqqartuussiviani imaluunniit Eqqartuussisoqarfinni eqqartuussutissap isumaqatiginninniutigineqarnerani nassuiaatigineqartut immiunneqassapput, taamaattorli tak. imm. 2.

Imm. 2. Imm. 1-imi eqqaaneqartumik eqqartuussinissamut piareersarnermi nassuiaatigineqartunik immiussisoqassanngitsoq eqqartuussivimmi siulittaasoq aalajangiisinnaavoq.

Imm. 3. Imm. 1-imut ilaanngitsumik eqqartuussinissamut piareersarnermi nassuiaatigineqartunik immiussisoqassasoq eqqartuussivimmi siulittaasoq aalajangiisinnaavoq.

Imm. 4. Imm. 1 aamma 3 malillugu immiussisoqarnerani aamma assiliisoqarsinnaasoq eqqartuussivimmi siulittaasoq aalajangiisinnaavoq.

§ 310 b. § 310 a malillugu nassuiaanermi eqqartuussivimmi assiliisoqarpat imaluunniit nipimik immiussisoqarpat nassuiaatip imarisaa kisiimi eqqartuussinermi allattaavimmut ilanngunneqassaaq,

1) eqqartuussivimmi siulittaasoq taamatut aalajangiippat,

2) pasineqartup, unnerluutigineqartup, illersuisup imaluunniit unnerluusisuutitaasut tamanna qinnutigippassuk,

3) eqqartuussut suliareqqitassanngortinneqarpat, suliami apeqqut eqqartuussivimmut qaffasinnerusumut saqqummiunneqarpat, imaluunniit Ingerlatseqqinnissamut Aalajangiisartunut qinnuteqaateqartoqarpat, imaluunniit

4) nassuiaanermut tunngatillugu eqqartuussisup allattaaviani allanneqartunik § 101 malillugu allassimasunik takunnittoqarsinnaavoq.

Imm. 2. Nassuiaaneq imm. 1 malillugu eqqartuussivimmi allattaavinnut ilanngunneqarpat tamatuma eqqartuussisup allattaaviani issuarneqarnera suliameq eqqartuussimmut ilanngussatut isigineqassaaq.

Imm. 3. Ilisimannittut nalilersuisartullu, nassuiaataat eqqartuussisup allattaaviani issuarneqarsimasut, eqqartuussiviup erseqqinnerusumik aalajangiineratigut nassuiaatip issuarneqarsimaneranik misissuisinnaapput.

§ 310 c. Nassuiaammik assilineqartumik imaluunniit immiunneqartumik isiginnaarnissamut imaluunniit tusarnaarnissamut pasineqartoq imaluunniit unnerluunneqartoq periarfissaqarpoq, pasineqartoq imaluunniit unnerluunneqartoq nassuiaammik ilisimasaqarnissamut periarfissinneqarsimanngippat. Pasineqartup imaluunniit unnerluunneqartup eqqartuussiviup erseqqinnerusumik aalajangiineratigut assilisamik immiussamilluunniit eqqartuussivimmi imaluunniit illersuisumi isiginnaarsinnaavoq imaluunniit tusarnaarsinnaavoq.

Imm. 2. § 102 malillugu nassuiaammut tunngatillugu eqqartuussisup allattaavianut ilanngunneqanngikkaluartoq § 310 a malillugu immiunneqartumik eqqartuussisup allattaaviani allanneqartunik takunninnissamut periarfissinneqartoq immiussamik eqqartuussivimmi tusarnaarsinnaavoq, tamanna eqqartuussivimmit nangaanartutut isigineqanngippat.

Imm. 3. Noqqaasoqarneratigut imm. 2-imi allanneqarsimasut pi-umasaqaatit malillugit eqqartuussivimmit akuerineqarsinnaavoq tamatumunnga aningaasartuutunik akiliinikkut eqqartuussisarnermik inatsimmi § 102 malillugu allagaatinik takunnittoqarsinnaaneranik nalunaaruteqarnermi atorneqartussamik nassuiaatip immiunneqarnerata allanneqarneranik pissarsisoqarsinnaavoq. Allattukkat assilinerinik pissarsinermi aningaasartuutunik naatsorsuineq pillugu malittarisassanik Eqqartuussivinnut aqutsisoqarfik aalajangersaasinnaavoq.

Imm. 4. Assinik nipinillu immiussat allagaatinik takunnissinnaanermut ilaanngillat.

Imm. 5. Allatigut aaqqiineq allatigut inatsisinik peqquteqanngippat assinik nipimilluunniit immiussanik pisinnaatitaanani ingerlatitseqqiisoq akiliisinneqarsinnaavoq.

§ 310 d. 310 a malillugu nipimik immiussisoqarsinnaallutillugu eqqartuussivimmi siulittaasoq aalajangiisinnaavoq nassuiaammik eqqartuussiviup issuaaneranik nipimik immiussisoqarsinnaasoq. Nipimik immiussinermi § 310 b, imm. 1-3 aamma § 310 c, imm. 1 aamma 5 taamaaqataannik atorneqassapput. Eqqartuussimmi allagaatinik imaluunniit nassuiaammut

tunngatillugu, tak. 101, eqqartuussisup allattaavianut allatanik takunnissinnaanermik nalunaaruteqarnermi nassuiaat eqqartuus-sisup allattaavianut ilanngunneqassaaq. Pisuni nassuiaatip eqqartuussisup allattaavianut ilanngunneqarnerani tamatuma eqqartuussisup allattaaviani issuarneqarnera suliameq eqqartuussimmut ilanngussatut isigineqassaaq. Nipinik immiussaqaq allagaatinik takunnissinnaanermut ilaanngilaq.«

20. § 349, imm. 1-imi, aamma § 457, imm. 2-imi, »§ 346, imm. 2-4« imatut allanngortinneqarput: »§ 346, imm. 2, taamaattorli tak. § 310 b«.

21. § 401, imm. 2-imi, aamma § 404, imm. 1-imi, »aaviinerup« kingorna ikkunneqarpoq: »qiseq imaluunniit«.

22. § 403-imi imm. 1-ip kingorna ikkunneqarpoq:

»Imm. 2. Kingusinnerusukkut kinaassutsimik paasinninnissaq siunertaralugu qisermik aaviinikkullu tigusineq aamma ingerlanneqarsinnaavoq pineqartoq sakkortuumik inatsisinik unioqutitsisimasutut naammaginar-tumik tunngaveqartumik pasillerneqarpat.«

Imm. 2-3 tamatuma kingorna imm. 3-4-inngorput.

23. § 403, imm. 3-imi, imm. 4-inngortumi, oqaaseqatigiit aappaattut ikkunneqarpoq:

»Imm. 2 malillugu qisermik tigusineq peqqinnissaqarfimmi sulisut peqataatinnagit isumagineqarsinnaavoq.«

24. § 461, imm. 1, oqaaseqatigiinni siullerni, »atorlugit« kingorna ikkunneqarpoq: », taamaattorli tak. § 310 b«.

25. § 743, imm. 1, imatut oqaasertalerneqarpoq:

»Kalaallit Nunaanni Eqqartuussiveqarneq pillugu Isumalioqatigiissitat 17-inik ilaasortaqaassapput, tassaasunik Kalaallit Nunaanni eqqartuussisuuneq, Kalaallit Nunaanni Eqqartuussivimmi eqqartuussisoq aqutsisuusoq, najukkami eqqartuussisoq, Kalaallit Nunaanni politimesteri, Kalaallit Nunaanni Pinerluuteqarsimasunik Isumaginnittoqarfimmi pisortaq, Kalaallit Nunaanni illersuisuuneq, eqqartuussissuserisoq ataaseq, illersuisoq ataaseq, ilisimatusarfimmi ilinniartitsisoq ataaseq, Kalaallit Nunaanni Namminersorlutik Oqartussaniit sinniisuutitat marluk, kommunimiit sinniisuutitaq kiisalu Inatsiseqarnermut Ministereqarfimmiit, Domstolsstyrelsimiit, Pinerluuteqarsimasunik Isumaginnittoqarfimmut Pisortaqarfimmiit, Naalagaaffiup eqqartuussissuserisuaniiit aamma Naalagaaffiup politiiviniit sinniisuutitat.«

26. § 743, imm. 3-mi aamma 4-mi, kiisalu § 745, imm. 2-mi, »Nammi-nersornerullutik Oqartussat« imatut allangortinneqarpoq: »Namminersorlutik Oqartussat«.

27. § 745, imm. 1, imatut oqaasertalerneqarpoq:

»Kalaallit Nunaanni Pinerluttaalisitsiniarneq pillugu Isumalioqatigiissitat arfineq-pingasunik ilaasortaqaassapput tassaasunik Kalaallit Nunaanni Namminersorlutik Oqartussanut sinniisut marluk, kommunimiit sinniisuu-titaq, Kalaallit Nunaanni politimesterimiit, Kalaallit Nunaanni Pinerluuteqarsimasunik Isumaginnittoqarfimmiit aamma Kalaallit Nunaanni nammineq kajumissutsimik suliniaqatigiiffinniit, sulisitsisut kattuffiiniit aamma sulisartut kattuffiiniit sinniisuutit. Nammineq kajumissutsimik suliniaqatigiiffinniit kiisalu sulisitsisut sulisartullu kattuffiiniit sinniisuutitassat inatsis-eqarnermut ministerimit toqqarneqassapput Naalakkersuisuniit, Kalaallit Nunaanni Sulisitsisut Peqatigiiffianniit kiisalu Sulinermik Inuus-sutissarsiteqartut Kattuffianniit (SIK) innersuussutit malillugit.«

§ 2

Imm. 1. Inatsit ulloq [...] -imi atuutilissaaq

Imm. 2. Inatsimmi § 1, nr. 13-20 aamma 24, qaqugu atuutilissanersut Inatsis-eqarnermut ministerimit aalajangerneqassaaq.

Inatsisissatut siunnersuummut nassuiaatit

Nassuiaatit nalinginnaasut

Ujarliutit

1. Aallaqqaasiut	9
2. Inatsisissatut siunnersuummi immikkoortut pingaarnert	11
2.1. Pinerluttulerinermi suliani nassuiaatinik atuineq	11
2.1.1. <i>Inatsisit atuuttut.....</i>	11
2.1.2. <i>Inatsisinik atuutsitsinermut ministeriaqarfiup eqqarsaatersuutai aaqqissuussinerlu siunnersuutigineqartoq</i>	12
2.2. Timimik misissuineq pillugu malittarisassanik nutarterineq	15
2.2.1. <i>Inatsisit atuuttut.....</i>	15
2.2.2. <i>Inatsisinik atuutsitsinermut ministeriaqarfiup eqqarsaatersuutai inatsisissatullu siunnersuutip ilusaa</i>	16
2.3. Kalaallit Nunaanni Eqqartuussivimmi sulisussarisat ivertitsigallarnertu.....	19
2.3.1. <i>Inatsisit atuuttut.....</i>	19
2.3.2. <i>Inatsisinik atuutsitsinermut ministeriaqarfiup eqqarsaatersuutai inatsisissatullu siunnersuutip ilusaa</i>	21
2.4. Isumalioqatigiissitat ataatsimiititaliallu katitigaaneri.....	24
2.4.1. <i>Inatsisit atuuttut.....</i>	24
2.4.2. <i>Inatsisinik atuutsitsinermut ministeriaqarfiup eqqarsaatersuutai inatsisissatullu siunnersuutip ilusaa</i>	25
3. Pisortanut aningaasaqarnikkut kingunissai atulersitsinermilu kingunissat	27
4. Inuussutissarsiuteqartunut il.il. aningaasaqarnikkut allaffissornikkullu kingunissat	27
5. Innuttaasunut allaffissornikkut kingunissat.....	27
6. Avatangiisinut kingunissat	27
7. EU-mut inatsisitigut pissutsit	27
8. Oqartussat suliniaqatigiiffillu il.il. tusarniarneqartut.....	27
9. Immersugaq eqikkaasoq.....	28

1. Aallaqqaasiut

Danmarkimi naalakkersuisut Kalaallit Nunaanni inatsiseqarnermut tunngasut nukittorsarneqarnissaat kissaatigaat.

Taamaalilluni naalakkersuisut tunngavigisaannit ”Danmarki kiffaanngisuseqarnerusoq, pisujuunerusoq toqqissisimanarnerusorlu”-miit takuneqarsinnaavoq Danmarkip akisussaaffigisaani suliassa qarfinni Kalaallit Nunaannut inatsisit ingerlaavartumik naalakkersuisunit salliutinneqarlutillu nutarterneqassasut. Aamma takuneqarsinnaalluni Danmarkimi pitsaassutsinut naapertuuttunik Kalaallit Nunaanni danskit akisussaaffiini pitsaassutsikkut naalakkersuisut suliaqarusuttut, Kalaallit Nunaanni pissutsinik tunngavilersorneqarsinnaasunik immikkut saneqqussisut.

Sulinermit taassunga atasumik Inatsisinik Atuutsitsinermut ministeriaqarfiup inatsisissatut siunnersuut manna piareersarpaa, siullertut pinerluttulerinermi suliani eqqartuussinissamut piareersarnermi nassuiaatinik nipinik immiussinissamut taakkulu issuarneqarnissaannut periarfissiisumik eqaatsumik aaqqissuussinermik eqquassinissamik siunertaqartoq, teknikkikkut ator-tuusinnaasunut tunngatillugu periarfissaqartoqaraangat. Taamaalilluni eqqartuussivimmi aqutsinissamut eqqartuussinissamullu piareersarnernut pitsaanagerusunik tunngavissanik pilersitsisoqarluni, pinerluttulerinermilu suliani eqqartuussisup allattaaviani il.il. suliarinninnermik kingornalu suliarrinnittarnermik oqinnerulersitsisussaq, aaqqissuussineq malillugu nassuiaanerit eqqartuussisup allattaaviani issuarneqartussaananatik. Aammattaaq nassuiaatit nalunaarsornissaannut periuseq uppernartoq, paatsuugassaan-ngitsoq isumannaatsorlu aaqqissuussineq qulakkeerneqassammat.

Inatsisissatut siunnersuummi siunertap aappaa tassaavoq ullutsinnut naleqqunnerusunik malittarisassaqaarnissaq pillugu politiit misissuinissaannut periarfissat pitsaanagerulersinniarlugit kingusinnerusukkut kinaassusi-liinissaq siunertaralugu inunnit pasineqartuniit dna-mik misiligutinik tigusisarnermut eqquassinissaq, taamaattumillu ilaatigut kinguaassiutitigut atonerluinernut Naalakkersuisut periusissiaannut (2018-2022) ’Killiliisa’-mik taaguuteqartumut atasutut isigineqarsinnaalluni.

Pingajuattut inatsisissatut siunnersuummi siunertaq tassaavoq Kalaallit Nunaanni Eqqartuussivimmi ilassutigalugu eqqartuussisumik allamik ivertitsinnaanerup qulakkeerneqarnissaa, taamaalilluni sulianik suliarinninnermi piffissami sivikinnerusumi aallussiniarneq suli annertunerusumik periarfis-

saalissalluni, soorlutaaq aamma Kalaallit Nunaanni Eqqartuussiviup najuk-
kani eqqartuussisut najukkanilu eqqartuussisussatut ilinniartut pigin-
naanngorsaqqinnerinik sulineq qaffassinnaagaa. Tamatuma saniatigut Ka-
laallit Nunaata Eqqartuussisuuneqarfiani aamma Kalaallit Nunaata
Eqqartuussiviani utaqqiisaasumik eqqartuussisunik ivertitsisinnaanermut
periarfissat nukittorsarneqarlutik.

Kiisalu inatsisissatut siunnersuutip siunertaralugu suliassanik isumaginnin-
neq tamarmiusoq nukittorsarniarlugu Kanukoka-llu (Kalaallit Nunaanni
Kommunit Kattuffiata) ulloq 31. juli 2018-imi atorunnaarsinnerata malitsi-
gisaanik isumalioqatigiissitat ataatsimiititaliallu arlallit katitigaanerinik nu-
tarterinissaq.

2. Inatsisissatut siunnersuummi immikkoortut pingaarnerit

2.1. Pinerluttulerinermi suliani nassuiaatit issuarneqarneri

2.1.1. Inatsisit atuuttut

Eqqartuussisarnermik inatsimmi § 96, imm. 1 naapertorlugu eqqartuussinisamik piareersarnernik immiussinissaq pillugu malittarisassanik inatsisinik atuutsitsinermut ministeri aalajangersaasinnaavoq. § 96, imm. 1 naapertorlugu malittarisassat atulersinneqartut saqitsaannermi sulianut aamma pinerluttulerinermi sulianut tunngasinnaapput. Taamaattorli eqqartuussinissamut piareersarnernik nipinik immiussinerit eqqartuussisut allattaaviini nassuiaatinik issuaanernik taarserneqarnissaat pillugu malittarisassanik inatsisinik atuutsitsinermut ministerip aalajangersaasinnaaneranut tunngavissisoqarnani, aamma inatsisinik atuutsitsinermut ministeri § 96, imm. 1 naapertorlugu allatigut malittarisassanik sulii aalajangersaasinnaanani.

Eqqartuussisarnermik inatsimmi § 98, imm. 2 malillugu saqitsaannermi suliani aamma pinerluttulerinermi suliani suliaassap ingerlasimaneranik aamma illuatungeriit ilisimannittullu suliaassami pissusiviusut pillugit nassuiaataannik imaqarniliuineq naatsoq eqqartuussisut allattaavianut allanneqartassaaq. Aammattaaq eqqartuussisarnermik inatsimmi § 158, imm. 1 malillugu saqitsaannermi suliani aamma pinerluttulerinermi suliani eqqartuussutissap isumaqatigiinniutigineqarnerani ilisimannittup nassuiaatai eqqartuussisut suliaannik allattaavimmut allanneqartassapput, eqqartuussisut aalajangiinerat naapertorlugu annertussusilimmik. Pinerluttulerinermi suliani eqqartuussivimmi killisiuinerni malittarisassat eqqartuussisarnermik inatsimmi § 346, imm. 2-4, tak. § 349, imm. 1, aamma § 457, imm. 2-mik naammaqquserneqarput, taakku malillugit ilaatigut nassuiaatigineqartut imai pingaarnerit allanneqassallutik. Pingaartumik nassuiaatit ilai pingaarutillit killisiorneqartup nammineq oqaaserisaanik sapinngisamik issuaasussaallutik.

Eqqartuussisarnermik inatsimmi § 99 naapertorlugu allatut aalajangersaasoqarsimangippat eqqartuussisup allattaavianut allanneqartut aatsaat atuarneqarlutillu pissutsit malillugit akuersissutigineqartassapput, eqqartuussisut siulittaasuata nammineerluni immikkut ittunik pissuteqartumik tamanna pisariaqarsorippagu imaluunniit saqitsaanernik suliaassani akerlerisamiit, ilisimannittumiit imaluunniit misissuisuutitaallunilu naliliisar-tumiit noqqaassuteqarneq naapertorlugu.

Eqqartuussisarnermik inatsimmi § 102, imm. 4, oqaaseqatigiit pingajuat malillugu § 145, imm. 1, 2 imaluunniit 4-imut ilaasunut noqqaassute-qarneq naapertorlugu eqqartuussisup allattaavianit allattukkat assilineqarneri tunniunneqassapput.

Eqqartuussisarnermik inatsimmi § 141, imm. 5 malillugu pineqartup najugaqarfīgisaata avataani eqqartuussivimmi allami ilisimannittup nassuiaanerani nassuiaat pillugu eqqartuussisup allattaavianit allatat assilerineri eqqartuussivimmut killisiuinissamut noqqaassuteqartumut suliat nassiunneqassapput. Killisiuineq naammassereerpat nassiussisoqassaaq.

Eqqartuussisarnermik inatsimmi § 461, imm. 1 naapertorlugu oqaatsit suut atorlugit nassuiaatit eqqartuussisup allattavianit issuarneqartassasut aalajangersarneqarpoq. Eqqartuussisup allattaavianit nassuiaatinik issuaanermi qulakkeerneqartariaqarpoq peqqissaartumik issuaasoqassasoq, taamaalil-luni eqqartuussisuuneqarfimmi, eqqartuussut suliareqqitassanngortinneqarsi-mappat, suna tunngavigalugu aalajangiisoqarsimaneranik paasinnit-toqar-sinnaassammat, tak. § 461, imm. 2.

2.1.2. Inatsinik atuutsitsinermut ministeriaqarfiup eqqarsaatersuutai aaqqissuussinerlu siunnersuutigineqartoq

Ilaatigut Kalaallit Nunaata Eqqartuussisuuneqarfianiit aamma Kalaallit Nunaata Eqqartuussivianit pillaasarnermi suliani nassuiaatinik immiussineq pillugu Danmarkimi aaqqissuussinermut eqqaanartumik pinerluttulerinermi suliani nassuiaatinik immiussisarnermik aaqqissuussinermik Kalaallit Nunaanni eqqussusisoqarnissaa kissaatigineqarsimavoq.

Tamanna pillugu Danmarkimi malittarisassat eqqartuussisarnermik inatsisip allanngortinneqarnera pillugu inatsit nr. 652, 15. juni 2010-imeer-sukkut naammassineqarpoq (Pillaasarnermi suliani nassuiaatinik issuaaneq aamma nunami eqqartuussisut amerlassusissaannik iluarsineq). Pillaasarnermi suliani nassuiaatinik immiussineq allattuinerlu pillugit Pinerluutillit suliarineqartarnerat pillugu ataatsimiititaliap isumaliutissiissutaanik nr. 1513/2010-imeersumik inatsisip allanngortinneranik tunngaveqarpoq.

Aaqqissuussinerup tunuani eqqarsaatigineqartoq ilaatigut tassaavoq nassuiaatinik nalunaarsuinermi periutsumik uppernartumik, paasiuminartumik isumannaatsumillu nassuiaatinik immiussisarnissaq, aamma immiussap toqqorneqarsimanerani piffissami aalajangersimasumi qanorpiaq oqartoqarsimanera uterfigalugu paasisaqarsinnaaneq.

Aammattaaq aaqqissuussinerup tunuani eqqarsaatigineqartoq tassaavoq nipimik immiussinermi eqqartuussinermik aqutsinermut eqqartuussinissamullu piareersarnermut periarfissat pitsaanerulerneru aamma pisorpassuarni nassuiaatinik allanneqartunik issuaanissamik pisariaqartitsiviunngitsuni eqqartuussisup allattaavianik il.il. kingornatigut suliarinninerup ingerlanera sulinerullu pisariinnerulernissaa.

Inatsisunik atuutsitsinermut ministeriaqarfik isumaqarpoq 2010-mi Danmarkimi inatsisip allanngortinneranut tunuliaqutaasut eqqarsaatigisat Kalaallit Nunaanni pissutsini atuuttuni eqqarsaatigisassanut naapertuuttut, taamaattumillu pinerluttulerinermi suliani nassuiaatinik immiussinermik eqqartuussisullu allattaaviini taakkuninnga issuaanermi aaqqissuussineq eqaatsoq pil-lugu Kalaallit Nunaannut malittarisassanik eqqussusisoqassasoq siunnersuutigineqarluni.

Kalaallit Nunaata Eqqartuussiviani imaluunniit eqqartuussisoqarfinni eqqartuussutissap isumaqatiginninniutigineqarnerani aallaaviatigut nassuiaatinik immiussisoqartassasoq siunnersuutigineqarpoq. Eqqartuussinissamut piareersarnerni allani nassuiaatigineqartut nipiinik immiussisoqarsinnaavoq, eqqartuussivimmi siulittaasoq tamatuminnga aalajangiippat. Peqatigisaanik siunnersuutigineqarpoq video atorlugu immiussisutitut periarfissaqarpat nipimik assinillu ataatsikkut immiussinissaq toqqar-neqarsinnaasoq. Eqqartuussiviup siulittaasuata qulakkigassaraa, killisiuiner-mi nassiuatitut immiunneqartunut apeqqutit akissutillu tamarmik, nutserneqarneri ilanngullugit, immiussani ilaanissaat. Uani immikkut maluginiassaavoq apeqqutaassanngimmat nipit immiunneqartut ataatsimoortillugit immikkoortillugilluunniit immiunneqarnerisut.

Aammattaaq siunnersuutigineqarpoq nassuiaatinik nipinik assinilluunniit immiussisoqartillugu nassuiaatit imai aallaaviatigut eqqartuussisup allattaavianut ilanngunneqassanngitsut, nassuiaatillu eqqartuussummut tunnga-vilersuummi issuarneqarnissaat pisariaqassappat aallaavittut eqqartuussummut taamaallaat ilanngunneqarsinnaasut.

Pasineqartoq unnerluussarluunniit nassuiaammi nipimik assilisanilluunniit immiussamik isiginnaarnissamut tusarnaarnissamulluunniit periarfissaqassaaq, pineqartoq nassuiaammik ilisimasaqalernissaanik periarfissinneqar-simanngippat. Unnerluussisuutitaasut suliami nassuiaatini nipinik assinilluunniit immiussat assilinerinut periarfissaqassapput. Aallaavittut aamma taamanna illersuisumut atuutsinneqarpoq.

Eqqartuussisarnermik inatsimmi § 99-ip allanngortinnissaanik siunnersuummi eqqartuussisup aalajangiineratigut, tamanna tulluartutut isigineqarpat, nassuiaammik eqqartuussiviup issuaanera atuarneqarsinnaallunilu akuerineqarsinnaavoq, eqqartuussiviullu nassuiaammik issuaanera (oqaaserisat allanneqarnerinik) pinerluttulerinermi suliani nassuiaatinik nipinik immiussinermik aaqqissuussinertut siunnersuutigineqartutut naammaqqusiisoqarsinnaalluni.

Danskit inatsisissaattut siunnersuummut nassuiaatinut nalinginnaasunut allatigut, imm. 4.3.2-imut innersuussisoqarpoq, tak. Folketingstidende 2009-10, A, L 186 saqqummiunneqartoq, q. 12-14.

Pasisaq unnerluussarluunniit aallaaviatigut eqqartuussisarnermik inatsimmi § 101 malillugu eqqartuussisup allattaavianit assilisanik piunasaqarnissamut pisinnaatitaaffeqarpoq.

Inatsisissatut siunnersuutikkut siunnersuutigineqarpoq ilisimannittoq aamma nammineq naassuiaatimi allattaavinnut allanneqarsimaneranik misissuinissamut eqqartuussinissamut piareersarnerup kingorna periarfissaqassasoq, malittarisassat siunnersuutigineqartut naapertorlugit taamatut ittoq eqqartuussisup allattaavianut ilanngunneqassappat.

Eqqartuussinermi siulittaasoq, nipimik immiussisoqarnerisooq imaluunniit immiussisoqannginnerisooq apeqqutaatinnagu, aalajangiisinnaavoq, tamanna tulluartutut isigineqarpat, eqqartuussinissamut piareersarnermi allattaavinnut allattorsimasanik atuaasoqassasoq allattorneqarsimasullu nassuerutigalugit. Tamannali taamaallaat qaqutigooortumik pisariaqarpoq amerlanertigullu nassuiaatip ilai immikkut toqqarneqarsimasut pineqartarlutik. Tassani illuatungeriit kissaatigisaat immikkut pingaartinneqartariaqarput.

Danskit inatsisissaattut siunnersuummut nassuiaatinut nalinginnaasunut allatigut, imm. 4.3.9-imut innersuussisoqarpoq, tak. Folketingstidende 2009-10, A, L 186, saqqummiunneqartoq, q 17-18.

Siunnersuutigineqarpoq nipimik assinilluunniit immiussiffiusumi, nassuiaatilli eqqartuussisup allattaavianut ilanngunneqanngikkaluartoq, nassuiaammut tunngatillugu eqqartuussisup allattaavianut ilanngussinermi, eqqartuussisarnermik inatsimmi § 102 (tusagassiortut il.il.) malillugu allagaatinik takunninnissamut periarfissaqartut eqqartuussivimmi immiunne-

qarsimasumik tusarnaarnissamut periarfissaqassasut, tamanna eqqar-tuus-sivimmi siulittaasumiit nangaanartutut isigineqanngippat. Aammattaaq siunnersuutigineqarpoq, piumasaaqatit taakku assingi atorlugit, akiliisoqarneratigut tusagassiortut il.il. allagaatinik takunninnissamut nalunaaruteqarnermi atugassamik nassuiaatip nipaanic immiussap allanneqarnerata assilineranic pissarsisoqarsinnaaneranut eqqartuussivik akuersisinnaasoq. Nipinik assinilluunniit immiussat inatsisissatut siunnersuut malillugu tamatumana saniatigut allagaatinik takunnissinnaanermut ilaassanngillat.

Siunnersuutigineqarpoq Inatsiseqarnermut ministerip, qaqugu nipinik assinillu immiussisarnissamut malittarisassat atuutilissanersut aalajangissagaa. Malittarisassanic taakkuninnga atuutsitsilernissamut aalajangiisuusaaq nipinik assinillu immiussisalernissamut teknikkikkut atortussat qaqugu Kalaallit Nunaanni eqqartuussivinni piareerneqarsimanissaat.

Inatsisissatut siunnersuummi § 1, nr. 13-20-imut aamma 24-imut, § 2, imm. 2-mut kiisalu taakkununga nassuiaatinut innersuussisoqarpoq.

2.2. Timimik misissuineq pillugu malittarisassat nutarterneri

2.2.1. Inatsisit atuuttut

Dna-mik misissuineq qissaarnermi atugassamik timiminngaanniit tigusineq – aammit qisermilluunniit misiligutit – tassaapput timimik misissuineq, tak. eqqartuussisarnermik inatsimmi § 401, imm. 2. Eqqartuussisarnermik inatsimmi § 403, imm. 1 naapertorlugu pasisap timaa aatsaat misissorneqarsinnaavoq tunngavissaqartumik pasineqarpat pineqartoq taanna inatsisinik peqqarniitsumik unioqqutitsisimasoq aamma akuliunneq paasi- niaanermut aalajangiisuusumik pingaaruteqarsorineqarpat.

Qisermi misiligummik tiguisoqarsinnaassappat aatsaat inatsimmik ingasattumik unioqqutitsisimaneq tunngaviusaaq (pinerluttuliortoqarsimaneranic piumasaaqat). Inatsisinik unioqqutitsinerit ingasattut killilerneqarput tassaasut inatsisinik unioqqutitsinerit aalajangersimasumik pineqaatissinneqarnissaq naatsorsuutigineqarluni, pineqaatissiisarnermi akiliisitsisarnermiit sakkortunerusut, tak. Kalaallit Nunaannut eqqartuussisarnermik inatsimmi imm. 4.5.5.2, tak. Folketingstidende 2007-08 katersat aappaat, tapiliusaaq A, qupperneq 1341.

Aappaatut, inummut qisermik misiligummik tigusiffigineqartussamut (pasisaqarnissamik piumasagaat) tunngavilersorneqartumik pasitsaassisoqarsimassaaq (inatsimmik ingasattumik unioqutitsineq pillugu).

Pingajuattut pineqartumiit qisermik misiligummik tigusinissaq misissu-inermut aalajangiisumik pingaaruteqartutut naatsorsuutigineqassaaq (pasinarnissaanut piumasagaat).

Eqqartuussisarnermik inatsimmi § 403, imm. 3 aamma malillugu timimik aatsaat misissuisoqarsinnaavoq, tassunga ilanngullugit aammik qisermillu misiligutit, peqqinnissaqarfinni sulisut peqataatillugit, taakkua isummerfigissavaat akuliunneq peqqissutsip tungaatigut illersorneqarsinnaanersoq, tamatumani isiginiarneqassalluni taamaalionermi anniaataasinnaasut aamma ajoquserneqariataarsinnaaneq kiisalu inuup misissorneqartup qanoq innera.

Eqqartuussisarnermik inatsimmi § 404, imm. 1 malillugu timip qaavaniit misissugassanik qularnaarilluni aaviillunilu pasisap timaanik misissui-nissaq pillugu aalajangiineq politinit ingerlanneqassaaq.

Pasisap timaanik allatigut misissuinissaq, tassunga ilanngullugu qisermik misiligut, eqqartuussivimmit aalajangiinikkut aalajangiivigineqassaaq, pasineqartoq allakkatigut akuersinerminik nalunaaruteqanngippat, tak. § 404, imm. 4, tak. imm. 5.

2.2.2. Inatsinik atuutsitsinermut ministeriaqarfiup eqqarsaatersuutai aamma inatsisissatut siunnersuutip ilusilersornera

Kalaallit Nunaanni politiinit kissaatigineqarsimavoq eqqartuussisarnermik inatsimmi timimik misissuisarneq pillugu malittarisassat allanngortinneqassasut, taamaalilluni pasisamiit qisermik misiligummik tigusinissaq pillugu aalajangiineq politiinit aalajangiiffigineqartalerluni, aamma ilaatigut qisermik aammillu misiligutinik tigusineq kingusinnerusukkut kinaassusiliinissaq siunertaralugu pisinnaalluni.

Qitiusumiit dna-nik nalunaarsuiffimmik pilersitsinissaq pillugu inatsisip aamma eqqartuussisarnermik inatsisip allanngortinneqarnissaa pillugu inatsisip nr. 369, 24. maj 2005-imeersukkut timimik misissuisarneq pillugu Danmarkimi malittarisassanik taamaaqataannik allannguisoqarpoq (Dna-nik nalunaarsuiffiup allineqarnera, timimik misissuinermi pasinartuunissaanik piumasagaat il.il.).

Aaqqissuussinerup tunuani eqqarsaatiginninnermi – Dna-nik nalunaarsuifik pillugu inatsimmut, kunngip peqqussutaatigut nr. 1465, 11. december 2018-imeersukkut Kalaallit Nunaannut atulersinneqartunut atatillugu – politiit misissuinnermi siusisukkut inummik pasineqartumik uppernarsaaneerisigut imaluunniit uppernarunnaarsinneratigut pinerlunnerit sukkasuumik kinguneqarluartumillu paasisaqarfiginissaannut pinerluttulerinnermi tekni-kerit atortussaannik attuumassuteqartunik iluaquserneqarnissaasa qulak-keerneqarnissaanut peqataanissaq.

Inatsisunik atuutsitsinnermut ministeriaqarfik isumaqarpoq Danmarkimi 2005-imi inatsimmik allannguinnermut tunngavigineqartut eqqarsaatigisas-sat Kalaallit Nunaanni pissutsinut atuuttunut eqqarsaatigisassanut naaper-tuuttut, aamma timimik misissuineq pillugu eqqartuussisarnermik inat-simmi malittarisassat pinerluttuliornermik sapinngisamik sukkasuumik kinguneqarluartumillu paasinninnissamat Kalaallit Nunaanni Politiit pitsaaneerpaamik ullutsinnullu tulluurtunik inatsisitigut sinaakkusiliinis-samat qulakkeerinnissimangitsut. Pingaartumik kinguaassiutitigut ator-nerluisoqarsimaneramik suliani, Inatsisunik atuutsitsinnermut ministeriaqar-fiup suliassaqarfiata aamma Naalakkersuisuni qaffasissumik salliutinne-qartut. Kinguaassiutitigut atorerluinerit pillugit Naalakkersuisut periusissi-aannit (Killiliisa) ilaatigut takuneqarsinnaavoq meeqqanut inuusut-tunullu kinguaassiutitigut atorerluisarnerit amerlassusaat ukiuni inun-ngorfeqatigiittuni tamani ikilisinneqarusuttut. Siuniussa q tassavaoq ukioq 2022 kinguaassiuutitigut atorerluiffiussanngitsaq.

Tamanna tunuliaqutaralugu siunnersuutigineqarpoq eqqartuussisarnermik inatsimmi § 403, imm. 1, nr. 1-imi timimik misissuinnermi pasitsaas-saqarnermik piunasaqaat dna-mik nalunaarsuiffimmi atugassamik misili-gutinik tiguisarnikkut iluarsineqassasoq, taamaalilluni pineqartoq naam-maginatartumik tunngaveqartumik inatsisunik ingasattumik unioqqutitsisi-masutut pasineqarnera pillugu siumut sammisumik piunasaqaateqartoqar-sinnaalluni.

Inatsisunik atuutsinnermik ministeriaqarfiup taamaalilluni qisermik misili-gummik tigusineq inussat ipaasaaniit tigusinertuulli sakkortussuseqartutut isigineqartariaqarluni. Qisermik misiligutissamik tigusineq inussat ipaa-saannik assiliinnermiit pineqartumut annertunerusumik artukkiisutut misigi-neqarnaviangilaq. Akuliunnerup sakkortussusia namminerme taamaalilluni ersersippaa inussat ipaasaannik assiliinnermut naleqqiullugu qisermit mis-iligummik tiguisinnermi sakkortunerusumik pasitsaassaqarnermik tun-ngaveqarluni piunasaqaammik aalajangersaasoqassanngilaq. Misissuunik-

kut eqqarsaatigisassani aamma inussat ipaasaannitullu taamaaqataanik pasitsaassaqaarnermik piumasaqaatinik aalajangersaasoqarsinnaasoq taamaalillunilu inussap ipaasaanik aamma dna-mik pissarsinissamut nalunaarsuinissamullu piumasaqaatit akornanni assigiissitsisoqarluni, taamaalilluni dna-mik takussutissat inussat ipaasaattulli misissuinerimi sakkutut kinguneqarluartutut atorneqarsinnaallutik.

Danmarkimi inatsisissamut siunnersuummut nalinginnaasumik nassuiaatinut allatigut innersuussisoqarpoq, imm. 4.1.3, tak. Folketingstidende 2004-05 katersat aappaat, tapiliusaaq A, qupperneq 494-496.

Aammattaaq siunnersuutigineqarpoq eqqartuussisarnermik inatsimmi § 403, imm. 1, nr. 2 malillugu timimik misissuinerimi pasinarsisinnissaanut piumasaqaat dna-nik nalunaarsuinerimi atugassanik misiligutissanik tigusinikkut iluarsineqassasoq. Kingusinnerusukkut kinaassusersiuinissaq siunertaralugu inussat ipaannik misissuisoqarsinnaallunilu inummik assiliisoqarsinnaavortaaq. Eqqartuussisarneq pillugu inatsimmi § 402, imm. 2-imi piumasaqaatit taamaalillutik ilaneqarput, qisermit aammilluunniit misiliutissanik tigusinerit ilaalerlutik.

Inatsisinik atuutsitsinermut ministeriaqarfiup taamaalilluni pingaartippaa maannakkut pasinarsisinnissaanut piumasaqaat pisut naapertorlugit kingunerisinnaagaa iliuuseqartoq – nassuernermit – imatut inissimalersinnaalluni pasinarsisinnissaanut piumasaqaat naammassineqarnani, taamaannak misissuininissaq eqqarsaatigineqarsimanngimmat. Inatsisinik atuutsitsinermut ministeriaqarfiup aamma pingaartippaa dna-nik nalunaarsuif-fiup pinerloqqittunit pinerlunniarnerit paasineqarnerini politiinut sulinerimi sakkuulluarnera.

Danskit inatsisissaattut siunnersuummut nassuiaatinut nalinginnaasunut, imm. 4.1.4-imut allatigut innersuussisoqarpoq, tak. Folketingstidende 2004-05 katersaat aappaat, tapiliusaaq A, qupperneq 496-497.

Aammattaaq inatsisissatut siunnersuutikkut siunnersuutigineqarpoq qisermik misiligummik tigusinissaq pillugu eqqartuussiviup aalajangiisinnana politiinut nuunneqassasoq, soorlu aammit misiligutissani ullumikkut taamaareertoq. Inatsisinik atuutsitsinermut ministeriaqarfiup taamaalilluni pingaartippaa qisermik misiligut, vatpindi assigisaaluunniit atorlugu ingerlanneqartartoq, assersuutigalugu aaversinnermit, nujamik qulakkeerinnermit amermillu sattaarinnermit pasisaasoq iluaagisaqarnerunaviangitsoq. Ta-

manna tunngavigalugu Inatsisunik atuutsitsinermik ministeriaqarfik isumaqarpoq qisermik misiligutissat piginnaasatigut § 401, imm. 2-imi ilaasunut timimik misissuineranut taaneqartunut assersuunneqartariaqartoq.

Tamanna pissutigalugu siunnersuutigineqarpoq peqqinnissaqarfimmi suliut peqataatinnagit qisermik misiligutissanik politiit tiguisinnaassasut. Tassunga atatillugu oqaatigineqassaaq vatpindi assigisaaluunniit atorlugu qisermik misiligutissamik tigusineq itermiit utsunnilluunnit misissuinermit misiligutissanillu tigusinernut kiisalu aaversinnermut naleqqiullugu timimik misissuinermit sakkukinnerusumik akuliunnerusooq. Aammattaaq malugineqassaaq Nakorsat pinerlussimanermi paasiniaaviata (Retsmedicinsk Institut) siusinnerusukkut Inatsisunik atuutsitsinermut ministeriaqarfimmut ilisimatitsissutigisimammagu vatpindi atorlugu qisermik misiligutissamik tigusinermi nakorsamik peqataasoqarnissaa pisariaqartutut isigineqanngitsoq.

Inatsisissamut siunnersuummut § 1, nr. 21-23-imut tassungalu nassuiaatinut innersuussisoqarpoq.

2.3. Kalaallit Nunaanni Eqqartuussivimmi sulisussat amerlassusissaat ivertitsigallarnerlu

2.3.1. Inatsisit atuuttut

Eqqartuussisarnermik inatsimmi § 5, imm. 1 malillugu Kalaallit Nunaanni eqqartuussisoq ataasiuvoq.

Eqqartuussisarnermik inatsimmi § 22, imm. 1 malillugu Domstolsstyrelsi Kalaallit Nunaanni Eqqartuussivimmi eqqartuussisumik aamma Kalaallit Nunaata Eqqartuussisuuneqarfiani eqqartuussisuunermik ivertitsigallarsinnaavoq, tamanna atorfiup inuttaqannginnerata imaluunniit aalajangersimasumik eqqartuussisup pisinnaajunnaarnerata pisariaqalersippagu. Napparsimaneq pissutigalugu sulisinnaajunnaartoqarsimanngippat atorfik ukioq ataaseq sinnerlugu utaqqiisaasumik inuttaqartinneqarsinnaanngilaq, tak. imm. 2.

Eqqartuussisarnermik inatsimmi § 23, imm. 3 malillugu Eqqartuussiviit Qullersaata præsidentia Kalaallit Nunaanni Eqqartuussivimmi eqqartuussisumik aamma Kalaallit Nunaata Eqqartuussisuuneqarfiani eqqartuussisuunermik isumaqatiginninniareerluni aalajangiissaaq eqqartuussisutut utaqqiisaasumik ivertinneqartup suliassat suut sularissanerai.

Ukiunik ataatsimik piffissaliinerup sivitsorneqarnera ukiuni pingasuni piffissamut ataatsimoortumik sivisunerpaamik pisinnaavoq, tak. eqqartuus-sisarnermik inatsimmi § 22, imm. 4.

Ivertitsigallarneq atorunnaassaaq atorfik inuttaqartinneqanngitsoq inuttalernerqarpat imaluunniit pisinnaajunnaarnermut tunngaviusoq atorunnaarpat, tak. eqqartuussisarnermik inatsimmi § 22, imm. 5. Taamaattorli Eqqartuussiviit Qullersaata præsidentiaata innersuussuteqarneratigut Domstolsstyrelsisip ivertitsineq siusinnerusukkumiit atuukkunnaarseqqissinnaa-vaa.

Eqqartuussisarnermik inatsimmi § 33, imm. 1 malillugu saniatigooralugu inuussutissarsiteqarnermut, najoqqutassanik unioqqutitsinermik malersuinermut, atorfimmit tunuartitaagallarnermut soraarsitaanermullu tunngatillugu Kalaallit Nunaanni Eqqartuussivimmi eqqartuussisumut aamma Kalaallit Nunaata Eqqartuussisuuneqarfiani eqqartuussisuunermit atuutisapput malittarisassat danskit eqqartuussisarnermik inatsisaanni §§ 47-50-imiittut.

Saniatigooralugu inuussutissarsiteqarneq pillugu nalunaarut Eqqartuussiviit Qullersaata præsidentianut tunniunneqartassaaq, taanna saniatigooralugu inuussutissarsiteqarnissamut najoqqutassanillu unioqqutitsisoqarsimatillugu oqartussaaffeqartuuvoq, eqqartuussiviit præsidentiisa danskit eqqartuussisarnermik inatsisaat malillugu oqartussaassuseqarfigisassaasa assinginik, tak. § 33, imm. 2.

Kalaallit Nunaanni Eqqartuussivimmi eqqartuussisoq aamma Kalaallit Nunaata Eqqartuussisuuneqarfiani eqqartuussisuuneq pillugu maalaarut Eqqartuussiviit Qullersaata præsidentianut imaluunniit Immikkut Ittumik Eqqartuussivimmut Maalaaruteqarfigineqarsinnaasumut tunniunneqartasapput, maalaaruteqarniarloq pissutsit maalaaruteqarnissamut tunngaviusut ilisimalerneriniit kingusinnerpaamik sapaatit akunneri sisamat qaangiutsinnagit maalaassaaq, tak. § 33, imm. 3.

Eqqartuussisarnermik inatsimmi § 34, imm. 2, naapertorlugu, Kalaallit Nunaata Eqqartuussisuuneqarfiani eqqartuussisoq maleruagassanut malinnilluarnissamut oqartussaasuvoq, Danmarkimi tassunga oqartussaaneq eqqartuussiviit præsidentiisa ataaniippoq, danskit eqqartuussisarnermut inatsisaat malillugu.

2.3.2. Inatsinik atuutsitsinerlut ministeriaqarfiup eqqarsaatersuutai aaqqissuussinerlu siunnersuutigineqartoq

Kalaallit Nunaani eqqartuussivimmum sammisumik immikkut suliniutitut Kalaallit Nunaat pillugu inatsiseqarnermut immikkoortitat 2018-imut aningaasanut inatsimmi piffissamut 2018-2021-imut ukiumut 10 mio. kr.-it immikkoortinneqarput.

Kalaallit Nunaannut inatseqarnermut immikkoortitat pillugit oqartussat aalajangiinerat 159 ulloq 30. august 2018-imi Folketingimi Aningaasaqarnermut ataatsimiititaliamit akuersissutigineqarpoq, taamaalilluni Kalaallit Nunaanni Eqqartuussivimmi eqqartussisumik suli allamik piffissami atorfinitsitsinissamut 3,5 mio. kr.-it immikkoortinneqarlutik.

Inatsisissatut siunnersuutikkut inatsiseqarnermut immikkoortitat piviusunngortinnerinut atasumik siunnersuutigineqarpoq Kalaallit Nunaanni Eqqartuussivimmi eqqartuussisumik suli allamik ivertitsinissamut tunngavissaq pilersinneqassasoq, taamaalilluni ullumikkumut eqqartuussivik ataatsimik eqqartuussisoqartoq marlunnik eqqartuussisoqalerluni.

Kalaallit Nunaata Eqqartuussiviani suli allamik eqqartuussisumik atorfinitsitsineq sulianik suliarinninnermi piffissat suli sivikinnerulernissaannut Kalaallit Nunaanni Eqqartuussivimmum aamma najugaqarfinni eqqartuussivinnut suli annerusumik periarfissaalissaq, soorlu aamma Kalaallit Nunaanni Eqqartuussivik najugaqarfinni eqqartuussisut eqqartuussisus-satullu ilinniartut piginnaangorsarnerinut suliniutinut qaffaasinnaalluni.

Aammattaaq Domstolsstyrelsen ilisimatitsissutigivaa aqutsisoqarfirmum tassunga ilisimatitsisoqarsimasoq Kalaallit Nunaanni eqqartuussisussanik ivertitsigallarnissamut periarfissat ullutsinnut tulluanngitsut. Taamaalilluni piffissap ilaani Kalaallit Nunaanni Eqqartuussivimmum eqqartuussisumik piukkunnaateqartumik sulisussarsinissaq sapernartarsimalluni, aammalu siunissami eqqartuussisut atorfinni siunnersuutigineqartuni ataatsimik marlunniluunniit sivisujaamik inuttassaqaqngitsoortarnissaq avaqqukkuminaassinnaasassalluni.

Tamanna tunuliaqutaralugu siunnersuutigineqarpoq Kalaallit Nunaanni Eqqartuussivimmi eqqartuussisut aamma Kalaallit Nunaanni Eqqartuussivimmi eqqartuussisuunertut ivertitsigallarneq pillugu malittarisassanik nutarterisoqassasoq.

Siunnersuutigineqarpoq suli – napparsimaneq pissutigalugu pisinnaangit-toqarnera eqqaassanngikkaanni – aallaaviatigut ukioq ataaseq sinnerlugu eqqartuussisutut imaluunniit eqqartuussisuunertut atorfimmi utaqqiisaasumik inissisimasoqarsinnaassanngitsaq.

Nutaatut siunnersuutigineqarpoq atorfimmi ivertitsigallartoqarpat ukiumik ataatsimik piffissaliineq ukioq ataasiakkaarlugu sivitsorneqarsinnaassasoq, ivertitsigallarnermut akuersisoqarnera anguneqarpat. Eqqartuussisutut ivertitsisoqarnissaanik, eqqartuussisup pisortanik inuussutissarsiummik allamik ingerlataqarnissaanut imaluunniit immikkorluinnaq peqquteqar-toqarnissaanik piunasaqaateqarunnaarpoq. Ukiumik ataatsimik piffissalii-nerup sivitsorneqarnera suli katillugit piffissamut ukiumut pingasunut sivi-sunerpaamik pisinnaassaaq.

Saniatigooralugu inuussutissarsiuteqarnermut, najoqqutassanik unioqqutitsinermik malersuinermit, maleruagassanut malinnilluarnissamut oqartussaannermit atorfimmiillu soraarsitaannermit tunngatillugu malittarisassat Kalaallit Nunaanni Eqqartuussivimmi sulisut amerlinerisa malitsigisaanik nutarterneqassasut siunnersuutigineqarpoq.

Siunnersuutigineqarpoq maannakkut aaqquissuussineq Danmarkimi eqqartuussisarnermik inatsimmi §§ 47-50-imi saniatigooralugu inuussutissarsiuteqarnermut, najoqqutassanik unioqqutitsinermik malersuinermit atorfimmiillu soraarsitaannermit tunngatillugu malittarisassat taamaaqataanik Kalaallit Nunaanni Eqqartuussivimmi eqqartuussisumut aamma Kalaallit Nunaanni Eqqartuussisuuneqarfimmi eqqartuussisuunermut atuutsinneqassasut, tamatumalu kingorna saniatigooralugu inuussutissarsiuteqarnermut najoqqutassanillu unioqqutitsinermik malersuinermit oqartussanut tunngasut pisinnaatitaaffiit, Danmarkimi eqqartuussisut præsidentiinut pisussaaffiusut Eqqartuussiviit Qullersaanni præsidentimit isumagineqalerlutik, Kalaallit Nunaanni Eqqartuussivimmi eqqartuussisuunermut aamma Kalaallit Nunaanni Eqqartuussisuuneqarfimmi eqqartuussisuunermut ingerlateqqineqarlutik. Kalaallit Nunaanni Eqqartuussivimmi eqqartuussisoq eqqarsaatigalugu siunnersuutigineqarpoq Kalaallit Nunaanni Eqqartuussivimmi eqqartuussisuuneq saniatigooralugu inuussutissarsiuteqarnermut najoqqutassanillu unioqqutitsinermik malersuinermit oqartussanut tunngasut pisinnaatitaaffinnik isumaginnittuulerluni, taakku Danmarkimi eqqartuussivinni præsidentinit isumagineqartut.

Tamatuma saniatigut siunnersuutigineqarpoq Kalaallit Nunaata Eqqartuussisuuneqarfiani eqqartuussisuuneq maleruagassanut malinnilluarnissa-

mut oqartussaasuuginnassasoq, danskit eqqartuussisanermut inatsisaat naapertorlugu Danmarkimi eqqartuussivimmi præresidentinit oqartussaaffigineqartumut, Kalaallit Nunaata Eqqartuussiviani fuldmægtige-nut aammalu utaqqiisaagallartumik Eqqartuussisuunertut ivertinneqartartunut, eqqartuussisutut atorfinitsinneqarsimanngitsunut tunngatillugu. Aamma siunnersuutigineqarpoq Kalaallit Nunaata Eqqartuussiviani eqqartuussisoq aqutsisuusooq maleruagassanut malinnilluarnissamut oqartussaasuulissasoq, danskit eqqartuussisanermut inatsisaat naapertorlugu Danmarkimi eqqartuussivimmi præresidentinit oqartussaaffigineqartumut, Kalaallit Nunaata Eqqartuussiviani fuldmægtige-nut aammalu utaqqiisaagallartumik Eqqartuussisutut ivertinneqartartunut, eqqartuussisutut atorfinitsinneqarsimanngitsunut tunngatillugu.

Inatsisissatut siunnersuummi § 1, nr. 1-5-imut aamma 7-12-imut kiisalu taakkununga nassuiaatinut innersuussisoqarpoq.

2.4. Siunnersuisoqatigiit ataatsimiititaliallu katitigaaneri

2.4.1. Inatsisit atuuttut

Eqqartuussisarnermik inatsimmi § 13, imm. 4 malillugu Dommerudnæv-nelsesrådimi inuiaqatigiit kalaallit sinniisuutitaat Kalaallit Nunaanni Naalakkersuisunit aamma Kanukokamit innersuussuteqarnerup kingorna Inatsiseqarnermut ministereqarfimmit ivertinneqartassapput.

Kalaallit Nunaanni Eqqartuussiveqarnek pillugu Isumalioqatigiissitat Kalaallit Nunaanni Namminersorlutik Oqartussat naalagaaffimmilu oqartussaatic akornanni pinerluttulerinermi aamma eqqartuussisarnermik inatsisit pillugit ataqatigiissaarnermik suliaqarput. Tassunga ilanngullugit suliarissallugit inatsisitigut tunngavissanik tamakkunatigut siuarsaaneq, tamatumunnga atasumik ilisimatusarnermik aallarnisaaneq kiisalu eqqar-tuus-sivinni oqartussaaticitaasut ataasiakkaat sulinerinik aamma ilinniaga-qarnisamik pisariaqartitsinerinik malinnaaviginninneq, tak. eqqartuussi-sarnermik inatsimmi § 742.

Kalaallit Nunaanni Eqqartuussiveqarnek pillugu Isumalioqatigiissitani ilaasortat eqqartuussisarnermik inatsimmi § 743, imm. 1-imi aalajangersar-neqarput. Tassannga takuneqarsinnaavoq siunnersuisoqatigiit 14-inik ilaasortaqaartut:

Kalaallit Nunaanni eqqartuussisuuneq, Kalaallit Nunaanni Eqqartuussivimmi eqqartuussisoq, Kalaallit Nunaanni politimesteri, Kalaallit Nunaanni Pinerluuteqarsimasunik Isumaginnittoqarfimmi pisortaq, eqqartuussisoq ataaseq, Kanukoka, eqqartuussissuserisoq ataaseq, illersuisoq ataaseq, ilisimatusarfimmi ilinniartitsisoq ataaseq, Kalaallit Nunaanni Namminersorlutik Oqartussaniit sinniisuutit marluk kiisalu Inatsiseqarnermut Ministereqarfimmiit, Domstolsstyrelsimiit aamma Pinerluuteqarsi-masunik Isumaginnittoqarfimmut Pisortaqarfimmiit sinniisuutit.

Kalaallit Nunaanni Pinerluttaalisitsiniarneq pillugu Isumalioqatigiissitat pinerluttaalisitsiniartartussaapput, ilanngullugit aamma suliarisarlugit isumannaatsuutitsinissap tungaatigut siuarsaniutit, qaammarsaanerit, misilitakkatigut paarlaaqatigiititsineq kiisalu najugarisami SSPK-ip ataatsimii-titaliaanik siunnersuineq, tak. eqqartuussisarnermik inatsimmi § 744.

Kalaallit Nunaanni Pinerluttaalisitsiniarneq pillugu Isumalioqatigiissitaani ilaasortat eqqartuussisarnermik inatsimmi § 745, imm. 3-imi aalajangersar-neqarput. Tassannga takuneqarsinnaavoq siunnersuisoqatigiit arfineq-

pingasunik ilaasortaqaassasoq Kalaallit Nunaanni politimesterimiit, Kalaallit Nunaanni Pinerluuteqarsimasunik Isumaginnittoqarfimmiit, Isuma-gin-ninnermut Pisortaqaarfimmiit, Peqqissutsimut Pisortaqaarfimmiit, Kanu-ko-kamiit kiisalu Kalaallit Nunaanni nammineq kajumissutsimik suliniaqatigi-iffinniit, sulisitsisut kattuffiniit aamma sulisartut kattuffiniit sinnii-suutitat.

2.4.2. Inatsinik atuutsitsinermut ministeriaqarfiup eqqarsaasersuutai aaqqissuussinerlu siunnersuutigineqartoq

Kanukoka, Kalaallit Nunaanni Eqartuussiveqarneq pillugu Isumalioqatigiissitani aamma Kalaallit Nunaanni Pinerluttaalisitsiniarneq pillugu Isumalioqatigiissitani sinniisuutitaqartoq, aamma Dommerudnævnelses-rådimi inuiaqatigiit kalaallit sinniisuutitaannik inassuteqartartoq ulloq 31. juli 2018-imit atorunnaarsinneqarpoq. Siunnersuisoqatigiinni taakkunani kommunit suliaannik paasisimasaqartunik inunnut suli sinniisuutitaqarnissaat qanoq qulakkeerneqassanersoq aamma Dommerudnævnelsesrådimi inuiaqatigiit kalaallit sinniisuutitaannik siunissami inassuteqarsinnaaneq qanoq qulakkeerneqassanersoq pillugu isummertoqarnissaanik pisariaqartitsisoqarpoq.

Ulloq 1. april 2017-imi aamma Kalaallit Nunaannut illersuisuuneq toqqarneqarpoq, pinerluttulerinermi suliani kinguneqarluartumik illersuinissaq eqqarsaatigalugu suliassamik isumaginnittussaq, ilaatigut illersuisut ilinni-artinnerisigut, siunnersornerisigut nakkutiginerisigullu.

Tamanna tunngavigalugu Kalaallit Nunaanni Eqartuussiveqarneq pillugu Isumalioqatigiissitaq isumalioqatigiissitap 2018-imi ataatsimiinneranni ilaatigut oqallisigineqarpoq isumalioqatigiissitat ilaasortaasigut iluarsiiisoqarnissaanik pisariaqartitsisoqarnerseq. Tassunga atatillugu isumalioqatigiissitamit eqqarsaatigineqarpoq isumalioqatigiissitaq ima katitigaassanersoq, pinerluttulerinermi eqqartuussisarnermillu inatsisit pillugit Namminersorlutik Oqartussat aamma naalagaaffeqatigiinni oqartussat akornanni suleqatigiinnermik ataqatigiissaarilluni suliassaminik isumalioqatigiissitap isumaginnissinnaaneranut tunngavigisassat pitsaanerpaat qulakkeerneqarluni, tassunga ilanngullugit inatsisitigut tunngavissanik tamakkunatigut siuarsaaneq, tamatumunnga atasumik ilisimatusarnermik aallarnisaaneq kiisalu eqqartuussivinni oqartussaataitasut ataasiakkaat sulinerinik aamma ilinniagaqarnissamik pisariaqartitsinerinik malinnaaviginninneq.

Isumalioqatigiissitaq naliliivoq isumalioqatigiissitami ilaasortani ataatsip Kalaallit Nunaanni kommunit suliaannik immikkut ilisimasaqartuunissaa

suli tulluassasoq. Tamatumunnga pissutaavoq isumaginninnermi suliassat aamma suliassaqarfiit naalagaaffeqatigiinnit oqartussanit aquneqartut akornanni qanittumik ataqatigiittoqarnera, assersuutigalugu pinerluttuliornermik pitsaaliortitsinermut aamma pineqaatissiissutit naammassineqarnerinut naleqqiullugu.

Tamanna tunuliaqutaralugu siunnersuutigineqarpoq, Kanukokap atorunnaarsinneqarnerata kingunerisaanik Kanukoka isumalioqatigiissitami ilaasortaajunnaarmat, taanna kommunimiit sinniisuutitami taarserneqassasoq kommunit suliannik immikkut ilisimasaqartumit.

Aammattaaq isumalioqatigiissitat naliliipput isumalioqatigiissitami ilaasortat Kalaallit Nunaannut illersuisuunermik amerlineqartariaqartut, taamaalilluni aamma atorfimminut atatillugu illersuisuunertut ilisimasat isumalioqatigiissitap sulineranut ilaatilernissaat aamma qulakkeerneqarluni, aamma isumalioqatigiissitaq illersuisuunertut atorfimmuut tunngatillugu isumalioqatigiissitap suliassaminik isumaginnissinnaaneranut pitsaaner-paanik tunngavissinneqarluni.

Kiisalu isumalioqatigiissitaq naliliilluni isumalioqatigiissitami ilaasortat Rigsadvokatinut aamma Rigspolitiinut sinniisunik ilasariaqartut. Taamaalilluni Inatsisinik atuutsitsinermut ministeriaqarfimmi qullersaqarfik tamarmi isumalioqatigiissitami sinniisuutitaqalerluni, taamaalilluni isumalioqatigiissitami ilisimatigut tunngaviit sapinngisamik pitsaanerpaat aamma isumalioqatigiissitami sulinermi malinnaanissamut sapinngisamik sinaak-kusiussat pitsaanerpaat qulakkeerneqarlutik.

Isumalioqatigiissitami oqallinnerit tunngavigalugit inatsisissatut siunnersuut ilusilerneqarpoq.

Kalaallit Nunaanni Pinerluttaalisitsiniarneq pillugu Isumalioqatigiissitani ilaasortat allanngortinneqassasut siunnersuutigineqarpoq taamaalilluni isumalioqatigiissitaq - Kalaallit Nunaanni politimesterimiit, Kalaallit Nunaanni Pinerluuteqarsimasunik Isumaginnittoqarfimmiit, Kalaallit Nunaanni nammineq kajumissutsimik suliniaqatigiiffinniit, sulisitsisut kattuffiiniit aamma sulisartut kattuffiiniit sinniisuutit saniatigut – tassaalerlutik Namminersorlutik Oqartussanit sinniisuutit marluk. Naatsorsuutigineqarpoq sinniisuutit ilaat ataaseq isumaginninnermi suliassanik immikkut ilisimasaqassasoq, ilaasortaq ataaseq peqqissutsimi suliassanik immikkut ilisimasaqassasoq sinniisuutitarlu ataaseq kommunini suliassanik immikkut ilisimasaqassasoq.

Dommerudnævnelserådimi inuiaqatigiit kalaallit sinniisuutitaannik Kanukokap inassuteqarsinnaananeranut tunngatillugu siunnersuutigineqarpoq tassani sinniisuutitaasut marluk Naalakkersuisuniit inassuteqartoqarneratigut inatsisinik atuutsitsinermut ministerimiit ivertinneqartassasut.

Inatsisissatut siunnersuummi § 1, nr. 6-mut, 25-imut aamma 27-imut kiisalu taakkununga nassuiaatinut innersuussisoqarpoq.

3. Pisortanut aningaasaqarnikkut kingunissaa atulersitsinermilu kingunissat

4. Inuussutissarsiuteqartunut il.il. aningaasaqarnikkut allaffissornikkullu kingunissat

Inatsisissatut siunnersuut inuussutissarsiuteqartunut il.il. aningaasaqarnikkut imaluunniit allaffissornikkut kinguneqassanngilaq.

5. Innuttaasunut allaffissornikkut kingunissat

Inatsisissatut siunnersuut innuttaasunut allaffissornikkut kinguneqassanngilaq.

6. Avatangiisitigut kingunissat

Inatsisissatut siunnersuut avatangiisitigut kinguneqassanngilaq.

7. EU-mi inatsisinut pissutsit

Inatsisissatut siunnersuut EU-mi inatsisinut tunngasunik imaqqanngilaq.

8. Oqartussat suliniaqatigiiffiillu il.il. tusarniarneqartut

Inatsisissatut siunnersuummut missingiut piffissami ulloq 16. november 2018-imiit ulloq 14. december 2018-imut oqartussani suliniaqatigiiffinnilu il.il. ukunani tusarniutigineqarsimavoq:

[Højesteret, Østre Landsret, Vestre Landsret, Kalaallit Nunaanni Eqqartuussivik, Kalaallit Nunaanni Eqqartuussivik, Domstolsstyrelsi, Rigsadvokati, Rigspolitiit, Kalaallit Nunaanni Politimesteri, Den Danske

Dommerforening, Dommerfuldmægtigforeningen, Kredsdommerforeningen, Foreningen af Offentlige Anklagere, Politiforbundet, Kalaallit Nunaanni Politiit peqatigiiffiat, Advokatrådet, Danske Advokater, Landsforeningen af Forsvarsadvokater, Grønlandske Advokater, Kalaallit Nunaanni illersuisut peqatigiiffiat, Kalaallit Nunaanni Illersuisuuneq, Institut for Menneskerettigheder aamma Retspolitisk Forening.]

Taakku saniatigut inatsisissatut siunnersuummut missingiut Namminersolutik Oqartussanut oqaaseqarfigisassanngorlugu saqqummiunneqarpoq.

9. Immersugaq eqikkaasoq

	Kingunissat pitsaasut /annikinnerusumik aningaasartuutit (aapiuppat, annertussusaa allaguk / Naamiuppat ”Soqanngilaq” allaguk)	Kingunissat ajortut/-annertunerusumik aningaasartuutit (aapiuppat, annertussusaa allaguk / Naamiuppat ”Soqanngilaq” allaguk)
Naalagaaffimmut, kommuninut nunap immikkoortuinut aningaasaqar-nikkut kingunissat	Soqanngilaq	Timikkut misissuinnermut malittarisas-sanik allanngineq aamma Kalaallit Nunaanni Eqqar-tuussi-vimmi sulisunik aalajangersaaneq pillugit inatsisissatut siunnersuummi aalajangersakkat kingunerisaannik annertunerusumik aningaasartuutit politiinut sinaakkusiussat aamma inatsisilernikkut Kalaallit Nunaanni immikkoortitanut sinaakkusiussat iluani akilerneqassapput.

Naalagaaffimmut, kommuninut nunap immikkoortuinut atulersitsinermit kingunissat	Soqanngilaq	Soqanngilaq
Inuussutissarsiortunut aningaasaqarnikkut kingunissat	Soqanngilaq	Soqanngilaq
Inuussutissarsiortunut allaffissornikkut kingunissat	Soqanngilaq	Soqanngilaq
Innuttaasunut allaffissor-nikut kingunissat	Soqanngilaq	Soqanngilaq
Avatangiisitigut kingunissat	Soqanngilaq	Soqanngilaq
EU-mi inatsisinut pissutsit	Inatsisissatut siunnersuut EU-mi inatsisinut tunngasunik imaqanngilaq	
Inuussutissarsiutitigut EU-mi malittarisassani atulersitsinermit tunngavinnut tallimaasunut akerliuva	Aap	Naamik X

*Inatsisissatut siunnersuummi aalajangersakkanut
ataasiakkaanut nassuiaatit*

§ 1-imut

Nr. 1-imut aamma 2-mut

Kalaallit Nunaanni Eqqartuussivimmiippoq eqqartuussisoq ataaseq, eqqartuussivimmut eqqartuussisutut sulisoq, aqutsinikkut arlalitsigut pisinnaatitaavoq aamma Dommerrådimi ilaasortaalluni. Tassani pisinnaatitaaffiit il.il. pineqartut eqqartuussisarnermik inatsimmi ukunani ilaapput: § 3, imm. 2, § 5, imm. 3, § 9, imm. 2, § 11, imm. 1 aamma 2, § 16, imm. 1, § 18, imm. 3, § 19, § 20, imm. 1, § 23, imm. 3, § 27, imm. 2, § 28, imm. 1, § 29, imm. 2, § 35, imm. 2 aamma 3, § 38, imm. 1, § 67, imm. 2, § 68, imm. 1, § 85, imm. 2, aamma § 659. Aammattaaq pineqarlutik pisinnaatitaaffiit il.il. eqqartuussisarnermik inatsimmi uku: § 4, imm. 2, § 17, imm. 4, § 20, imm. 3 aamma 8, § 26, imm. 3, § 28, imm. 3, § 29, imm. 1, § 66, imm. 1, § 69, § 71 aamma § 668.

Inatsisissatut siunnersuummi § 1, nr. 3-imi siunnersuutigineqarpoq Kalaallit Nunaanni Eqqartuussivimmi sulisut amerlineqassasut, taamaalilluni eqqartuussisut marlungortinneqarlutik, taakkunannga ataaseq eqqartuussisutut aqutsisuussalluni. Taamaattumik Kalaallit Nunaanni Eqqartuussivimmi eqqartuussisup aqutsisuusup aamma eqqartuussisup akornanni suliat agguataarneri pillugit isummertoqassaaq.

Inatsisissatut siunnersuummi § 1, nr. 1 aamma 2-mi siunnersuutigineqarpoq eqqartuussisoq aqutsisuusoq aqutsinikkut suliassanik isumaginnittussasasooq, ullumikkut Kalaallit Nunaanni Eqqartuussivimmi eqqartuussisumit sularineqartartunik. Aammattaaq siunnersuutigineqarpoq Kalaallit Nunaanni Eqqartuussivimmi eqqartuussisoq aqutsisuusoq Dommerrådimi ilaasortaassasooq, tak. eqqartuussisarnermik inatsimmi § 10.

Allatigut inatsisissatut siunnersuummi nassuiaatini nalinginnaasuni imm. 2.3-imut innersuussisoqarpoq aammalu inatsisip § 1, nr. 1 aamma 2-anut nassuiaatinut innersuussisoqarluni.

Nr. 3-mut

Eqqartuussisarnermik inatsimmi § 5, imm. 1 malillugu Kalaallit Nunaanni Eqqartuussivimmiippoq eqqartuussisoq ataaseq kunnigimit ivertinneqartartoq.

§ 1, nr. 3-imi siunnersuutip malitsigisaanik Kalaallit Nunaanni Eqqartuussivik marlunnik eqqartuussisoqalissaaq, taakkunannga ataaseq eqqartuussisuussalluni aqutsisuusoq. Eqqartuussisut marluullutik kunnigimit toqqarneqarlutik ivertinneqassapput, tak. eqqartuussisarnermik inatsimmi § 13.

Allatigut inatsisissatut siunnersuummi nassuiaatini nalinginnaasuni imm. 2.3-imut innersuussisoqarpoq.

Nr. 4-mut

Eqqartuussisarnermik inatsimmi § 12, imm. 2 aamma § 58 malillugit Kalaallit Nunaanni Eqqartuussivimmi eqqartuussisoq najukkani eqqartuussinik ilinniartitsilluni najukkani eqqartuussivinnut ilitersuussissaaq.

Kalaallit Nunaanni Eqqartuussivimmi eqqartuussisoq eqqartuussisarnermik inatsimmi § 269 malillugu pisuni aalajangersimasuni akiliisinnaajunnaartup pigisaanik agguaassinissaq pillugu sulianik danskit pigisanik agguaassisarnermut eqqartuussivianut innersuussisinnaavoq.

Eqqartuussisarnermik inatsimmi § 273, imm. 4 malillugu Kalaallit Nunaanni Eqqartuussivimmi eqqartuussisup ataassarsiuineq aamma meeqqanut akilersuutissanik aalajangersaasarneq pillugit suliassat suliassaq eqqartuussivimmi allami sularineqartussanngortillugu innersuussutigisinnaavaa, tamanna suliassap sularineqarneranut pisariillisaataassasorineqarpat imaluunniit pilertornerulersitsissasorineqarpat.

Inatsisissatut siunnersuummi § 1, nr. 3-imi siunnersuutigineqarpoq Kalaallit Nunaanni Eqqartuussivimmi sulisut amerlineqassasut, taamaalilluni eqqartuussisut marlunngorlutik, taakkunani ataaseq eqqartuussisoq aqutsisuussalluni. Taamaattumik Kalaallit Nunaanni Eqqartuussivimmi eqqartuussisup aqutsisuusup aamma eqqartuussisup akornanni suliassat agguataarneri pillugit isummertoqassaaq.

Inatsisissatut siunnersuummi § 1, nr. 4-imi siunnersuutigineqarpoq Kalaallit Nunaanni Eqqartuussivimmi eqqartuussisut arlaat najukkani eqqartuussisut

ilinniartitaanerannik najukkanilu eqqartuussivinni ilitersuussi-nermik isumaginnittuussanersoq eqqartuussisumit aqutsisuusumit aalajangerneqartasasooq, tassunga ilanngullugu eqqartuussisut marluullutik sulias-sanik isumaginnittuussanersut.

Aammattaq siunnersuutigineqarpoq akiliisinnaajunnaartup pigisaanik agguassinissamut sulianik danskit pigisanik agguassisarnermut eqqartuussivianut eqqartuussisut marluullutik innersuussisinnaasut. Kiisalu siunnersuutigineqarluni eqqartuussisut marluullutik eqqartuussisarnermik inatsimmi § 273, imm. 4-imi aalajangersagaq malillugu ataassarsiuineq aamma meeqqanut akilersuutissanik aalajangersaasarneq pillugit suliassat eqqartuussivimmi allami suliassanngorlugit innersuussisinnaasut.

Allatigut inatsisissatut siunnersuummi nassuiaatini nalinginnaasuni imm. 2.3-imut innersuussisoqarpoq.

Nr. 5-imut

Eqqartuussisarnermik inatsimmi § 13, imm. 1 malillugu Eqqartuussisoq inatsisilerituutut soraarummeernermi angusaqarsimasuussaaq.

Inatsisissatut siunnersuummi § 1, nr. 5-imi aalajangersakkamik allannguinissamik siunnersuut Kalaallit Nunaanni Eqqartuussivimmi sulisussarisat amerlineqarnissaat pillugu inatsisissatut siunnersuummi § 1, nr. 3-imi aalajangersakkap siunnersuutigineqartup malitsigaa, tamatumalu kinguneralugu Kalaallit Nunaanni Eqqartuussivimmi eqqartuussisut marluullutik inatsisilerituutut soraarummeernermi angusaqarsimanissaat.

Allatigut inatsisissatut siunnersuummi nassuiaatini nalinginnaasuni imm. 2.3-imut innersuussisoqarpoq.

Nr. 6-imut

Eqqartuussisarnermik inatsimmi § 13, imm. 3 malillugu Kalaallit Nunaanni Eqqartuussivimmi eqqartuussisutut imaluunniit Kalaallit Nunaata Eqqartuussisuuneqarfiani nunap eqqartuussisuuneratut atorfiup inuttalernerneqarnissaata sularineqarnerani peqataatinneqassapput Dommerudnævnel-sesrádit, eqqartuussissuserisoq Kalaallit Nunaanni najugalik, eqqartuussissuserisumut Danmarkimi najugalimmut taarsiullugu, aamma inuiaqatigiit danskit sinniisuutitaannut taarsiullugit inuiaqatigiit kalaallit sinniisuutitaat marluk.

Eqqartuussisarnermik inatsimmi § 13, imm. 4 malillugu inuiaqatigiit kalaallit sinniisuutitaat Kalaallit Nunaanni Naalakkersuisunit aamma Kanukokamit (Kalaallit Nunaanni Kommuneqarfiit Kattuffiat) innersuussuteqarnerup kingorna Inatsiseqarnermut ministereqarfimmit ivertinneqartasapput.

Inatsisissatut siunnersuummi § 1, nr. 6-imi aalajangersagaq siunnersuutiginartoq malillugu inuiaqatigiit kalaallit sinniisuutitaasunut marluusunut Kalaallit Nunaanni Naalakkersuisunit inassuteqartoqarneratigut pis-saaq. Naatsorsuutigineqarpoq sinniisuutitap aappaa kommunit suliaannik immik-kut ilisimasaqassasoq, inassuteqanerlu Naalakkersuisoqarfimmit inatsisinik atuutsitsinermut suliaasaqarfimmik tigungminnittumit ingerlanneqassasoq.

Allatigut inatsisissatut siunnersuummi nassuiaatini nalinginnaasuni imm. 2.4-imut innersuussisoqarpoq.

Nr. 7-imut

Eqqartuussisarnermik inatsimmi § 22, imm. 1 malillugu Domstolsstyrelsi Kalaallit Nunaanni Eqqartuussivimmi eqqartuussisumik aamma Kalaallit Nunaata Eqqartuussisuuneqarfiani eqqartuussisuunermik ivertitsigallarsinnaavoq, tamanna atorfiup inuttaqannginnerata imaluunniit aalajangersimasumik eqqartuussisup pisinnaajunnaarnerata pisariaqalersippagu.

Inatsisissatut siunnersuummi § 1, nr. 7-imi aalajangersakkutut siunnersuutigineqartoq Kalaallit Nunaata Eqqartuussiviani sulisut amerlinissaat pillugu inatsisissatut siunnersuutip § 1, nr. 3-ip kinguneraa, tamatumalu malitsigalugu Kalaallit Nunaanni Eqqartuussivimmi eqqartuussisutut atorfinnut marlunnut naleqqiullugu ivertitsigallarnermik Domstolsstyrelsi nalunaaruteqarsinnaalluni. Inatsisissatut siunnersuummi nassuiaatini nalinginnaasuni imm. 2.3-imut allatigut innersuussisoqarpoq.

Nr. 8-mut

Eqqartuussisarnermik inatsimmi § 22, imm. 1 malillugu Domstolsstyrelsi Kalaallit Nunaanni Eqqartuussivimmi eqqartuussisumik aamma Kalaallit Nunaata Eqqartuussisuuneqarfiani eqqartuussisuunermik ivertitsigallarsinnaavoq, tamanna atorfiup inuttaqannginnerata imaluunniit aalajangersimasumik eqqartuussisup pisinnaajunnaarnerata pisariaqalersippagu. Napparsimaneq pissutigalugu pisinnaajunnaarnerit saniatigut atorfik ukioq

ataaseq sinnerlugu utaqqiisaasumik inuttaqartinneqarsinnaanngilaq, tak. imm. 2.

Ivertitsigallarneq eqqartuussisup innuttaasut sinnerlugit suliareqqusaasumik allamik suliassaqarneranik pissuteqarpat, ukiumik ataatsimik killeqartitsineq ukioq ataasiakkaarlugu tikillugu sivisussusilerlugu sivitsorneqarsinnaavoq, taamaaliortoqassappat piumasaqaataavoq pissutsit immik-kut illuinnartut tunngaviussasut, Eqqartuussiviit Qullersaata præsentia akuersissasoq, aamma eqqartuussisutut toqqarneqarsimasoq atorfimmut ivertinneqarallarsimassasoq, tak. eqqartuussisarnermik inatsimmi § 22, imm. 3.

Ukiumik ataatsimik killeqartitsinermik sivitsuisarneq sivisunerpaamik katillugit ukiuni pingasuni pisinnaavoq, tak. eqqartuussisarnermik inatsimmi § 22, imm. 4.

Ivertitsigallarneq atorunnaassaaq atorfik inuttaqartinneqanngitsoq inuttaleneqarpat imaluunniit pisinnaajunnaarnermut tunngaviusoq atorunnaarpat, tak. eqqartuussisarnermik inatsimmi § 22, imm. 5. Taamaattorli Eqqartuussiviit Qullersaata præsentiaata innersuussuteqarneratigut Domstolsstyrelsisup ivertitsineq siusinnerusukkumiit atuukkunnaarseqqissinnaa-vaa.

Inatsisissatut siunnersuummi § 1, nr. 8-imi siunnersuutigineqarpoq ukiumik ataatsimik killeqartitsineq ukioq ataasiakkaarlugu tikillugu sivisussusilerlugu sivitsorneqarsinnaasoq, aalajangersagaq naapertorlugu ivertitsigallarnissamut akuerineqarneq anguneqarsimappat. Ukiumik ataatsimik killeqartitsinermik sivitsuisarneq sivisunerpaamik katillugit ukiuni pingasuni pisinnaavoq, tak. eqqartuussisarnermik inatsimmi § 22, imm. 4.

Napparsimaneq pissutigalugu pisinnaannginneq eqqaassanngikkaanni aallaaviatigut ukioq ataaseq sinnerlugu eqqartuussisutut imaluunniit nunap eqqartuussisuatut atorfimmi ivertinneqarsimaneq suli ajornassaaq.

Taamaalilluni tunngavigineqarpoq atorfiup inuttaqanngitsup inuttalernissaanut utaqqiisaagallartumik ivertitsigallarnissamut pissutissaqarluarpat taamaallaat akuersisoqarsinnaasoq. Ivertitsigallarnissamut akuersinissamut tunngavissaqarnerisooq nalililersuineq tunngavigineqartassaaq. Atorfik inuttassarsiorlugu qasseriarlugu inuttassarsiunneqarsimanersooq aamma atorfik Kalaallit Nunaanni Danmarkimilu tusagassiutitigut allatigullu tulluurtumik inuttassarsiunneqarsimanersooq aamma eqqumaffigineqartassaaq.

Siunnersuutigineqarpoq Kalaallit Nunaanni Eqqartuussivimmut eqqar-tu-
ussisumut tunngatillugu akuersineq Kalaallit Nunaanni Eqqartuussivimmi
eqqartuussisumit aqutsisuusumit tunniunneqassasoq, Kalaallit Nunaanni
Eqqartuussivimmi eqqartuussisumut aqutsisuusumut tunngatillugu akuersi-
neq Kalaallit Nunaata Eqqartuussisuuneqarfiani nunap eqqartuussisuanit
tunniunneqassaaq aamma Kalaallit Nunaata Eqqartuussisuuneqarfiani
nunap eqqartuussisuanut tunngatillugu Eqqartuussiviit Qullersaata præsi-
dientianit akuersineq tunniunneqassalluni.

Inatsisissatut siunnersuummi nassuiaatini nalinginnaasuni imm. 2.3-imut
allatigut innersuussisoqarpoq.

Nr. 9-mut

Eqqartuussisarnermik inatsimmi § 24 malillugu Kalaallit Nunaanni Eqqar-
tuussivimmi eqqartuussisup suliassamut akooqqusaannginnera pissutigal-
lugu pisariaqalissappat Eqqartuussiviit Qullersaata præsentia eqqartuus-
sisup taartaanik ivertitsissaaq.

Inatsisissatut siunnersuummi § 1, nr. 9 tassaavoq Kalaallit Nunaanni
Eqqartuussivimmi sulisussat eqqartuussisumit ataatsimiit marlunnut amer-
lineqarnissaannut inatsisissatut siunnersuummi § 1, nr. 3-imi aalajangersak-
katut siunnersuutip malitsigaa, kinguneralugulu Kalaallit Nunaanni
Eqqartuussivimmi eqqartuussisutut atorffinnut marlunnut naleqqiullugu
eqqartuussisup taartissaaanik Eqqartuussiviit Qullersaqarfiata præsentia
ivertitsisinnaassaaq.

Inatsisissatut siunnersuummi nassuiaatini nalinginnaasuni imm. 2.3-imut
allatigut innersuussisoqarpoq aammalu inatsisip § 1, nr. 1 aamma 2-anut
nassuiaatinut innersuussisoqarluni.

Nr. 10-mut

Eqqartuussisarnermik inatsimmi § 33, imm. 1-ip malitsigisaanik saniati-
gooralugu inuussutissarsiuteqarnermut, najoqqutassanik unioqqutitsiner-
mik malersuinermit, atorffimmit tunuartitaagallarnermut soraarsitaaner-
mullu tunngatillugu Kalaallit Nunaanni Eqqartuussivimmi eqqartuussisu-
mut aamma Kalaallit Nunaata Eqqartuussisuuneqarfiani eqqartuussisuu-
nermut atuutissapput malittarisassat danskit eqqartuussisarnermik inatsi-
saanni §§ 47-50-imiittut.

Eqqartuussisarnermik inatsimmi § 33, imm. 2 malillugu saniatigooralugu inuussutissarsiuteqarneq pillugu nalunaarut Eqqartuussiviit Qullersaata præidentianut tunniunneqartassaaq, taanna saniatigooralugu inuussutissarsiuteqarnissamut najoqqutassanillu unioqqutitsisoqarsimatillugu oqartussaaffeqartuuvoq, eqqartuussiviit præidentiisa danskit eqqartuussisarnermik inatsisaat malillugu oqartussaassuseqarfigisassaasa assinginik.

Eqqartuussisarnermik inatsimmi § 33, imm. 3 naapertorlugu Kalaallit Nunaanni Eqqartuussivimmi eqqartuussisoq aamma Kalaallit Nunaata Eqqartuussisuuneqarfiani eqqartuussisuuneq pillugu maalaarut Eqqartuussiviit Qullersaata præidentianut imaluunniit Immikkut Ittumik Eqqartuussivimmut Maalaaruteqarfigineqarsinnaasumut tunniunneqartassaaq, maalaaruteqartup pissutsinik maalaaruteqarnermut tunngaviusunik ilisimasaqalerneraniit kingusinnerpaamik sapaatit akunneri sisamat qaangiutsinnagit.

Inatsisissatut siunnersuummi § 1, nr. 10-imi aalajangersakkap nutaamik oqaasertalernissaatut siunnersuutigineqartoq Kalaallit Nunaanni Eqqartuussivimmi sulisussat amerlineqarnissaat pillugu inatsisissatut siunnersuutip § 1, nr. 3-ip kinguneraa.

Kalaallit Nunaanni Eqqartuussisuuneqarfimmi nunap eqqartuussisua eqqarsaatigalugu inatsisit atuuttut ingerlateqqinneqarput.

Kalaallit Nunaata Eqqartuussiviani eqqartuussisumut aqutsisuusumut pineqarpoq ullumikkut Kalaallit Nunaanni eqqartuussisumut aaqqissuussinerup atuuttup ingerlateqqinneqarnera.

Kalaallit Nunaanni Eqqartuussivimmi eqqartuussisoq pillugu siunnersuutigineqarpoq – Danmarkimi eqqartuussisarnermik inatsimmi tunngavigineqartut naapertorlugit - saniatigooralugu inuussutissarsiuteqarnermut aamma najoqqutassanik unioqqutitsinermik malersuinnermut tunngasunik pisinnaatitaaffinnik isumaginnittoq tassaassasoq Kalaallit Nunaanni Eqqartuussivimmi eqqartuussisoq aqutsisuusoq - Danmarkimi pisussaatitaaffik tamanna eqqartuussivinni præidentiniippoq. Kalaallit Nunaanni Eqqartuussisup saniatigooralugu inuussutissarsiutai pillugit paasisutissat ingerlateqqinneqassapput Kalaallit Nunaanni eqqartuussisumit aqutsisuusumit Højesteret-ip præidentianut, immikkut iluseqartumik periuseqartumillu, Kalaallit Nunaata Eqqartuussisuuneqarfiani eqqartuussisuunermut aammalu Kalaallit Nunaata Eqqartuussiviani eqqartuussisumut aqutsisuusumut atuutsitaasut assigalugit.

Inatsisissatut siunnersuummi nassuiaatini nalinginnaasuni imm. 2.3-imut allatigut innersuussisoqarpoq.

Nr. 11-mut

Eqqartuussisarnermik inatsimmi § 34, imm. 2, naapertolugu Kalaallit Nunaata Eqqartuussisuuneqarfiani Nunap eqqartuussisuunera maleruagassanut malinnilluarnissamut oqartussaasuvoq, Danmarkimi tassunga oqartussaaneq eqqartuussiviit præidentiisa ataaniippoq, danskit eqqartuussisarnermut inatsisaat malillugu.

Inatsisissatut siunnersuummi § 1, imm. 3-imi siunnersuutigineqarpoq Kalaallit Nunaata Eqqartuussiviani sulisut amerlineqassasut, taamaalilluni tassani eqqartuussisut marlungorlutik, taakkunannga ataaseq eqqartuussisuussalluni aqutsisuusoq. Taamaattumik maleruagassanut malinnilluarnissamut oqartussaasuuffik sumi inissinneqassanersoq isummerfigineqas-saaq, danskit eqqartuussisarnermut inatsisaanni eqqartuussiviit præidentiisa ataaniittuusoq.

Kalaallit Nunaata Eqqartuussisuuneqarfiani fuldmægtigenut nunallu eqqartuussisuunerinut utaqqiisaagallartumik ivertinneqartunut, toqqarneqarsimanngitsunulli, aaqqissuussineq tamanna ingerlateqqinneqassasoq siunnersuutigineqarpoq. Taamalilluni siunnersuutigineqarpoq, atorfilittat maleruagassanut malinnilluarnissaannut oqartussaaneq Kalaallit Nunaata Eqqartuussisuuneqarfiani nunap eqqartuussisuanit tigungmiinnarneqassasoq.

Aamma siunnersuutigineqarpoq, Kalaallit Nunaata Eqqartuussiviani eqqartuussisoq aqutsisuusoq maleruagassanut malinnilluarnissamut oqartussasuussasoq, danskit eqqartuussisarnermut inatsisaanni eqqartuussiviit præidentiisa ataani oqartussaaffigineqartumut, Kalaallit Nunaata Eqqartuussiviani fuldmægtigenut aammalu utaqqiisaagallartumik Eqqartuussisutut ivertinneqartartunut, eqqartuussisutut atorfinitsinneqarsimanngitsunut tungatillugu.

Inatsisissatut siunnersuummi nassuiaatini nalinginnaasuni imm. 2.3-imut allatigut innersuussisoqarpoq.

Nr. 12-mut

Eqqartuussisarnermik inatsimmi § 56, imm. 5 malillugu Kalaallit Nunaanni Eqqartuussivimmi eqqartuussisup suliassaq innersuussutigineqartoq, § 56, imm. 1-imi piumasaqaatigineqartunik naammassinninngitsoq, tigujumangissinnaavaa, najukkami eqqartuussisup suliassaq Kalaallit Nunaanni Eqqartuussivimmut sularisassatut innersuussutigissaa pillugu.

Inatsisissatut siunnersuummi § 1, imm. 3-imi siunnersuutigineqarpoq Kalaallit Nunaanni Eqqartuussivimmi sulisut amerlineqassasut, taamaalilluni tassani eqqartuussisut marlunngorlutik, taakkunannga ataaseq eqqartuussisuussalluni aqutsisuusoq. Taamaattumik Kalaallit Nunaanni Eqqartuussivimmi eqqartuussisup aqutsisuusup aamma eqqartuussiviup akornanni suliassat agguarnissaannut isummertoqassaaq.

Inatsisissatut siunnersuummi § 1, nr. 12-imi siunnersuutigineqarpoq Kalaallit Nunaanni Eqqartuussivimmi eqqartuussisut marluullutik § 56, imm. 1-imi piumasaqaatinik naammassinnigitsunik suliassanik innersuussutigineqartut tigusinissamut itigartitsisinnaapput.

Inatsisissatut siunnersuummi nassuiaatini nalinginnaasuni imm. 2.3-imut allatigut innersuussisoqarpoq.

Nr. 13-imut

Eqqartuussisarnermik inatsimmi § 96, imm. 1, oqaaseqatigiit aappaat malillugu inatsisinik atuutsitsinermut ministeri aammattaaq eqqartuussinernik immiussisarneq pillugu malittarisassiorsinnaavoq. Aalajangersagaq saqitsaannermik suliassanut aamma pinerluttulerinermi suliassanut atuuppoq.

Inatsisissatut siunnersuummi matumani siunnersuutigineqarmat eqqartuussisarnermik inatsimmi pinerluttulerinermi suliani eqqartuussinissamut piareersarnermi nipinik immiussisoqarnissaa pillugu aalajangersakkanik aalajangersaasoqassasoq, inatsisissatut siunnersuummi § 1, nr. 13-imi siunnersuutigineqarpoq aalajangersagaq taanna allanngortinneqassasoq, taamaalilluni saqitsaannermik suliassani eqqartuussinissamut piareersarnerni nipinik immiussinissaq pillugu malittarisassanik inatsisinik atuutsitsinermut ministerit siunissami aalajangersaasinnaassasoq.

Inatsisissatut siunnersuummi nassuiaatini nalinginnaasuni imm. 2.1-imut allatigut innersuussisoqarpoq.

Nr. 14-imut

Eqqartuussisarnermik inatsimmi § 98, imm. 2 malillugu suliassap ingerlasimaneranik aamma illuatungeriit ilisimannittullu suliassami pissusiviusut pillugit nassuiaataannik imaqarniliortoqartassaaq naatsumik.

Inatsisissatut siunnersuummi § 1, nr. 14-imi aalajangersakkatut siunnersuutigineqartumi erseqqissarneqassaaq § 310 a-mi siunnersuutigineqartoq naapertorlugu pinerluttulerinermi suliani assinik nipinilluunniit immius-
sisoqassatillugu eqqartuussisup allattaaviani nassuiaatinik pisuni tamani issuaasoqassanngitsaq.

Pisuni malittarisassat siunnersuutigineqartut malillugit eqqartuussisup allattaaviani nassuiaammik issuaasoqassatillugu eqqartuussisup allattaaviata imaanik allannguinnissaq siunnerfigineqanngilaq.

Inatsisissatut siunnersuummi nassuiaatini nalinginnaasuni imm. 2.1-imut aamma § 1, nr. 19-imut nassuiaatinut allatigut innersuussisoqarpoq.

Nr. 15-imut

Eqqartuussisarnermik inatsimmi § 99 malillugu allatut aalajangersaasoqarsimanngippat eqqartuussisut suliaannik allattaavimmut allanneqartut aatsaat atuarneqarlutillu pissutsit malillugit akuersissutigineqartassapput, eqqartuussisut siulittaasuata nammineerluni immikkut ittunik pissuteqartumik tamanna pisariaqarsorippagu imaluunniit saqitsaanernik suliasani akerlerisamiit, ilisimannittumiit imaluunniit misissuisuutitaallunilu naliliisartumiit noqqaassuteqarneq naapertorlugu.

Inatsisissatut siunnersuummi § 1, nr. 15-imi siunnersuutigineqarpoq eqqartuussisut suliaannik allattaavimmut allanneqartut aatsaat atuarneqarlutillu pissutsit malillugit akuersissutigineqartassapput eqqartuussivimmi siulittaasup tamanna tulluurtutut isigippagu. Aalajangersagaq naatsorsuutigineqarpoq killeqartumik atorneqartassasoq amerlanertigullu nassuiaatip ilaanik immikkut uparuarneqartunut. Aalajangersagaq assersuutigalugu suliani nassuiaatinut naleqqiullugu atorneqarsinnaassaaq, pineqartup Kallaallit Nunaannikkunnaarnera pissutigalugu suliap suliareqqitassanngortinneqartup suliarineqarnerata nalaani nassuiaanissamut pinsinnaanissaa naatsorsuutigineqarsinnaanani. Aalajangersagaq aamma immikkoortumi pingaaruteqartumi qanoq nassuiaasoqarsimaneranik erseqqissaasoqarnissaa eqqartuussivimmi siulittaasup pisariaqartutut isiginninnerani atorneqarsinnaasoq eqqarsaatigineqarsinnaavoq.

Tunnngavigineqarpoq aalajangersakkap siunnersuutigineqartup atorneqarnerani illuatungeriit kissaataat immikkut pingaartinneqassasut.

Atuaaneq akuersinerlu pisinnaassaaq ileqquusumik allattaavinnut allattuisoqarsimatillugu. Aammattaaq § 310 a-mi aamma § 310 d-mi aalajangersakkatut siunnersuutigineqartut malillugit nassuiaammik nipimik immiussisoqartillugu imaluunniit nassuiaammik issuaasoqartillugu atuaaneq akuersinerlu pisinnaapput, naak nassuiaaneq eqqartuussisup allattaavianut ilanngunneqarsimannikkaluartoq. Nassuiaammik nipinik immiussinermut atatillugu iluoorneraaneq pisinnaassaaq oqaatigineqarsimasut killisiorneqartumit tulluartsuutut isigineqartunik eqqartuussivimmit oqaasertalerneerisigut, taamaalillunilu aperisoqarluni oqaasertaliunneqartunut killisiorneqartoq iluoorneraasinnaalluni.

Aalajangersakkap siunnersuutigineqartup malitsigisaanik saqitsaanermi suliani inatsisitigut inissisimanermik allannguisoqarnissaa siunnerfigineqanngilaq.

Inatsisissatut siunnersuummi nassuiaatini nalinginnaasuni imm. 2.1-imut allatigut innersuussisoqarpoq.

Nr. 16-imut

Eqqartuussisarnermik inatsimmi § 102, imm. 4, oqaaseqatigiit pingajuat malillugu tusagassiornermi akisussaassuseqarneq pillugu inatsimmi ilaasut aaqqissuisut tusagassiortullu, eqqartuussisup allaatavia allaqqinneqareerpat, eqqartuussiviup allaffiani eqqartuussisup allattaavianik misissuisin-naapput, tassunga aamma ilanngullugu eqqartuussut. Tamannali atuunnani eqqartuussinissamut piareersarneq imaluunniit nassuiaatinik tamakkiisumik ilaannakuusumilluunniit matoqqasumik ingerlanneqarsimatillugu atuunnani, matunik matusineq eqqartuussiviup initaani toqqissisimaso-qarnissaa eqqarsaatigalugu taamaallaat aalajangiisoqarsimanngippat, soorlu aamma aalajangersakkamut ilaatinneqanngitsut aapparinneq pillugu suliat, angajoqqaatut oqartussaassuseq pillugu suliat il.il. Suliaq pineqartoq naammassinneqarsimappat aatsaat allagaatinik takunnittoqarsinnaavoq.

Inatsisissatut siunnersuummi § 1, nr. 16-imi allannguutissatut siunnersuut § 310 c, imm. 3-imi aalajangersakkatut siunnersuutigineqartumut atatillugu isigineqassaaq, taanna naapertorlugu pisuni aalajangersimasuni § 102 ma-

lillugu allagaatinik takunnissinnaanermut nalunaarummut atugassamik nas-suiaatinik immiussat allanneqarnerisa assilinerinik akiliisoqarneratigut pi-areersaasoqarsinnaalluni.

Allatat assilinerinik piareersaasoqarnissaa eqqartuussivimmit akuerine-qarpat eqqartuussisarnermik inatsimmi § 145, imm. 1, 2 imaluunniit 4-imi ilaasunut inunnut (tusagassiornermi akisussaassuseqarnek pillugu inat-simmi ilaasut aaqqissuisut tusagassiortullu) allagaatinik takunnissinnaaneq pillugu apeqqu § 102, imm. 4 malillugu aalajangiiffigineqassaaq, inatsi-sis-satut siunnersuummi matumani allangortinneqartoq. Aammattaaq § 102, imm. 6-8-imi aalajangersakkat taamaaqataanik atornerqarput. § 102, imm. 6 malillugu allakkiaq uppersaatsissat allattukkallu assilinerinik imm. 1-4-mi taaneqartut tusagassiutini tusagassiortut aammalu aaqqissui-soqarfinni suleqataasut saniatigut allanit pineqarsinnaassanngillat taamaal-laallu tusagassiornikkut aaqqissuinnikkullu suliaasanut tapersiutitut atorner-qarsinnaapput. Tamatuminnga unioqqutitsineq § 102, imm. 8 malillugu akiliisitsinermik pineqaatissiissutaasinnaavoq.

Inatsisissatut siunnersuummi nassuiaatini nalinginnaasuni imm. 2.1-imut allatigut innersuussisoqarpoq.

Nr. 17-imut

Eqqartuussisarnermik inatsimmi § 141, imm. 5 malillugu imm. 2-4-imi pi-umasaqaatit naammassineqarsimannippata eqqartuussivimmi allami aper-suisoqarsinnaavoq. Taamaattoqartillugu eqqartuussivimmi ilisimannittup najugaqarfigisaani aggersarneqassaaq. Ilisimannittulli eqqartuussivim-mut allamut aggersarneqarnissaaq noqqaasutigisinnaallugu. Killisiuineq naammassereerpat killisiuineq pillugu eqqartuussisup allattaavianit assili-neqarnera eqqartuussivimmut killisiuinissamik noqqaassuteqartumut nas-siunneqassaaq.

Inatsisissatut siunnersuummi § 1, nr. 17-imi siunnersuutigineqarpoq § 310 a siunnersuutigineqartoq naapertorlugu eqqartuussivimmi allami killisiuin-ermi nipinik immiussineq eqqartuussisup allattaavianut taarsiullugu taanna eqqartuussivimmut noqqaassutigineqartumut nassiunneqassasoq. Nassui-aammik nipinik immiussisoqarsimatillugu eqqartuussisullu allattaavianik piginnittoqartillugu siunnersuutigineqarpoq nipinik immiussaq aamma eqqartuussisup allattaavia eqqartuussivimmut noqqaassutigineqartumut nassiunneqarsinnaassasoq.

Inatsisissatut siunnersuummi nassuiaatini nalinginnaasuni imm. 2.1-imut aamma § 1, nr. 19-imut nassuiaatinut allatigut innersuussisoqarpoq.

Nr. 18-imut

Eqqartuussisarnermik inatsimmi § 158, imm. 1 malillugu eqqartuussutissap isumaqatiginninniutigineqarnerani ilisimannittup nassuiaatai eqqar-tu-ussisup allattaavianut imaqarnersiorneqassapput, eqqartuussivik taamatut aalajangersimappat.

Inatsisissatut siunnersuummi § 1, imm. 18-imi siunnersuutigineqarpoq er-seqqissarneqassasoq pinerluttulerinermi suliani § 310 a siunnersuutigineqartoq naapertorlugu assinik nipinilluunniit immiussisoqartillugu pisuni tamani nassuiaatit eqqartuussisup allattaaviani issuarneqassanngitsut.

Malittarisassat siunnersuutigineqartut malillugit eqqartuussisup allattaaviani nassuiaammik issuaasoqassatillugu eqqartuussisup allattaaviata imari-saanik arlaannaatigulluunniit allannguisoqarnissaa siunniunneqanngilaq.

Inatsisissatut siunnersuummi nassuiaatini nalinginnaasuni imm. 2.1-imut aamma § 1, nr. 19-imut nassuiaatinut allatigut innersuussisoqarpoq.

Nr. 19-imut

§ 310 a-mut

Aalajangersakkap siunnersuutigineqartup, nutaajusup, siunertaraa pinerluttulerinermi suliani eqqartuussinissamut piareersarnermi nassuiaatinik assinik nipinilluunniit immiussisarnermik aaqqissuussinermik nalinginnaasumik eqqussisoqassasoq.

Imm. 1-imi siunnersuutigineqarpoq Kalaallit Nunaata Eqqartuussiviani imaluunniit eqqartuussisoqarfimmi pinerluttulerinermi suliani eqqartuussinissamut piareersarnermi nassuiaatinik nipimik aallaaviatigut immiussisoqartassasoq.

Imm. 2-imut siunnersuut malillugu eqqartuussivimmi siulittaasoq aalajangiisinnaavoq imm. 1-imi siunnersuutigineqartumi taaneqartutut eqqar-tu-ussinissamut piareersarnermi nassuiaammi nipimik immiussisoqassanngitsoq.

Nipimik qaqugu immiussisoqannginnissaanik eqqartuussivimmi siulittaasup aalajangiisinnaaneranut aalajangersimasunik piunasaqaatinik saqqummiussisoqanngilaq, taamannalu taamaalilluni eqqartuussivimmi siulittaasup missiliuineranik tunngaveqassalluni. Assersuutigalugu tamanna pisinnaavoq ilisimannittoq il.il. eqqarsaatigalugit immiussinissamut atortussatigut teknikikkut ajornartorsiuteqarfiusuni, suliareqqitassanngortitsineq ilimagereernejarluni, imaluunniit suliap annertussusia imaluunniit piffissami siaarsimanera pissutigalugu manna tikillugu aaqqissuussinermik malitsitsinissaq tulluarluni.

Imm. 3-imi siunnersuutigineqartoq malillugu eqqartuussiviup siulittaasuata aalajngersinnaavaa pinerluttulerinermi suliani nassuiaatigineqartut nipaata immiunneqarsinnaasut, qitiusumik eqqartuussinermi nipimik immiussat saniatigut. Tassani pineqarput imm. 1-imi taaneqartunit allaanerusuni pinerluttulerinermi suliani eqqartuussivimmut nammineq qinigassiisoqarsinnaasoq. Taamaalilluni nassuiaanerit taamatut ittut assinik nipinilluunniit immiunneqassanersut eqqartuussivimmi siulittaasup missiliuineranit tunngaveqassaaq.

Imm. 4 siunnersuutigineqartoq malillugu imm. 1 aamma 3 malillugu nipinik immiussinermi aamma assinik immiussisoqarsinnaaneranik eqqartuussivimmi siulittaasooq aalajangiisinnaassasoq. Assinik immiussisoqarnissaa tulluartaussanersooq taamaalilluni eqqartuussivimmi siulittaasup aalajangiineranik tunngaveqassaaq. Tamanna assersuutigalugu pisinnaavoq kingusinnerusukku eqqartuussinissamut piareersaanerni immiussamik kingusinnerusukku tusarnarissaq/isiginnaarnissaq siunertaralugu peqataasup noqqaaneratigut. Pisumi aalajangersimasumi videomik immiussisimaneq uppernarsaatitut atorneqarsinnaanersooq atorneqartariaqarnersorlu nalinginnaasumik isummat uppernarsarneqarsinnaasut apeqqutaatinneqassapput.

Eqqartuussinissamut piareersarnissaq sioqqullugu nassuiaatinik assinik nipinillu immiussinerit taamatut nassuiaanernut tunngasuni eqqartuussisup allattaaviani allanneqarsimasut assigalugit eqqartuussinissamut piareersarnermi uppernarsaatitut atorneqarsinnaassapput, tak. tassani eqqartuussisarnermik inatsimmi § 467, imm. 2-4. Taamaaqataanik pisuni uppernarsaasoqarfiusuni suliareqqitassanngortitsinermi isiginnaarneq/tusarnaarneq pisinnaassaaq, tassunga ilanngullugu oqartussaasoqarfimmi siullermi saqqummiunneqartut nassuiaanerit.

Assinik nipinilluunniit immiussanik isiginnaarneq/tusarnaarneq anner-tunerusumik pinerluttulerinermi suliani manna tikillugu uppernarsaatitut

imaluunniit uppersaanernut taartaassasut siunertarineqanngilaq. Uppersaaneeq pillugu malittarisassat atuuttut atorneqarnerini assinik immiussanik isiginnaarnerit uppersaatit immikkut iluseqarsinnaaneri eqqarsaatigineqassapput, allattaavinni allanneqarsimasunik atuaanermut naleqqiullugu annertunerusumik sunnuteqarsinnaanissaat naatsorsuutigineqartariaqarluni.

Nipinik immiussat ilaatinneqannginnissaat aamma nipinik immiussisoqassanersaq imaluunniit immiussisoqassannginnerisq pillugu eqqartuussivimmi siulittaasup aalajangiinera eqqartuussivimmit aalajangiinerupput aallaaviatigut allannortinneqarsinnaanngitsut, eqqartuussinissamut piareersarnermi imaluunniit taassuma piareersarnerani aalajangiinerit pineqartillugit, tak. eqqartuussisarnermik inatsimmi § 566, imm. 3. Tamanna aamma atuppoq nipinik immiussisoqarnerani peqatigisaanik assinik immiussisoqarsinnaanera pillugu eqqartuussivimmi siulittaasup aalajangiinerani.

Nassuiaatinik nipinik immiussineq pillugu aamma nipinik immiussisoqartillugu allattaavinnut allattuineq pillugu aalajangersakkatut siunnersuutigineqartut suut tulluarterinik missiliuineq malillugu ataqatigiissinneqarsinnaassapput.

Inatsisissatut siunnersuummi nassuiaatini nalinginnaasuni imm. 2.1-imut allatigut innersuussisoqarpoq.

§ 310 b-mut

Aalajangersagaq siunnersuutigineqartoq, nutaajusoq, § 310 a, imm. 1-imi aamma 3-imi aalajangersakkatut siunnersuutigineqartut naapertorlugit pisuni suni assinik nipinilluunniit immiussiffigineqartunik nassuiaatinik allattaavinnut allattoqartarnissaanik aalajangersaanissamik siunertaqarpoq.

Imm. 1-imi siunnersuutigineqarpoq nassuiaammik eqqartuussivik assinik nipinilluunniit immiussisimatillugu nassuiaatip imaa taamaallaat (1) eqqartuussivimmi siulittaasoq tamanna pillugu aalajangiippat, (2) pasisaq, unnerluusaaq, illersuisoq unnerluussissuutitaasulluunniit tamatuminnga noqqaappata, (3) eqqartuussut suliareqqitassanngortinneqarpat, suliami apeqqut ataaseq eqqartuussivimmut qutsinnerusumut suliasanngortinneqarpat, imaluunniit Ingerlatitseqqinissamik aalajangiisartunut qinnuteqaateqartoqarpat imaluunniit (4) nassuiaammut tunngatillugu § 101 naapertorlugu eqqartuussisup allattaaviani allatanut takunnissinnaanermut akuersisoqarpat eqqartuussisup allattaavianut ilanngunneqarsinnaavoq.

Aallaaviatigut nassuiaammik assinik nipinilluunniit immiussisoqarpat nassuiaat taamaalilluni eqqartuussisup allattaaviani issuarneqassanngilaq.

Imm. 1, nr. 1 siunnersuutigineqartoq malillugu eqqartuussisup siulittaasua taamatut aalajangiippat nassuiaatip imaa eqqartuussisup allattaavianut ilanngunneqassaaq. Tassani pineqarpoq suliame aalajangersimasumi nassuiaat ataaseq amerlanerilluunniit imaluunniit nassuiaatit ilai tamarmilluunniit, eqqartuussisup allattaavianut allanneqassanersut aalajangersima-sumik aalajangernissaanut eqqartuussivimmi siulittaasup nammineq qini-gassaralugu, naak aamma nassuiaammik assinik nipinillu immiussisoqa-raluartoq. Suliap ilusaa taamatut pissutissaqartitsinersoq eqqartuussivimmi siulittaasup missiliuineranit tunngaveqassaaq. Imm. 1, nr. 1 siunnersuutigineqartoq malillugu allattaavinnut allattuisoqassanersoq pillugu eqqartuussivimmi siulittaasumit aalajangiineq eqqartuussivimmit aalajangiineruvoq aallaaviatigut aalajangeqqitassanngortinneqarsinnaanngitsoq, tak. eqqartuussisarnermik inatsimmi § 566, imm. 3.

Imm. 1, nr. 2-imi siunnersuutigineqarpoq illersuisoq unnerluussisuutitaasullu tamarmik immikkut nassuiaatip imaata eqqartuussisup allattaavianut ilanngunneqarnissaanik piumasaqarsinnaasut. Pasineqartup imaluunniit unnerluunneqartup aamma nassuiaatip imarisaata eqqartuussisup allattaavianut ilanngunneqarnissaa piumasarisinnaassuaat. Pasineqartumiit, unnerluunneqartumiit, illersuisumiit imaluunniit unnerluussisuutitaasuniit noqqaaneq tunngavilersorneqartariaqanngilaq.

Tunngavigineqarpoq pisuni taamatut ittuni eqqartuussisup allattaavia naammassineqassasoq sapinngisamillu piaarnerpaamik illuatungeriinnut nassiunneqarluni.

Imm. 1, nr. 3-imut siunnersuut malillugu suliame nassuiaatit imai aamma eqqartuussisup allattaavianut ilanngunneqarsinnaassapput, eqqartuussut suliareqqitassanngortinneqarpat, suliame apeqqut eqqartuussivimmut qaffasinnerusumut suliassanngortinneqarpat imaluunniit Ingerlatitseqqinnisamik aalajangiisartunut qinnuteqaateqartoqarpat.

Suliani suliareqqitassanngortitani eqqartuussisup allattaavia – noqqaasqartinnagu – suliareqqitassanngortitsineq pillugu nalunaarummik eqqartuussiviup nalunaarfigineqarnerata kingorna sapinngisamik piaarnerpaamik Kalaallit Nunaata Eqqartuussisuuneqarfianut nassiunneqassaaq. Peqatigi-

saanik eqqartuussisup allattaaviata assilineqarnera illersuisumut unnerluus-sisuutitaasunullu nassiunneqassaaq.

Aalajangiineq eqqartuussivimmi qaffasinnerusumi aalajangeqqitassanngortinneqarpat pisunilu aalajangeqqitassanngortitsinermiit allaanerusumik apeqqut eqqartuussivimmut qaffasinnerusumut suliassanngortinneqarpat taamaaqataa atuutissaaq, assersuutigalugu suliareqqitassanngortinnissaa pillugu noqqaanermi imaluunniit suliareqqitassanngortitsinissamut akuersisoqarnissaa pillugu Ingerlatitseqqinnissamik aalajangiisartunut qinnuteqaammik tunniussisoqarpat. Nassuiaat eqqartuussisup allattaavianut ilanngunneqarnissaanut aalajangiisuusoq tassaavoq taanna aalajangiinermut pissusissamisoorumik atassuteqarnerisooq, tassunga ilanngullugu assersuutigalugu oqaasiinnakkut isumaqatigiinniarnep kingorna aalajangiisooqarsinnaanera siunertaralugu nassuiaasoqarnera.

Malittarisassat siunnersuutigineqartut malillugit nassuiaatip eqqartuussisup allattaavianit issuaasoqassatillugu eqqartuussisup allattaaviata imaanik allannguisoqarnissaa siunnerfigineqanngilaq.

Imm. 1, nr. 4-imi siunnersuutigineqarpoq nassuiaammut tunngasumik eqqartuussisup allattaavianut ilanngussinermi eqqartuussisarnermik inatsimmi § 101 naapertorlugu allagaatinik takunnissinnaanermik nalunaaru-teqarnermi nassuiaatip imarisaa eqqartuussisup allattaavianut ilanngunneqartassasoq. § 101 malillugu illuatungeriit allanilu tassanga eqqartuussivimmik akuliutsitsinerni, eqqartuussisarnermik inatsimmi tamanna pillugu immikkut aalajangiisooqarsimaneranik pisoqarfiunngitsuni, eqqartuussisup allattaavianit kiisalu eqqartuussivimmiittunik allagaatinik saqqummiunneqartunik allaniit allatat assilinerinik piumasooqarsinnaapput. Pinerluttulerinermi suliani peqataasunit allaanerusunut allanut allagaatinik takunnissinnaanermut pisinnaatitaaffik aatsaat suliaq naammassineqareerpat atuutilissaaq.

Nassuiaatinut erseqqinnerusumik oqaatigineqartunut tunngatillugu eqqartuussisup allattaavianit ilanngussinerni § 101 naapertorlugu allagaatinik takunninnissaaq pillugu noqqaasoqarpat taamatut eqqartuussisup allattaavianit ilanngussanik pineqartoq allagaatinik takunnissinnaatitaappat suliameer pisusiviusut pisimasut pillugit illuatungeriit ilisimannittullu nassuiaataanik eqqartuussisup allattaavianit eqqartuussivik naatsumik imaqarniliussaaq.

Aalajangersakkat allat malillugit eqqartuussutini imaluunniit eqqartuussisup allattaavianit allagaatinik takunnissinnaaneq eqqarsaatigalugu inatsi-

sissatut siunnersuut malillugu imaassaaq allagaatinik takunnissinnaaneq eqqartuussummut imaluunniit eqqartuussisup allattaaviani ilusiusumut periarfissiivoq – tassa imaappoq nassuiaatit issuarnagit.

Nassuiaammik eqqartuussiviup ilanngussaani pisuni aalajangersimasuni tusarnaarnissaq pillugu eqqartuussisarnermik inatsimmi § 310 c, imm. 2-mi aamma nassuiaatip ilanngunneqarsimasup allannerata assilineranik akiliil-luni pissarsinissamut pisuni aalajangersimasunik periarfissaqarneq pillugu § 310 c, imm. 3-imi aalajangersakkani siunnersuutigineqartuni aalajanger-sagaq taperneqarpoq.

Imm. 2-mi siunnersuutigineqarpoq nassuiaat imm. 1 malillugu eqqartuussisup allattaavianut ilanngunneqarnerani tamatuminnga eqqartuussisup allattaaviani issuaaneq suliami eqqartuussummut ilanngussatut isigineqassaaq. Tunngavigineqarpoq – aamma allagaatinik takunnissinnaanermut tunngatillugu – eqqartuussummut tunngasut nassuiaatinik eqqartuussisup allattaaviani issuaanerit kisimik eqqartuussummut ilanngussatut isigineqarsinnaassasut.

Imm. 3-imi siunnersuutigineqarpoq ilisimannittut nalilersuisartullu, nassuiaataat eqqartuussivimmi allattaavimmi issuarneqarsimasut, eqqartuussiviup erseqqinnerusumik aalajangiineratigut nassuiaatip issuarneqarsimaneramik misissuisinnaasut. Pinerluttulerinermi suliani nassuiaatinik eqqartuussisup allattaavianut allattuinerit, tassungalugu ilanngullugu eqqartuussisarnermik inatsimmi § 310 b, imm. 1, nr. 1-4-imi siunnersuutigineqartoq malillugu pisut tamarmik aalajangersakkamut ilaapput.

Tunngavigineqarpoq eqqartuussinissamut piareersareernerup kingorna ilisimannittut nalilersuisartullu eqqartuussisup allattaaviani nassuiaammik issuaanermik misissuinissamut periarfissaqalersinnaasut, tassa eqqartuussisup allattaavia nalinginnaasumik eqqartuussinissamut piareersarnerup kingorna aatsaat naammassineqassammat.

Ilisimannittut nalilersuisartullu nassuiaatip issuarneqarsimaneramik taamaallaat misissuisinnaapput taamaalillutillu nassuiaatip issuarneqarnerata allannerata assilineranik tunineqarnissamik aalajangersagaq malillugu piumasarsinnaanatik.

Ilisimannittut nalilersuisartulluunniit allattaavimmut allassimasunut oqaa-seqaateqassappata imaluunniit akerliliissappata tamanna eqqartuussisup allattaaviani iluarsineqarnissaanut pissutissaqarnersoq eqqartuussivimmit nalilerneqassaaq.

Inatsisissatut siunnersuummi nassuiaatini nalinginnaasuni imm. 2.1-imut allatigut innersuussisoqarpoq.

§ 310 c-mut

Aalajangersakkami siunnersuutigineqartumi, nutaajusumi, pineqarpoq nassuiaatinik assinik nipinilluunniit immiussinissamut eqqartuussiviup periarfissaqarnera.

Imm. 1, oqaaseqatigiinni siullerni siunnersuutigineqarpoq nassuiaammik assilineqartumik imaluunniit immiunneqartumik isiginnaarnissamut imaluunniit tusarnaarnissamut pasineqartoq imaluunniit unnerluunneqartoq periarfissaqartoq, pasineqartoq imaluunniit unnerluunneqartoq nassuiaammik ilisimasaqarnissamut periarfissinneqarsimanngippat.

Eqqartuussisarnermik inatsimmi malittarisassat atuuttut malillugit aalajangerneqassaaq pasineqartoq imaluunniit unnerluunneqartoq nassuiaammik ilisimatinneqarnissamut periarfissaqannginnersoq, tamannalu tunngavigalugu aamma nassuiaammik ilanngunneqarsimasumik takunninnissamut imaluunniit tusarnaarnissamut periarfissaqassanngitsoq, tak. tassani eqqartuussisarnermik inatsimmi §§ 344 og 458.

Illersuisoq eqqarsaatigalugu eqqartuussisarnermik inatsimmi § 340-mi aalajangersagaq atuuttoq atorneqassaaq.

Pisuni § 458, imm. 1 naapertorlugu eqqartuussivimmi siulittaasoq aalajangersimappat ilisimannittup imaluunniit pasineqartup aappaata killisiorneqarnerata nalaani pasineqartup eqqartuussivimmi ini qimassagaa, nassuiaatip imarisaa pasineqartup ilisimatinneqarnissaa siunertaralugu kingornatigut pasineqartup assinik nipinilluunniit immiussanik takunnissinnaanera tusarnaarsinnaaneraluunniit eqqartuussivimmit akuerineqarsin-naavoq, tak. § 458, imm. 2. Eqqartuussivilli aamma aalajangiisinnaalluni nassuiaatip imarisaa pillugu allatigut pasineqartumut ilisimatitsisoqarsin-naasoq, assersuutigalugu eqqartuussiviup nassuiaammik issuaaneratigut, ilisimannittoq imaluunniit pasineqataasoq eqqarsaatigalugu nassuiaammik pasineqartup

takunninnissaa imaluunniit tusarnaarnissaa nangaanartutut isigineqartariaqarpat.

Oqaatsit pasineqartoq aamma unnerluutigineqartoq tassaapput inuit piffissami nassuiaasoqarnerani suliame pasineqartut imaluunniit unnerluutigineqartut. Piffissami immiussamik tusarnaarnissamik imaluunniit isiginnaarnissamik noqqaasoqarnerani pineqartoq pasineqartuunersoq imaluunniit unnerluutigineqarnerasoq pingaaruteqanngilaq, imaluunniit pisut akornanni pineqartoq eqqartuussaansersoq imaluunniit pinngitsuutitaasiansersoq.

Imm. 1, oqaaseqatigiit aappaanni siunnersuutigineqarpoq pasineqartoq imaluunniit unnerluutigineqartoq eqqartuussiviup erseqqinnerusumik aalajangiineratigut assilisamik immiussamilluunniit eqqartuussivimmi imaluunniit illersuisumi isiginnaarsinnaassasoq imaluunniit tusarnaarsinnaassasoq. Illersuisoq taamaalilluni assilisanik imaluunniit nipinik immiussat assilinerinik tunineqarsinnaavoq aamma pasineqartoq immiussamik tusarnaartilugu isiginnaartilluguluunniit. Akerlianilli illersuisup immiussap assilinerapasisamut, unnerluussamut allanulluunniit tunniussinnaanngilaa. Pasisap aamma immiussa eqqartuussivimmi isiginnaarsinnaavaa imaluunniit tusarnaarsinnaavaa, pasineqartorlu illersuisoqanngippat tamanna nalinginnaasumik tulluassalluni.

Tunggavigineqarpoq unnerluussisuutitaasut noqqaasoqarneratigut eqqartuussisup allattaaviani ilanngussat, suliame allagaatit il.il. assilinerinik pissarsisinnaanerap eqqarsaatigalugu eqqartuussisarnermik inatsimmi suleriaaseq naapertorlugu assilisanipinillu immiussat assilinerinik unnerluussisuutitaasut tunineqarsinnaasut.

Imm. 2-imi siunnersuutigineqarpoq eqqartuussisarnermik inatsimmi § 102 malillugu eqqartuussisup allattaavianut ilanngutinngikkaluarlugu § 310 a malillugu nipaanic immiunneqartunut nassuiaammut tunngasut eqqartuussisup allattaaviani allagaatinik takunnissinnaasoqarnera, immiussamik eqqartuussivimmi tusarnaartoqarsinnaanera, tamanna eqqartuussivimmit eqqarsarnartutut isigineqanngippat.

Aalajangersakkami siunnersuutigineqartumi taamaallaat pineqarput eqqartuussisarnermik inatsimmi § 102, imm. 4 naapertorlugu eqqartuussisup allattaaviani allagaatinik takunnittoqarsinnaanera. Akerlianilli aalajangersakkamut siunnersuutigineqartumut ilaanani eqqartuussivimmik akuliut-sitsineq pillugu eqqartuussisarnermik inatsimmi § 101 malillugu allagaatinik

takunnissinnaannginneq, tassa pisuni taakkunani § 210 b, imm. 1, nr. 4-imi aalajangersakkatut siunnersuutigineqartoq malillugu nassuiaatip eqqartu-ussisup allattaavianut ilanngunnissaanut piumasaqaateqarmat.

§ 102, imm. 4 malillugu inunnt § 145, imm. 1, 2 imaluunniit 4-mut ilaasunut (aaqqissuisoqarfimmi sulisunut) eqqartuussisup allattaaviani allatat assilinerinik (kiisalu § 310 c, imm. 3-imi taaneqartutut allatat assilinerinik) noqqaasoqarneratigut eqqartuussivik tunniussisinnaavoq. Eqqar-tu-ussinissamut piareersarneq matoqqasumik ingerlanneqarsimappat tunni-ussineq taamaallaat pisinnaavoq inimi eqqartuussiviusumik eqqissisimanis-
saq kisiat eqqarsaatigalugu matut taamaallaat matoqqatinneqarsimappata tunniussisoqarsinnaavoq.

Aalajangersagaq malillugu immiussap nipaanic tusarnaarnissamut taamaallaat periarfissaqarpoq. Akerlianilli assinik immiussanik takunninnis-
samut periarfissaqarnani.

Nassuiaammi pineqartumi allatat assilinerinik peqariinnginnera piuma-
saqaataavoq. Taamaattoqarpat taamaalilluni eqqartuussisup allattaaviani al-
lagaatinik takunnittoqarsinnaassaaq. Tamatuma saniatigut piumasaqaatal-
luni eqqartuussisarnermik inatsimmi § 102-imi allagaatinik takunnissin-
naaneq pillugu malittarisassat malillugit nassuiaammi nipimik immius-
samut paasisimasaqalernissamut periarfissiisoqarpoq. Kiisalu piumasaqaa-
tigineqarluni pineqartup nassuiaatip nipaanic immiussamik tusarnaarsin-
naanera eqqartuussivimmit eqqarsarnartutut isigineqannginnera.

Nipinik immiussani takunnissinnaanermik nalunaaruteqartoqarnera na-
ngaanartoqarnerasoq suliani ataasiakkaani tamani aalajangersimasumik
naliliinermik tunngaveqassaaq. Nipinik immiussanik tusarnaarsinnaaner-
mut periarfissamut itigartinneqarsinnaaneq inuit nassuiaateqarsimasut iller-
sorneqarnissaat eqqarsaatigalugu taamaallaat atorneqarsinnaassaaq, tas-
sunga ilanngullugu immiussap ilaani pineqartumut immikkoortitsisin-
naaneq sapernarpat, aamma allagaatinik takunnissinnaaneq pillugu malit-
tarisassani killiliinerit namminermi nipimik immiussamik tusarnaarnis-
samut naleqqiullugu naammattumik illersuinngippat.

Imm. 3, oqaaseqatigiinni siullerni siunnersuutigineqarpoq imm. 2-mi al-
lassimasut piumasaqaatit atorlugit noqqaassuteqarnikkut eqqartuussiviup
akuerisinnaammagu § 102 malillugu allagaatinik takunnissinnaanermik
nalunaarummut atugassamik nassuiaatip nipaanic immiussap allatanngor-
lugu assilineranik aningaasartuutit akilernerisigut pissarsisoqarsinnaalluni.

Tamatuma ilaatigut kingunerissavaa nipimik immiussat allanneqarnerisa assilinerinik pissarsisoqarnissaa eqqartuussivimmit nangaanartoqartinneqarpat akuersinissamut itigartitsisoqarsinnaasoq. Nipinik immiussani takunnissinnaanermik nalunaaruteqartoqarnera nangaanartoqarnerisul suli-ani ataasiakkaani tamani aalajangersimasumik naliliinermik tunngaveqas-saaq.

Aalajangersagaq imatut aqunneqassasoq naatsorsuutigineqarpoq allagaatinik takunnissinnaanermik noqqaaneq inummit aalajangersagaq malillugu allagaatinik takunnissinnaanermut pisinnaatitaasumit saqqummiunneqarnera eqqartuussivimmit qulakkeerneqarluni. Eqqartuussivik aamma, allatat assilinissai pitinnagit, nasuiaammik immiussinermi allagaatinik takunnissinnaanermik nalunaaruteqartoqassanersuq pillugu isummissalluni. Eqqartuussivik isumaqarpat piumasaaqatit taakku naammassineqarsimasut – allatigullu nangaanartoqanngitsoq – nassuiaatip nipaanic immiussap allanneqarnerata assilineranic pissarsisoqarsinnaanera eqqartuussivimmit akuerineqarsinnaavoq.

Nassuiaatip nipaanic immiussap allanneqarnerata assilineranic takunnissinnaaneq pissapat § 102, imm. 4 malillugu nalunaarutigineqartussaassaaq. § 102, imm. 6-8-imi aalajangersakkat taamaalillutik taamaaqataanik atorneqassapput, nassuiaatit nipaanic immiussat allanneqarnerisa assilineranni takunnissinnaanermik nalunaartoqarpat.

Imm. 3, oqaaseqatigiit aappaanni siunnersuutigineqarpoq allatat assilinerinik pissarsinermi aningaasartuutinik naatsorsuineq pillugu malittarisassanic Domstolsstyrelsi aalajangersaasinnaasoq. Malittarisassani ilaatigut allatat assilinerisa ataasiakkaat pissarsiarinerini piffissamik atuineq aallaavigalugu aningaasartuutit naatsorsorneqassanersut imaluunniit aningaasartuutit kisitsisitaasa agguaqatigiissinneranni atorneqassanersut aalajangersarneqarsinnaallutik.

Paasissutissat mianernatut siaruartersinnaaneri eqqarsaatigalugu imm. 4-mi siunnersuutigineqarpoq assinik nipinillu immiussat allatigut allagaatinik takunnissinnaanermut atorneqassanngitsut. Taamaattumik immiussamik allagaatinik takunnissinnaanermut atatillugu unnerluussisuutissanut illersuisunullu allaanerusunut allanut tunniussisoqarsinnaassanngilaq.

Imm. 5-mi siunnersuutigineqarpoq assinik nipinillu immiussanic pisinnaatitaanani ingerlatitseqqinneq akiliisitsinikkut pineqaatissiissutaasinnaasoq,

allatigut pineqaatissiineq inatsisit allat malillugit pissuteqanngippat. Immiussamik assersuutigalugu pisinnaatitaanani illersuisup ingerlatitseqqinneranut naleqqiullugu aalajangersagaq taanna atorneqarsinnaassaaq.

Nipimik assinilluunniit immiussaasumik nassuiaammik tusarnaarsinnaalunilu isiginnaartoqarsinnaassaaq, oqaatsit immiussami atorneqartut naapertorlugit. Tusarnaarsinnaanermut aamma isiginnaarsinnaanermut ilaavoq oqalutseqarneq, killisiuinermit oqalutsimik atuisoqarsimappat.

Inatsisissatut siunnersuummi nassuiaatini nalinginnaasuni imm. 2.1-imut allatigut innersuussisoqarpoq.

§ 310 d-mut

Aalajangersakkap siunnersuutigineqartup, nutaajusup, siunertaraa eqqartuussiviup nassuiaammik issuaanerani nipinik immiussineq (oqaaserisaniq immiussineq) pillaasarnermi suliani nassuiaatinik nipinik immiussisarnermik aaqqissuussinermut siunnersuutigineqartumut tapertaasinnaasutut periarfissaasinnaanera.

Oqaaseqatigiinni siullerni siunnersuutigineqarpoq eqqartuussivimmi siulittaasoq pisuni § 310 a malillugu nassuiaatip nipaaniq immiussisoqarsinnaanerani aalajangiisinnaasoq eqqartuussiviup nassuiaammik issuaanera (imaqarniliornera) immiunneqarsinnaasoq. Tamatuma kinguneraa eqqartuussinissamut piareersarnermi nassuiaatip qanoq allanneqarnissaaniq eqqartuussivimmi siulittaasup oqaasertaliinissaa. Oqaatigisanik immiussa siunnersuut malillugu peqatigisaaniq nassuiaammik immiussisoqarnerani aamma taamatut pisoqannginnerani pisinnaavoq.

Oqaaseqatigiit aappaanni siunnersuutigineqarpoq § 310 b, imm.1, nr. 1-3 aamma § 310 c, imm. 1 aamma 5 taamaaqataanik nassuiaammik eqqartuussiviup issuaaneraniq nipimik immiussinermi atorneqarsinnaasut.

Oqaaseqatigiit pingajuanni siunnersuutigineqarpoq nassuiaammut tunngatillugu eqqartuussummi allagaatinik imaluunniit eqqartuussisup allattaavianani ilanngunneqarsimasunik takunnissinnaanermik nalunaaruteqarnermi nassuiaat ilanngunneqassasoq, tak. § 101. Eqqartuussisup allattaavianani allagaatinik takunnissinnaaneq pillugu noqqaassutinik suliarinnineq pillugu qulaani § 310 a, imm. 1, nr. 4-mut nassuiaatinut innersuussisoqarpoq.

Aammattaaq oqaaseqatigiit sisamaanni siunnersuutigineqarpoq pisuni nassuiaatip eqqartuussisup allattaavianut ilanngunneqarnerani eqqartuussisup

allattaaviani tamatuminnga issuaaneq suliami eqqartuussutaasinnaasumik ilanngussatut isigineqassasoq.

Inatsisissatut siunnersuummi nassuiaatini nalinginnaasuni imm. 2.1-imut allatigut innersuussisoqarpoq.

Nr. 20-imut

Eqqartuussisarnermik inatsimmi § 349, imm. 1 malillugu § 346, imm. 2-4 aamma § 347 eqqartuussivimmi killisiuinerni atorpeqassaaq.

Eqqartuussisarnermik inatsimmi § 457, imm. 2 malillugu unnerluutigineqartoq eqqissisimasumik ataqinassusilimillu oqaluffigineqartassaaq. Apeqqutaasut aalajangersimasuussapput, erseqqissuullutik aammalu ima paasinartigisumik apeqqutigineqartassapput unnerluutigineqartup ersarisumik paasissallugu suna akuersaarnarlugu imaluunniit suna ilumuungit-sutut taanarlugu. § 346, imm. 2-4, aamma § 347 taamatulli atortuutinneqassapput.

Inatsisissatut siunnersuummi § 1, nr. 20-mi siunnersuutigineqarpoq eqqartuussisarnermik inatsimmi § 349, imm. 1 aamma § 457, imm. 2 allanngortinneqassasut § 310 a siunnersuutigineqartoq naapertorlugu pinerluttulerinermi suliani assinik nipinilluunniit immiussisoqartillugu pisuni tamani eqqartuussisup allattaaviani nassuiaatinik issuaasoqannginnissaa erseqqisarniarlugu.

Malittarisassat siunnersuutigineqartut malillugit eqqartuussisup allattaaviani nassuiaatini issuaasoqarnissaani eqqartuussisup allattaaviata imarisaa-nik allannguinissaq arlaannaatigulluunniit siunertarineqanngilaq.

Aammattaaq § 310 a siunnersuutigineqartoq malillugu Kalaallit Nunaata Eqqartuussiviani imaluunniit eqqartuussisoqarfimmi eqqartuussutissap isumaqatiginninniutigineqarnera najukkami eqqartuussivimmut killisiorneqartup nassuiaataata aallaaviatigut immiunneqartarnissaata malitsigisaanik allannguisoqarnera pineqarpoq.

Inatsisissatut siunnersuummi nassuiaatini nalinginnaasuni imm. 2.1-imut aamma § 1, nr. 19-imut nassuiaatinut allatigut innersuussisoqarpoq.

Nr. 21-mut

Eqqartuussisarnermik inatsimmi § 401, imm. 2 malillugu paasiniaanerup ilaatut §§ 403-407 malillugit pasisap allallu timaat misissorneqarsinnaapput timimik sukumiinerusumik misissuinikkut, matumunnga ilanngullugittaaq timip ammaneri, aaviinernik misissugassanilluunniit allanik assingu-sunik tigusilluni, tarrarsuilluni assigisaatulluunniit iliorluni.

Eqqartuussisarnermik inatsimmi § 404, imm. 1 malillugu timip qaavaniit misissugassanik qularnaarilluni aaviillunilu pasisap timaanik misissui-nis-saq pillugu aalajangiineq politinit aalajangiivigineqassaaq. Eqqartuus-sisarnermik inatsimmi § 404, imm. 2 malillugu pasisap timaanik allatigut misissuiffiginninnissaq eqqartuussivimmit aalajangiinikkut aalajangiivigineqassaaq, taamaattoq tak. imm. 5.

Inatsisissatut siunnersuummi § 1, nr. 21-imi aalajangersakkami aalajangersarlugu siunnersuutigineqarpoq qisermit misiligutit – aaversinnerit assigalugit – tassaasut timikkut misissuinerlut pissuseqartut timikkut akuliunnerit, aamma qisermik misiligummik tigusinissamik aalajangiineq politiinit aalajangiiffigineqassasoq. Taamaalilluni qisermik misiligutit timikkut misissuinnermut soorlu aaviinnermut attuanninnermut timillu qaavaniit misiligutissanik qulakkeerinernut assersuunneqarput, tassunga ilanngullugu kukimmiit kiliuineq nutsallu.

Inatsisissatut siunnersuummi nassuiaatini nalinginnaasuni imm. 2.2-imut allatigut innersuussisoqarpoq.

Nr. 22-mut

Eqqartuussisarnermik inatsimmi § 403, imm. 1 malillugu pasisap timaa aatsaat misissorneqarsinnaavoq tunngavissaqartumik pasitsaanneqarpat pineqartoq taanna inatsisinik peqqarniitsumik unioqqutitsisimasoq aamma akuliunneq paasiniaanermut aalajangiisuusumik pingaaruteqarsorineqarpat.

Inatsisissatut siunnersuutikkut siunnersuutigineqarpoq imm. 2 nutaaq ikkunneqassasoq, dna-mik nalunarsuiffimmi nalunaarsugaanissaq siunertaralugu qisermik misiligummik aaversinnermillu periarfissiisoqarluni.

Tassunga atatillugu siunnersuutigineqarpoq timimik misissuinermi pasinarsisinnissaanut piumasaqaat nalinginnaasoq kingusinnerusukkut kinaassusersiinissaq siunertaralugu dna-mik misissueqissarnermi atugassanik qisermik tigusinissamat aaversinnermullu atatillugu saneqqunneqassasoq.

Tamatuma kingorna dna-mik misissueqissaarnermi atugassanik misiligutissanik – soorlu § 402, imm. 2 malillugu inussat ipaasaat – tiguisoqarsinnaavoq, nalunaarsuinermit tunngavissiisumik pinerluttoqarsimaneramik suliama aalajangersimasumi misissuinermit tamanna pingaaruteqanngikkaluartoq. Tamanna pingaartumik isumaqarpoq inuit pasineqartut siunissami dna-kkut ilisarnaataannik nalunaarsuiffimmik nalunaarsorneqalersinnaassasut, suliama ingerlasumi nassueraluarpataluunniit imaluunniit inuup sananeqaataatigut takussutissaqanngikkaluarpataluunniit.

Aammattaaq siunnersuutigineqarpoq dna-kkut ilisarnaammik pissarsinissamat pasilluteqarnissamik piumasaqaat kingusinnerusukkut kinaassusersineqarnissaq siunertaralugu inussat ipaasaanik tigusinissamat periarfissamat naapertuutilersoq, tamatumalu kingorna piumasaqaataalluni pineqartoq inatsisinik annertuumik unioqqutitsisimasutut pasineqarnissaanut naammaginatsumik tunngaveqassasoq.

Inatsisissatut siunnersuummi nassuiaatini nalinginnaasuni imm. 2.2-imut allatigut innersuussisoqarpoq.

Nr. 23-mut

Eqqartuussisarnermik inatsimmi § 403, imm. 3 malillugu timimik aatsaat misissuisoqarsinnaavoq peqqinnissaqarfimmi sulisut peqataatillugit.

Inatsisissatut siunnersuummi aalajangersakkami oqaaseqatigiit aappaannik nutaanik ikkussisoqassasoq siunnersuutigineqarpoq, taanna malillugu inatsisissatut siunnersuummi § 1, nr. 21 naapertorlugu qisermi misiligummik peqqinnissaqarfimmi sulisut peqataatinnagit tiguisoqarsinnaalluni. Tamatumalu kingorna eqqartuussisarnermik inatsimmi § 403, imm. 2, tak. § 404, imm. 1, vatpindi assigisaaluunniit atorlugu qisermik qulakkeerisoqarneratigut peqqinnissaqarfimmi sulisut peqataatinnagit politiit qisermik misiligutissanik tigusinnaallutik.

Tunngavigineqarpoq atortut pinngitsaalliissutit atorlugit taamatut qisermi misiligutissanik tigusinissamat politiit pinngitsaalliissannigitsut. Inuk pasi-

saasoq misiligummik tiguisoqarnissaannut timini atorlugu akimmisaaris-sappat taarsiullugu aaversinnissaq siunertaralugu nakorsamik pissarsius-sapput, tak. eqqartuussisarnermik inatsimmi § 407-imi qajassusuussinissa-mut tunngaviusut nalinginnaasut.

Inatsisissatut siunnersuummi nassuiaatini nalinginnaasuni imm. 2.2-imut allatigut innersuussisoqarpoq.

Nr. 24-mut

Eqqartuussisarnermik inatsimmi § 461, imm. 1, oqaaseqatigiit siulliit malil-lugit nassuiaatit, killisiuinermi nassuiaatigineqartut, eqqartuussisup allattaa-viani issuarneqartassapput oqaatsit, nassuiaanermi atorneqartut, atorlugit. § 461, imm. 1, imm., imm. 2, naapertorlugu tamanna avaqqunneqarsinnaavoq pisariaqarsorineqarpat illersorneqarsinnaasutullu isigineqar-pat.

Inatsisissatut siunnersuummi § 1, nr. 24-mi siunnersuutigineqarpoq aalajan-gersakkami erseqqissarneqassasoq § 310 a siunnersuutigineqartoq naa-pertorlugu pinerluttulerinermi suliani assinik nipinilluunniit immiussi-soqartillugu pisuni tamani nassuiaatit eqqartuussisup allattaavianut siunis-sami issuarneqartassanngitsut.

Malitarisassat siunnersuutigineqartut malillugit eqqartuussisup allattaaviani nassuiaammi issuaasoqartillugu eqqartuussisup allattaaviata imaanik arlaa-tigut allannguinnissaq siunertarineqanngilaq.

§ 310 c-mi aalajangersakkatut siunnersuutigineqartup malitsigissavaa nas-suiaatip immiussap naqitanngorlugu pissarsiarineqarsinnaanera, oqaatsillu atorneqartut naapertorlugit naqitat allanneqartarnissaat. Tamannali piuma-saqaat avaqqunneqarsinnaasassaaq pisariaqarsorineqarpat illersorneqarsin-naasutullu isigineqaraangat, taamannallu pisoqartillugu nassuiaatit oqaat-sinut allanut nutserneqarneri naqitanngortitsinermi atorneqarsinnaasassap-put.

Inatsisissatut siunnersuummi nassuiaatini nalinginnaasuni imm. 2.1-imut aamma § 1, nr. 19-imut nassuiaatinut allatigut innersuussisoqarpoq.

Nr. 25-mut

Eqqartuussisarnermik inatsimmi § 743, imm. 1 malillugu Kalaallit Nunaanni Eqqartuussiveqarneq pillugu Isumalioqatigiissitat 14-inik ilaa-

sortaqassapput, tassaasunik Kalaallit Nunaanni eqqartuussisuuneq, Kalaallit Nunaanni Eqqartuussivimmi eqqartuussisoq, Kalaallit Nunaanni politimesteri, Kalaallit Nunaanni Pinerluuteqarsimasunik Isumaginnittoqarfimmi pisortaq, najukkami eqqartuussisoq, Kanukoka, eqqartuussisserisoq ataaseq, illersuisoq ataaseq, ilisimatusarfimmi ilinniartitsisoq ataaseq, Kalaallit Nunaanni Namminersornerullutik Oqartussaniit sinniisuutitat marluk kiisalu Inatsiseqarnermut Ministereqarfimmiit, Domstolsstyrelsimit aamma Pinerluuteqarsimasunik Isumaginnittoqarfimmut Pisortaqarfimmiit sinniisuutitat.

Siunnersuutikkut § 743, imm. 1 nutaamik oqaasertalerneqarpoq tamatuma kingorna Kalaallit Nunaanni Eqqartuussiveqarneq pillugu Isumalioqatigiissitat 17-inik ilaasortaqaalerlutik. Tassani pineqarput maannamut isumalioqatigiissitami ilaasortat, taamaattorli siunnersuutigineqarluni Rigsadvokati aamma Rigspolitiit isumalioqatigiissitami sinniisoqalissasut. Aammattaaq Kanukoka kommuninit sinniisuutitamit taarserneqassaaq. Kiisalu siunnersuutigineqarluni nunap illersuisuunera isumalioqatigiissitami ilaasortanngussasoq.

Tunngavigineqarpoq, kommuninit sinniisuutitaq Kalaallit Nunaanni kommuninut tunngatillugu immikkut ilisimasaqassasoq. Namminersorlutik Oqartussat aalajangissavaat kina kommuninit sinniisuutitassatut toqqarneqassanersoq aammalu aalajangissallugu qanoq taanna sinniisuutitassaq toqqarneqassanersoq.

Inatsisissatut siunnersuummi nassuiaatini nalinginnaasuni imm. 2.4-imut allatigut innersuussisoqarpoq.

Nr. 26-mut

Inatsisissatut siunnersuummi § 1, nr. 26-mi, siunnersuutigineqarpoq Kalaallit Nunaanni eqqartuussisarnermik inatsimmi § 743, imm. 3-mi, aamma § 745, imm. 2-mi oqaaseq namminersornerullutik oqartussat allanngortinneqassasoq namminersorlutik oqartussat-nngorlugu, tak. Kalaallit Nunaanni Namminersorneq pillugu inatsimmi, 12. juni 2009-meersumi, inatsit nr. 473.

Aalajangersakkanik allannguinissaq siunertaanngilaq.

Nr. 27-mut

Eqqartuussisarnermik inatsimmi § 745, imm. 1 malillugu Kalaallit Nunaanni Pinerluttaalisitsiniarneq pillugu Isumalioqatigiissitat arfineq-pingasunik ilaasortaqaassapput tassaasunik Kalaallit Nunaanni Politimesterimiit, Kalaallit Nunaanni Pinerluuteqarsimasunik Isumaginnittoqarfimmiit, Isumaginninnermut Pisortaqaarfimmiit, Peqqissutsimut Pisortaqaarfimmiit, Kanukokamiit kiisalu Kalaallit Nunaanni nammineq kajumissutsimik suliniaqatigiiffinniit, sulisitsisut kattuffiiniit aamma sulisartut kattuffiiniit sinniisuutit. Nammineq kajumissutsimik suliniaqatigiiffinniit kiisalu sulisitsisut sulisartullu kattuffiiniit sinniisuutitassat, inatsiseqarnermut ministerimit toqqarneqassapput Kultureqarnermut Pisortaqaarfimmiit, Kalaallit Nunaanni Sulisitsisut Peqatigiiffianniit kiisalu Sulineramik Inuussutissarsiuteqartut Kattuffianniit (SIK) innersuussutit malillugit.

Siunnersuutikkut § 745, imm. 1 nutaamik oqaasertalerneqarpoq. Siunnersuutigineqarpoq isumalioqatigiissitaq imatut katitigaassasoq Kalaallit Nunaanni Namminersorlutik Oqartussanut sinniisut marluk, kommuninit sinniisoq, Kalaallit Nunaanni Politimesterimiit, Kalaallit Nunaanni Pinerluuteqarsimasunik Isumaginnittoqarfimmiit aamma Kalaallit Nunaanni nammineq kajumissutsimik suliniaqatigiiffinniit, sulisitsisut kattuffiiniit aamma sulisartut kattuffiiniit sinniisuutit. Siunnersuutigineqarpoq nammineq kajumissutsimik suliniaqatigiiffinniit kiisalu sulisitsisut sulisartullu kattuffiiniit sinniisuutitassat inatsiseqarnermut ministerimit toqqarneqassapput Naalakkersuisu-niit, Kalaallit Nunaanni Sulisitsisut Peqatigiiffianniit kiisalu Sulineramik Inuussutissarsiuteqartut Kattuffianniit (SIK) innersuussutit malillugit

Tunngavigineqarpoq Namminersorlutik Oqartussaniit isumalioqatigiissitami ilaasortaqaq ataaseq isumaginninnermut suliassaqaarfimmut immikkut ilisimasaqassasoq, kommuninillu sinniisuutitaq Kalaallit Nunaanni kommuninut tunngatillugu immikkut ilisimasaqassasoq. Namminersorlutik Oqartussat aalajangissavaat kina kommuninit sinniisuutitassatut toqqarneqassanersoq aammalu aalajangissallugu qanoq taanna sinniisuutitassaqaq toqqarneqassanersoq.

Inatsisissatut siunnersuummi nassuiaatini nalinginnaasuni imm. 2.4-imut allatigut innersuussisoqarpoq.

§ 2-imut

Siunnersuutigineqarpoq inatsit ulloq [...] -imi atuutilissasoq, *tak. imm. 1.*

Domstolstyrelsip ilisimatitsissutigisimavaa, nipimik assinillu immiussisarnissamut teknikkikkut piumasaqaatit, suli Kalaallit Nunaanni Eqqartuussivinni naammassineqarsinnaanngikkallartut.

Siunnersuutigineqarpoq, *tak. imm. 2,* inatsiseqarnermut ministerip aalajangissagaa qaqugu nipimik assinillu immiussisarnissamut malittarisassat atuutilissanersut. Kalaallit Nunaanni Eqqartuussivinni nipimik assinillu immiussisarnissamut teknikkikkut piumasaqaatit naammassineqarsimaleriarpata inatsisip atuutilersinneqarnissaa siunniunneqarpoq.

Inatsisissatut siunnersuutip inatsimmut atuuttumut assersuunnera

Oqaasertarliussat atuuttut

Inatsisissatut siunnersuut

§ 1

Kalaallit Nunaanni eqqartuussisarnermik inatsimmi, tak. inatsimmik nalunaarut nr. 1581, 13. december 2016-imeersoq inatsisikkut nr. 149, 7. februar 2017-imeersumi § 1-ikkut allanngortinneqartumi, imatut allannguisoqarpoq:

§ 3. ---

Imm. 2. Najukkami eqqartuussivik eqqartuussisumik ataatsimik arlalinnilluunniit aalajangersimasumik utaqqiisaagallartumilluunniit sulisoqarpat Kalaallit Nunaanni Eqqartuussivimmi eqqartuussi-sup, eqqartuussisunik pineqartunik isumaqatiginninnaqateqareernerup kingorna, aalajangiiffigisassavaa suliassat taakua akornanni qanoq agguataarneqassasut.

...

§ 4. ---

Imm. 2. Najukkani eqqartuussiviit ataasiakkaat allaffiisa ammasarfissai ammasarfiisalu sivilisussissaat Kalaallit Nunaanni Eqqartuussiviup eqqartuussisuata aalajangiiffigisassavai.

Imm. 3. ---

1. § 3, *imm. 2-mi*, § 5, *imm. 3-mi*, § 9, *imm. 2-mi*, § 11, *imm. 1 aamma 2-mi*, § 16, *imm. 1-imi*, § 18, *imm. 3-mi*, § 19-imi, § 20, *imm. 1-imi*, § 23, *imm. 3-mi*, § 27, *imm. 2-mi*, § 28, *imm. 1-imi*, § 29, *imm. 2-mi*, § 35, *imm. 2 aamma 3-mi*, § 38, *imm. 1-imi*, § 67, *imm. 2-mi*, § 68, *imm. 1-imi*, § 85, *imm. 2-mi*, *aamma § 659-imi* »eqqartuussisoq« imatut allanngortinneqarpoq: »eqqartuussisoq aqutsisuusoq«.

2. § 4, *imm. 2*, § 17, *imm. 4* § 20, *imm. 3 aamma 8*, § 26, *imm. 3*, § 28, *imm. 3*, § 29, *imm. 1*, § 66, *imm. 1*, § 69, § 71, *imm. 1*, *aammalu § 668-mi* »Eqqartuussisoq« imatut allanngortinneqarpoq: »Eqqartuussisoq aqutsisuusoq«.

§ 5. Kalaallit Nunaanni Eqqartuussivik ataatsimik eqqartuussisoqassaaq, kunngimit toqqarneqarsi-masumik, tak. § 13.

Imm. 2. ---

Imm. 3. Fuldmægtigi suliassanik, Kalaallit Nunaanni Eqqartuussiviup suliassanik, suliassaqsarsinnaavoq eqqartuussisup aalajangiineratut annertussusi-limmik.

...

§ 9. ---

Imm. 2. Imm. 1 malillugu piginnaatitaaneq najukkani eqqartuussivinni eqqartuussisumit susassaqtumit aamma Kalaallit Nunaanni Eqqartuussivimmi eqqartuussisumit nalunaarutigineqartassaaq.

...

§ 11. Eqqartuussisut Siunnersuisoqatigiit § 10, imm. 1, nr. 1-imi aamma 2-mi taaneqartutut pisoqartillugu tallimanik ilaasortaqartassapput, tassaasunik Kalaallit Nunaata Eqqartuussisuuneqarfiani nunap eqqartuussisuunera (siulittaasoq), Kalaallit Nunaanni Eqqartuussivimmi eqqartuussisoq, najukkami eqqartuussisoq ataaseq aamma innuttaasut sinniisuutitaat marluk.

Imm. 2. Eqqartuussisut Siunnersuisoqatigiit § 10, imm. 1, nr. 3-mi aamma 4-mi taaneqartutut pisoqartillugu pingasunik ilaasortaqartassapput, tassaasunik Kalaallit Nunaata Eqqartuussisuuneqar-

3. § 5, imm. 1, imatut naalisarneqassaaq:

»Kalaallit Nunaanni Eqqartuussivik eqqartuussisoqassaaq marlunnik, tassannga ataaseq eqqartuussisuussaaq aqutsisuusoq. Eqqartuussisut kunngimit toqqarneqartarput, tak § 13. «

fiani nunap eqqartuussisuunera (siulittaasoq), Kalaallit Nunaanni Eqqartuussivimmi eqqartuussisoq aamma najukkami eqqartuussisoq ataaseq..

Imm. 3-5. ---

§ 12. ---

Imm. 2. Najukkami eqqartuussisutut aatsaat atorfinitsitsivittoqarsinnaavoq, pineqartoq eqqartuussisutut atorfimmut piukkuneqartu-tut atorfeqareernermi kingorna eqqartuussisunut immikut ittumik ilinniartitaaneq naammassereerpa-gu. Domstolsstyrelse ilinniartitaaneq, Kalaallit Nunaanni Eqqartuussivimmi eqqartuussisumit isumagi-neqartussa, pillugu erseqqinneru-sunik maleruagassiussaaq.

Imm. 3-4. ---

§ 13. Kalaallit Nunaanni Eqqartuussivimmi eqqartuussisoq aamma Kalaallit Nunaata Eqqartuussisuuneqarfiani nunap eqqartuussisuunera inatsisilertuutut soraarummeernermi angusaqarsimasuussapput.

Imm. 2-3. ---

Imm. 4. Inuiaqatigiit kalaallit sinniisuutitaat Kalaallit Nunaanni Naalakkersuisunit aamma Kanukokamit (Kalaallit Nunaanni Kommuneqarfiit Kattuffiat) innersuussuteqarnerup kingorna Inatsiseqarnermut ministereqarfimmit ivertinneqartassapput.

Imm. 5. Folketingimi, Kalaallit Nunaata Inatsisartuini aamma kommunalbestyrelsini ilaasortat

4. § 12, *imm. 2*, § 58, § 269 aamma § 273, *imm. 4-mi*, »eqqartuussisup« allanngortinneqassaaq imatut: »eqqartuussisoq«.

5. § 13, *imm. 1-imi*, »eqqartuussisoq« imatut allanngortinneqassaaq: »eqqartuussisut«.

6. § 13, *imm. 4*, imatut allanngortinneqassaaq:
»*Imm. 4.* Inuiaqatigiit kalaallit sinniisuutitaat Kalaallit Nunaanni Naalakkersuisuniit innersuussuteqarnerup kingorna Inatsiseqarnermut ministereqarfimmit ivertinneqartassapput.«

Dommerudnævnelserådimut ilaasortaasinnaangillat.

Imm. 6-7. ---

§ 16. Eqqartuussisutut ivertitsigallartoqarnera Kalaallit Nunaanni Eqqartuussivimmi eqqartuussisumit §§ 17-19 malillugu nalunaarutigineqarsinnaavoq.

Imm. 2-4. ---

§17. ---

Imm. 2-3. ---

Imm. 4. Utaqqiisaasumik ivertitsineq atorunnaassaaq atorfik inuttaqartinneqanngitsoq inuttalerner-qarpat imaluunniit pisinnaajunnaarnermut pissutaasoq atuukkunnaarpat. Taamaattorli Kalaallit Nunaanni Eqqartuussivimmi eqqartuussisup ivertitsineq siusinnerusukkut atuukkunnaarseqqissinnaavaa.

§ 18. ---

Imm. 2. ---

Imm. 3. Utaqqiisaasumik ivertitsineq Kalaallit Nunaanni Eqqartuussivimmi eqqartuussisumit atuukkunnaarseqqinneqassaaq.

§ 19. Najukkami eqqartuussisup suliassamut akooqqusaannginnera pissutigalugu pisariaqassappat Kalaallit Nunaanni Eqqartuussivimmi eqqartuussisoq eqqartuussisup taartaanik ivertitsissaaq.

§ 20. Najukkami eqqartuussisumut ikiortitut ivertitsigallarneq

Kalaallit Nunaanni Eqqartuussivimmi eqqartuussisumit nalunaarutigineqarsinnaavoq, tamanna atorfiup inuttaarunnerani imaluunniit eqqartuussisup pisinnaajunnaarnerani pisariaqartinneqarpat aammalu § 16 malillugu eqqartuussi-suugallartussamik ivertitsisoqar-sinnaasimangippat.

Imm. 2. ---

Imm. 3. Kalaallit Nunaanni Eqqartuussivimmi eqqartuussisoq imm. 4 aamma 5 malillugit aalajangiisassaaq eqqartuussisumut ikiorti suliasanik sunik suliasaqar-sinnaanersoq.

Imm. 4-7. ---

Imm. 8. Najukkami eqqartuussisunut ikiortinngortitaasimaneq ato-runnaassaaq imm. 1 imaluunniit 2 malillugu ivertinneqarnissamut pi-umasaqaatit atuukkunnaarpata. Taamaattorli Kalaallit Nunaanni Eqqartuussivimmi eqqartuussisoq ivertitsinermik siusinnerusumiit atuukkunnaarsitseqqissinnaavoq.

§ 22. Domstolsstyrelsi Kalaallit Nunaanni Eqqartuussivimmi eqqartuussisumik aamma Kalaallit Nunaata Eqqartuussisuuneqarfiani eqqartuussisuunermik ivertitsigallarsinnaavoq, tamanna atorfiup inuttaqannginnerata imaluunniit aalajangersimasumik eqqartuussisup pisinnaajunnaarnerata pisari-aqalersippagu.

Imm. 2. ---

Imm. 3. Ivertitsigallarneq eqqartuussisup innuttaasut sinnerlugit suliareqqusaasumik allamik suliasaqarneranik pissuteqarpat,

7. § 22, *imm. 1-imi*, »aalajangersimasumik eqqartuussisup« imatut allanngortinneqassaaq: »eqqartuussisup aalajangersimasup«.

8. § 22, *imm. 3*, imatut allanneqassaaq: »Ukiumilli ataatsimik killeqartitsineq uki-oq ataasiakkaarlugu tikillugu sivilsussusilerlugu sivitsorneqarsinnaavoq, tamanna akuer-saarneqarpat. Kalaallit Nunaata Eqqartuussiviani

ukiu-mik ataatsimik killeqartitsineq ukioq ataasiakkaarlugu tikillugu sivisussusilerlugu sivit-sorneqarsin-naavoq, taamaaliortoqassappat pi-umasagaataavoq

1) pissutsit immikkut illuinnartut pissutissaqartitsissasut,

2) Eqqartuussiviit Qullersaata præsidentia akuersissasoq, aamma

3) eqqartuussisutut toqqarneqarsimasoq atorfimmuut ivertinneqarallarsimassasoq.

Imm. 4-5. ---

§ 23. ---

Imm. 2. ---

Imm. 3. Eqqartuussiviit Qullersaata præsidentia Kalaallit Nunaanni Eqqartuussivimmi eqqartuussisumik aamma Kalaallit Nunaata Eqqartuussisuuneqarfiani eqqartuussisuunermik isumaqatiginninniareerluni aalajangiissaaq eqqartuussisutut utaqqiisaasumik ivertinneqartup suliassat suut sularissanerai.

Imm. 4. ---

§ 24. Kalaallit Nunaanni Eqqartuussivimmi eqqartuussisup imaluunniit Kalaallit Nunaata Eqqartuussisuuneqarfiani eqqartuussisuunerup suliassamut akooqqusaannginnera pissutigalugu pisari-aqalissappat Eqqartuussiviit Qullersaata præsidentia eqqartuussisup taartaanik ivertitsissaaq.

§ 26. ---

Imm. 2. ---

Imm. 3. Kalaallit Nunaanni Eqqartuussivimmi eqqartuussisoq

eqqartuussisumut immikkut akuersissut tunniunneqqassaaq Kalaallit Nunaata Eqqartuussiviani eqqartuussisumit aqutsisuusumit. Kalaallit Nunaata Eqqartuussiviani eqqartuussisumut aqutsisuusumut immikkut akuersissut tunniunneqqassaaq Kalaallit Nunaata Eqqartuussisuuneqarfiani nunap eqqartuussisuuneraniit. Kalaallit Nunaata Eqqartuussisuuneqarfiani nunap eqqartuussisuuneranut immikkut akuersissut tunniunneqqassaaq Eqqartuussiviit Qullersaata præsidentianiit. «

9. § 24 imatut allanneqassaaq: »Kalaallit Nunaanni Eqqartuussivimmi eqqartuussisut imaluunniit Kalaallit Nunaata Eqqartuussisuuneqarfiani eqqartuussisuuneq suliassamut akooqqusaanngippata, taava Eqqartuussiviit Qullersaata præsidentia eqqartuussisup taartaanik ivertitsissaaq.«

nammineerluni sulissuteqarnermi-
gut imm. 1 aamma 2 malillugit
soraarsitsinissaq pillugu apeqqum-
mik Domstolsstyrelsimut saqqum-
miussissaaq.

Imm. 4. ---

§ 27. ---

Imm. 2. Atorfeqarfigisap allan-
ngortinneqarnissaanut kallerriun-
neqareersimasumut akerliliisoqas-
sappat Kalaallit Nunaanni Eqqar-
tuussivimmi eqqartuussisup Dom-
stolsstyrelsi qinnuigissavaa sulias-
saq Eqqartuussisut Siunnersuiso-
qatigiivinut suliassanngortin-
neqassasoq. Akerliliissut saqqum-
miunneqassaaq, eqqartuussisup
pine-qartup atorfeqarfittaassami-
nik kalerrinneqarneraniit kingusin-
nerpaamik ullut 14-it qaangiun-
neranni.

§ 28. Najukkami eqqartuussisog
pillugu maalaarutit inummit, taa-
maaliornissaminut peqqutissaqar-
tumit, Kalaallit Nunaanni Eqqar-
tuussivimmi eqqartuussisumut
tun-niunneqartassapput.

Imm. 2. ---

Imm. 3. Kalaallit Nunaanni Eq-
qartuussivimmi eqqartuussisup
inuit, pisumut maalaarummi pi-
neqartumut naleqquttumik soqu-
tigisaqarfiginningsut, maalaaru-
taat itigartissinnaavai, aamma
maalaarutit piffissaq eqqorlugu
tunniunneqanngitsutut imaluunniit
er-seqqissumik tunngavissaqann-
gitsutut siumut naliliivigineqartut.

§ 29. Kalaallit Nunaanni Eqqar-
tuussivimmi eqqartuussisup maa-

laaruteqarneq naapertorlugu imaluunniit nammineerluni sulissuteqarnermigut eqqartuussisoq, atorfimmini suliassaminik sumiginnaasimasoq peqqissaarussisimannigitsorlu imaluunniimmi asuarnartu-mik kusanaatsumilluunniit pissusilersorsimasoq, mianersoqqusinnaa-vaa.

Imm. 2. Suliassaq qanoq ittuusutsi naapertorlugu imm. 1 malilugu aalajangiiffigissallugu nalequtinngitsuusorineqarpat Kalaallit Nunaanni Eqqartuussivimmi eqqartuussisup Domstolsstyrelsi qinuigissavaa suliassaq taanna Eqqartuussisut Siunnersuisoqatigii-vinut suliassanngortinneqassasoq.

§ 33. Saniatigooralugu inuussutissarsiuteqarnermut, najoqqutassa-nik unioqutitsinermik malersuiner-mut, atorfimmit tunuartaagallarnermut soraarsitaanermullu tunngatillugu Kalaallit Nunaanni Eqqartuussivimmi eqqartuussisumut aamma Kalaallit Nunaata Eqqartuussisunermut atuutissapput malittarisassat danskit eqqartuussisarnermik inatsisaanni §§ 47-50-imiittut.

10. § 33 imatut allanneqassaaq:

»**§ 33.** Saniatigooralugu inuussutissarsiuteqarnermut, najoqqutassanik unioqutitsinermik malersuiner-mut, atorfimmit tunuartaagallarnermut soraarsitaanermullu tunngatillugu Kalaallit Nunaanni Eqqartuussivimmi eqqartuussisumut aamma Kalaallit Nunaata Eqqartuussisuuneqarfiani eqqartuussisuunermut atuutissapput malittarisassat danskit eqqartuussisarnermik inatsisaanni §§ 47-50-imiittut.

Imm. 2. Kalaallit Nunaanni Eqqartuussivimmi eqqartuussisup aqutsisuusup aamma Kalaallit Nunaata Eqqartuussisuuneqarfiani eqqartuussisuunerup, saniatigooralugu inuussutissarsiuteqarneq pillugu nalunaarutaat, Eqqartuussiviit Qullersaata præsidentianut tunniunneqartassapput, kiisalu Kalaallit Nunaanni Eqqartuussivimmi eqqartuussisup Kalaallit Nunaanni Eqqartuussivimmi eqqartuussisumut aqutsisuusumut

tunniuttassavai, taakkualu immikkut tamarmik oqartussaaf-feqarput saniatigooralugu inuus-sutissarsiuteqarnermut najoqqutassanillu unioqqutitsinermik malersuinermut, eqqartuussiviit præ-sidentiisa danskit eqqartuussisar-nermik inat-sisaat malillugu as-singanik oqartussaassuseqarf-gisaanut.

Imm. 3. Kalaallit Nunaanni Eq-qartuussivimmi eqqartuussisoq pillugu maalaarut Kalaallit Nuna-anni Eqqartuussivimmi eqqartuus-sisumut aqutsisuu-sumut imaluunniit Immikkut It-tumik Eqqartuussivimmut Maalaaruteqarfigineqar-sin-naasumut, kiisalu Kalaallit Nuna-anni Eqqartuussivimmi eq-qartuussisoq aqutsisuusoq aam-malu Kalaallit Nunaata Eqqar-tu-ussisuuneqarfiani eqqartuussi-suuneq pillugu maalaarutit Eqqar-tuussiviit Qullersaata præ-sidentianut imaluunniit Immikkut Ittumik Eqqartuussivimmut Maalaaruteqarfigineqarsinnaasumut tunniunneqartassapput.

Maalaaruteqarniartoq pissutsinik maalaaruteqarnermut pissutissiis-unik ilisimasaqalerneraniit kin-gusinnerpaamik sapaatit akunneri sisamat qaangiutsinnagit maalaa-rummik tunniussissaaq.«

§ 34. ---

Imm. 2. Kalaallit Nunaata Eq-qartuussisuuneqarfiani eqqartuus-sisuuneq najoqqutassanik unioq-qutitsisoqarsimatillugu oqartus-saaffeqartuuvoq, eqqartuussiviit præ-sidentiisa danskit eqqartuus-sisarnermik inatsisaat naapertor-lugu oqartussaaffiattut ittumik.

Imm. 2. ---

11. § 34, *imm. 2-mi*, »eqqartuus-sisuuneq« kingorna ikkunne-qassaaq: »imaluunniit Kalaal-lit Nunaata Eqqartuussiviani eqqartuussisoq aqutsisu-usoq«.

§ 35. ---

Imm. 2. Eqqartuussivinni eqqartuussisooqataasartut kommunalbestyrelsimit qinerneqartassapput Kalaallit Nunaanni Eqqartuussivimmi eqqartuussisumiit inassuteqaat malillugu.

Imm. 3. Kalaallit Nunaanni Eqqartuussivimmi aamma Kalaallit Nunaata eqqartuussisuuneqarfiani eqqartuussisooqataasartut Inatsisartunit qinerneqartassapput Kalaallit Nunaanni Eqqartuussivimmi eqqartuussisumiit aamma nunap eqqartuussisuuneraniit inassuteqaatit naapertorlugit.

Imm. 4. ---

...

§ 38. Najukkani eqqartuussivinni aamma Kalaallit Nunaanni Eqqartuussivimmi eqqartuussisooqataasussat amerlassusissaat Kalaallit Nunaanni Eqqartuussivimmi eqqartuussisumit aalajangerneqartassaaq. Kalaallit Nunaata Eqqartuussisuuneqarfiani eqqartuussisooqataasussat amerlassusissaat nunap eqqartuussisuuneranit aalajangerneqartassaaq. Amerlassusiliisoqartassaaq imaalillugu, eqqartuussisooqataasartup ataatsip ukiumut sisamariarluni sulisinneqar-tarnissaa ilimagineqartussanngor-lugu.

Imm. 2. ---

§ 56. ---

Imm. 2-4. ---

Imm. 5. Kalaallit Nunnaanni Eqqartuussivimmi eqqartuussisup su-

12. § 56, imm. 5-imi, »eqqartuussisup« imatut allanngortinne-

liassaq innersuussutigineqartoq,
imm. 1-imi piumasaqaatigineqar-
tunik naammassinninngitsoq,
tigujumangissinnaavaa.

Imm. 6. ---

qassaaq: »eqqartuussisu-
usup«.

§ 58. Kalaallit Nunaanni Eqqar-
tuussivimmi eqqartuussisup
isuma-gisussaavaa najukkami
eqqartuussisut aammalu
eqqartuussivinni su-lisut allat ilin-
niartitaanissaat kiisalu eqqartuus-
siviit apeqqutini inat-sisinik atui-
nissamut tunngassuti-linni ilitser-
sorneqarnissaat.

§ 66. Kalaallit Nunaanni Eqqar-
tuussivimmi eqqartuussisoq pigin-
naaniliissaaq inunnik tusaamaner-
lugaanatillu nammineersinnaassu-
seqartunik 18-ileereersimasunik
naleqquttumik amerlassusilinnik
pinerlunnernik suliassani illersui-
suusussanik.

Imm. 2.---

§ 67. ---

Imm. 2. Inatsiseqarnermut mi-
nisteri illersuisutut ilinniartitaaneq
pillugu malittarisassanik erseqqin-
nerusunik aalajangersaassaaq, ma-
tumunnga ilanngullugittaaq ilinni-
artitaaneq naammassineqalersin-
nagu inuup illersuisutut
erseqqinne-rusumik annertussusi-
likkamik suli-gallarsinnaatitaanis-
saa pillugu malittarisassat. Il-
lersuisutut ilinniartitaaneq Kalaal-
lit Nunaanni Eqqar-tuussivimmi
eqqartuussisumit aqunneqassaaq.

Imm. 3-4. ---

§ 68. Illersuisutut sulisinnaati-
taaneq Kalaallit Nunaanni
Eqqartuussivimmi eqqartuussisu-
mit arsaarin-nissutigineqassaaq,
inuk sulisinnaatinneqartoq sulisin-
naatitsissum-mik pinissamut
imaluunniit pigisa-qaannarnissa-
mut piumasqaatinik naammassin-
nissinnaajunnaarpat, imaluunniit
taanna illersuisutut su-liassariti-
taasunik suliaqarnermini imaluun-
niit allanut atasunik sulinermi-
ima pissusilersorsimappat pissu-
tissaqartumik isumaqartoqarluni
pineqartup illersuisutut sulia-
sari-titaasut isumannaatsumik sulia-
risinnaassanngikkai.

Imm. 2. ---

§ 69. Kalaallit Nunaanni Eqqar-
tuussivimmi eqqartuussisoq inuit,
illersuisussatut sulisinnaatitaasutut
nalunaarfigineqarsimasut, allattor-
simaffiannik ukiumut ataasiarluni
saqqummiussisassaaq. Illersuisu-
tut sulisinnaatitaanerup tunniun-
neqarnerata, arsaarinnissutaane-
rata allatulluunniit iliornikkut
atorunnaarnerata kingunerisaatut
allattukkani allannguutit inger-
laannaq saqqum-miunneqartassap-
put.

§ 71. Kalaallit Nunaanni Eqqar-
tuussivimmi eqqartuussisoq toq-
qaassaaq inunnik naleqquttumik
amerlassusilinnik illersuisunut iki-
ortitut sulisussanik.

Imm. 2.---

§ 85. ---

Imm. 2. Akuersissut Kalaallit Nunaanni Eqqartuussivimmi eqqartuussisumit tunniunneqassaaq.

Imm. 3. ---

§ 96. Inatsiseqarnermut ministeri malittarisassiussaaq eqqartuussisut suliaannik allasimaffiit suut eqqartuussivinni atorneqarnissaat pillugu, aamma taakkuninnga atortuulersitsineq, aaqqissuussineq atu-inissarlu pillugu. Inatsiseqarnermut ministeri aammattaaq malittarisassiorsinnaavoq eqqartuussinernik immiussisarneq pillugu.

Imm. 2. ---

§ 98. ---

Imm. 2. Suliassap ingerlasimanageranik aamma illuatungeriit ilisimannittullu suliassami pissusiviusut pillugit nassuiaataannik imaqarniliuineq naatsoq allanneqartassaaq.

Imm. 3-5. ---

§ 99. Allatut aalajangersaasoqar-simangippat eqqartuussisut suli-aannik allasimaffimmut allanneqartut aatsaat atuarneqarlutillu pissutsit malillugit akuersisutigine-qartassapput, eqqartuussisut siulittaasuata nammineerluni immikkut ittunik pissuteqartumik tamanna pisariaqarsorippagu imaluunniit saqitsaanernik suliasani akerlerisamiit, ilisimannit-

13. § 96, *imm. 1-imi*, »eqqartuussinernik immiussisarneq pillugu« kingorna ikkunneqassaaq: »saqitsaanernik suliani«.

14. § 98, *imm. 1-imi*, »imaqarniliu-ineq naatsoq allanneqartassaaq« kingorna ikkunneqassaaq: », taamaattoq tak. § 310 b.«

15. § 99 ima allanneqassaaq:
»§ 99. Taamaallaat atuaasoqas-saaq pissutsillu malillugit akuersisuteqartoqassaaq nassuiaammik eqqartuussiviup saqummiussaanik, eqqartuussivi-up siulittaasuata tamanna pisa-riaqarsorippagu.«

tumiit imaluunniit misissuisuuti-
taallunilu nalilii-sartumiit noqqa-
assuteqarneq naapertorlugu.

§ 102. ---

Imm. 2-3. ---

Imm. 4. Inuit imm. 1-imi taane-
qartut eqqartuussiviup allaffiani
eqqartuussisut suliaannik allassi-
maffimmik misissuataarisinnaap-
put, taanna allaqqissaarneqareer-
pat. Eqqartuussineq imaluunniit
killisiuineq tamakkerlugu ilaan-
naaluunniit matoqqasumik inger-
lanneqarsimappat eqqartuussisut
suliaannik allassimaffimmik mi-
sissuataarisinqarsinnaangilaq,
eqqartuussiviup initaani eqqissisi-
manissaq torersaarnissarluunniit
piinnarlugu matut matuneqarnis-
saat aalajangerneqarsimangippat.
Noq-qaassuteqarneq naapertor-
lugu allattukkat assilineqarneri
tunniunneqassapput. Aalajan-
gersagaq atuutissangilaq sulias-
sani, saqitsaannernik suliassat im-
mikkut ittut pillugit inatsisip
uumap immikkoortua IV naaper-
torlugu suliarineqartuni.

Imm. 5-8. ---

§ 141. ---

Imm. 2-4. ---

Imm. 5. Ilisimannittoq imm. 2-4
naapertorlugit nassuiaateqarsin-
naangippat eqqartuussivimmu-
t eqqartuussisoqarfimmi, pineqartup
najugaqarfigisaaniittumut, nas-
suiaateqariortoqquneqarluni ag-
gersar-neqassaaq. Ilisimannittup
noqqaassuteqarneratigut ilisiman-
nittutut nassuiaanissaq eqqartuus-
sivimmi allami tamatumunnga
taarsiullugu pisinnaavoq. Killisiui-
neq eqqartuussisooqataasartut

**16. § 102, imm. 4-mi, »allattukkat
assilineqarneri tunniunneqas-
sapput« kingorna ikkunneqas-
saaq: »imaluunniit assiliilluni
allakkat § 310 c, imm. 3-mi,
eqqaaneqartutuut.«**

**17. § 141, imm. 5-imi,
»eqqartuussisut suliaannik al-
lassimaffiup assilineqarnera
eqqartuussivimmu-
t killisiui-
nissamik noqqaassuteqartu-
mut nassiunne-qassaaq.«
imatut allanngortinneqassaaq:
»killisiorneqarnerup immiun-
neqarnera ima-luunniit
eqqartuussisut suliaanut allas-
simaffiup assilineqarnera**

peqataaffigin-ngisaannik
eqqartuussisumit ingerlanneqas-
saaq. Killisiuinerup qaqu-gu su-
milu pinissaanik illuatungeriit
ilisimatinneqassapput. Killisiuineq
naammassereerpat killisiuineq pil-
lugu eqqartuussisut suliaannik al-
lassimaffiup assilineqarnera
eqqar-tuussivimmumut killisiuinissa-
mik noqqaassuteqartumut nassiun-
neqassaaq.

§ 158. Eqqartuussutissap isuma-
qatigiinniutigineqarnerani ilisi-
mannittup nassuiaatai eqqartuus-
sisut suliaannik allassimaffimmut
allanneqartassapput, eqqartuussi-
sut aalajangiinerat naapertorlugu
annertussusilimmik. Eqqartuussi-
sut tamatumani pingaartittari-
aqarpaat illuatungeriit imaluunniit
ilisimannittut kissaatigisaat
aamma imaqarniliuineq suliassap
misileqqinneqarnerani sunni-
uteqarsinnaassa-nersoq.

Imm. 2.---

§ 269. Akiliisinnaajunnaartup
pigisaanik agguaassinissaq Kalaal-
lit Nunaanni Eqqartuussivimmi
eqqartuussisup aalajangiinera ma-
lillugu danskit pigisanik agguaas-
sisarnermut eqqartuussiviani sulia-
risassannqortinneqarsinnaavoq,
suliassamik suliarrinninnissami
tunngavigisassat tamanna pisari-
aqartissappassuk. Suliassaq nassi-
unneqalersinnagu akiitsoqartup
pigisai, Kalaallit Nunaanniittut,
nalunaarsorneqassapput.

Imm. 2. Toqusup pigisaanik ag-
guaassinissaq, suliassamik sulia-
rinninnissami tunngavigisassat
tamanna pisariaqartissappassuk,

eqqartuussivimmumut killisiui-
nissamik noqqaassuteqar-tu-
mut nassiunneqassaaq.«

18. § 158, *imm. 1-imi*, »allas-
simaffimmut allanneqartas-
sapput,« kingorna ikkun-
neqassaaq: »taamaattoq tak. §
310 b,«.

19. Kapitali 30-ip kingorna ik-
kunneqassaaq:

»Kapitali 30 a

Nassuiaanernik issuaaneq

§ 310 a. Kalaallit Nunaata Eq-
qartuussiviani imaluunniit Eqqar-
tuussisoqarfinni eqqartuussu-
tissap isumaqatiginninniutigi-
neqarnerani nassuiaatigineqartut
immiunneqassapput, taamaattorli
tak. *imm. 2.*

Imm. 2. *Imm. 1-imi* eqqaa-
neqar-tumik eqqartuussinissamut
piareersarnermi nassuiaatigi-

Kalaallit Nunaanni Eqqartuussivimmi eqqartuussisup aalajangiinera malillugu Danmarkimi pigisanik agguaassisarnermut eqqartuussivimmi suliarisassangortinneqarsinnaavoq. Suliassaq nassiunneqalersinnagu toqusup pigisai, Kalaallit Nunaanniittut, nalunaarsorneqassapput.

Imm. 3. Aappariit akornanni pigisanik agguaassineq Kalaallit Nunaanni Eqqartuussivimmi eqqartuussisup aalajangiinera malillugu Danmarkimi pigisanik agguaassisarnermut eqqartuussivimmi suliasangortinneqarsinnaavoq, illuatungeriit tamanna kissaatigissappassuk imaluunniit suliasamik suliarinninnissami tunngavigisassat tamanna pisari-aqartippassuk. Suliassaq nassiunneqalersinnagu aappariit pigisaat, Kalaallit Nunaanniittut, nalunaarsorneqassapput.

§ 273. ---

Imm. 2-3. ---

Imm. 4. Illuatungeriit arlaata eq-qartuussisoqarfik qimappagu illua-tungeriit arlaannaalluunniit nassui-aateqariartinnagu suliassaq eqqartuussivimmut, tamatuma pinerani suliarinnittussaviusumut, inner-suussutigineqarsinnaavoq. Aamma Kalaallit Nunaanni Eqqartuussivimmi eqqartuussisup suliassaq eqqartuussivimmi allami suliarineqartussangortillugu inner-suussutigisinnavaa, tamanna suliassap suliarineqarneranut pisariillisaa-taassasorineqarpat imaluunniit pi-lertornerulersitsis-sasorineqarpat.

neqartunik immiussisoqassangitsaq eqqartuussivimmi siulittaasoq aalajangiisinnaavoq.

Imm. 3. Imm. 1-imut ilaanngitsumik eqqartuussinissamut piareersarnermi nassuiaatigineqartunik immiussisoqassasoaq eqqartuussivimmi siulittaasoq aalajangiisinnaavoq.

Imm. 4. Imm. 1 aamma 3 malillugu immiussisoqarnerani aamma assiliisoqarsinnaasoq eqqartuussivimmi siulittaasoq aalajangiisinnaavoq.

§ 310 b. § 310 a malillugu nassuiaanermi eqqartuussivimmi assiliisoqarpat imaluunniit nipi-mik immiussisoqarpat nassuiaatip imarisaa kisimi eqqartuussinermi allattaavimmut ilanngunneqassaaq,

- 1) eqqartuussivimmi siulittaasoq taamatut aalajangiippat,
- 2) pasineqartup, unnerluutigineqartup, illersuisup imaluunniit unnerluussisuutitaasut tamanna qinnutigippassuk,
- 3) eqqartuussut suliareqqitassangortinneqarpat, suliameqarpat eqqartuussivimmut qaffasinnerusumut saqqummiunneqarpat, imaluunniit Ingerlatseqqinnissamut Aalajangiisartunut qinnuteqaate-qartoqarpat, imaluunniit
- 4) nassuiaanermut tunngatillugu eqqartuussisup allattaaviani allan-neqartunik § 101 malillugu allassimasunik takunnittoqarsinnaavoq.

Imm. 2. Nassuiaaneq imm. 1 malillugu eqqartuussivimmi allattaavinnut ilanngunneqarpat tamatum a eqqartuussisup allattaaviani issuarneqarnera suliami eqqar-tu- ussummut ilanngussatut isigineqassaaq.

Imm. 3. Ilisimannittut nalilersuisartullu, nassuiaataat eqqar-tu- ussisup allattaaviani issuarneqarsimasut, eqqartuussiviup erseqqinnerusumik aalajangiinera- tigut nassuiaatip issuarneqarsima- neranik misissuisinnaapput.

§ 310 c. Nassuiaammik assi- lineqartumik imaluunniit immi- unneqartumik isiginnaarnissamut imaluunniit tusarnaarnissamut pasineqartoq imaluunniit unner- luunneqartoq periarfissaqarpoq, pasineqartoq imaluunniit unner- luunneqartoq nassuiaammik ilisi- masaqarnissamut periarfissinne- qarsimangippat. Pasineqartup imaluunniit unnerluunneqartup eqqartuussiviup erseqqinnerusu- mik aalajangiinera- tigut assilisa- mik immiussamilluunniit eqqar- tuussivimmi imaluunniit illersui- sumi isiginnaarsinnaavoq ima- luunniit tusarnaarsinnaavoq.

Imm. 2. § 102 malillugu nas- suaiaammut tunngatillugu eqqar- tuussisup allattaavianut ilanngun- neqanngikkaluartoq § 310 a ma- lillugu immiunneqartumik eqqar- tuussisup allattaaviani al- lanneqartunik takunninnissamut periarfissinneqartoq immiussa- mik eqqar-tuussivimmi

tusarnaarsinnaavoq, tamanna
eqqartuussivimmit nan-
gaanartutut isigineqanngippat.

Imm. 3. Noqqaasoqarneratigut
imm. 2-imi allanneqarsimasut pi-
umasaqaatit malillugit eqqar-tuu-
ssivimmit akuerineqarsinnaa-voq
tamatumunnga aningaasar-tuuti-
nik akiliinikkut eqqartuussisar-
nermik inatsimmi § 102 malillugu
allagaatinik takunnitto-qarsinnaa-
neranik nalunaaruteqarnermi
atorneqartussamik nassu-iaatip
immiunneqarnerata allan-neqar-
neranik pissarsisoqarsinnaa-voq.
Allattukkat assilinerinik pissarsi-
nermi aningaasartuutunik naatsor-
suineq pillugu malittarisassanik
Eqqartuussivinnut aqutsisoqarfik
aaljangersaasinnaavoq.

Imm. 4. Assinik nipinillu immi-
ussat allagaatinik takunnissinnaa-
nermut ilaanngillat.

Imm. 5. Allatigut aaqqiineq al-
latigut inatsisinik peqquteqan-
ngippat assinik nipimilluunniit
immiussanik pisinnaatitaanani in-
gerlatitseqqiisoq akiliisinneqar-
sinnaavoq.

§ 310 d. 310 a malillugu ni-
pimik immiussisoqarsinnaallutil-
lugu eqqartuussivimmi siulittaa-
soq aaljangiisinnaavoq nassui-
aammik eqqartuussiviup issuaa-
neranik nipimik immiussisoqar-
sinnaaasoq. Nipimik immiussi-
nermi § 310 b, imm. 1-3 aamma §
310 c, imm. 1 aamma 5 taa-
maaqaataannik atorneqassapput.
Eqqartuussummi allagaatinik

ima-luunniit nassuiaammut tunngatillugu, tak. 101, eqqartuussisup allattaavianut allatanik takunnissinnaanermik nalunaaruteqarnermi nassuiaat eqqartuussisup allattaavianut ilanngunneqassaaq. Pisuni nassuiaatip eqqartuussisup allattaavianut ilanngunneqarnerani tamatuma eqqartuussisup allattaaviani is-suarneqarnera suliami eqqartuussummut ilanngussatut isigineqassaaq. Nipinik immiussaq allagaatinik takunnissinnaanermut ilaanngilaq.«

§ 349. Eqqartuussivimmi killisiuinerni § 346, imm. 2-4, aamma § 347 taamatulli atortuutinneqassaput.

Imm. 2. ---

§ 401. ---

Imm. 2. Paasiniaanerup ilaatut §§ 403-407 malillugit pasisap allallu timaat misissorneqarsinnaaput timimik sukumiinerusumik mi-sissuinikkut, matumunnga ilan-ngullugittaaq timip ammaneri, aaviinernik misissugassanilluunniit allanik assingusunik tigusilluni, tarrarsuilluni assigisaatulluunniit iliorluni.

20. § 349, *imm. 1-imi, aamma § 457, imm. 2-mi, »§ 346, imm. 2-4, aamma § 347«* imatut allanngortinneqassaput: »§ 346, imm. 2, taamaattoq tak. §310 b aamma § 347«

21. § 401, *imm. 2-imi, aamma § 404, imm. 1-imi, »aaviinernik«* kingorna ikkunneqarpoq: », qisermik imaluunniit«.

22. § 403-imi imm. 1-ip kingorna ikkunneqarpoq:

»*Imm. 2.* Kingusinnerusukkut kinaassutsimik paasinninnissaq si-unertaralugu qisermik aavii-

§ 403. ---

Imm. 2. Aammattaaq misissu-gassamik aaviisoqarsinnaavoq tunngavissaqartumik pasitsaanne-qarpat pineqartoq taanna inatsis-inik unioqqutitsisimasoq, iliuusaa-nut ilaasimallunittaaq imigassar-torsimaneq, nakorsaatitorsimaneq imaluunniit ikiaroomartunik sun-nertisimaneq.

Imm. 3. Timimik aatsaat misis-suisoqarsinnaavoq peqqinnis-saqarfinni sulisut peqataatillugit, taakkua isummerfigissavaat akuli-unneq peqqissutsip tungaatigut il-lersorne-qarsinnaanersoq, tama-tumani isigi-niarneqassalluni taamaalionermi anniaataasinnaa-sut aamma ajoquserneqariataarsin-naaneq kiisalu inuup misis-sorneqartup qanoq innera.

§ 404. Timip qaavaniit misissu-gassanik qularnaarilluni aaviil-lunilu pasisap timaanik misissui-nissaq pillugu aalajangiineq politi-nit aalajangiivigineqassaaq.

Imm. 2-5. ---

§ 457. ---

Imm. 2. Unnerluutigineqartoq eqqissisimasumik ataqqinassusi-limmillu oqaluffigineqartassaaq. Apeqqutaasut aalajangersimasu-ussapput, erseqqissuullutik aam-malu ima paasinarfigisumik apeq-qutigineqartassapput unnerluutigi-neqartup ersarissumik paasissallu-gu suna akuersaarnerlugu imaluun-niit suna misiutiginer-lugu. § 346, imm. 2-4, aamma §

nikkullu tigusineq aamma inger-lan-neqarsinnaavoq pineqartoq sakkortuumik inatsis-inik unioq-qutit-sisimasutut naammagi-nartumik tunngaveqartumik pa-sillerneqarpat.«

Imm. 2-3 tamatuma kingorna imm. 3-4-inngorput.

23. § 403, *imm. 3-imi*, imm. 4-nngortumi, oqaaseqatigiit aap-paattut ikkunneqarpoq:

»Imm. 2 malillugu qisermik tigusineq peqqinnissaqarfimmi sulisut peqataatinnagit isuma-gineqarsinnaavoq.«

24. § 461, *imm. 1*, oqaaseqatigi-inni siullerni, »atorlugit« kingorna ikkunneqarpoq: », taa-maattoq tak. § 310 b.«

347 taamatulli atortuutinneqassap-
put.

§ 461. Nassuiaatit, killisiui-
nermi nassuiaatigineqartut,
eqqartuussisut suliaannik allas-
simaffimmut issuarneqartassapput
oqaatsit, nassuiaanermi ator-
neqartut, atorlugit. Tamannali sa-
nioqqunneqarsinnaavoq taamaa-
siornissaq pisaria-qarsorineqar-
lunilu illersorneqar-sinnaasori-
neqarpat. Nassuiaataa-sunik
pineqartumut atuffanneqartassaaq
kajumissaarneqassallunilu nas-
suaatit eqqortumik issuarne-qarsi-
manersut oqaaseqaateqaqqul-lugu.
Nassuiaat, eqqartuussisut su-
liaannik allasimaffimmi issuarne-qar-
neratut itsillugu eqqartuussiner-mi
peqataasunut, oqaatsinik issu-
aanermi atorneqartunik paasinnin-
ngitsunut, nutserneqartassaaq.

Imm. 2. ---

§ 659. Pinngitsaaliinikkut tu-
nini-aanissaq tamanut ammasumik
akitsorterussinikkut pissappat akit-
sorterussineq ingerlanneqassaaq
piu-masaqaatit, Kalaallit Nuna-
anni Eq-qartuussivimmi
eqqartuussisup aa-lajangersarsi-
masai, sapinngisamik tunngavi-
galugit, tak. § 668. Tuniniaanissa-
mik noqqaassuteqartoq isuma-
sioqatigalugu aammalu tuniniaa-
nerup sapinngisamik pitsaaner-
paamik angusaqarfiunissaa pis-
sutigalugu eqqartuussutinik naam-
massinninniaasartoq aalajangiisin-
naa-voq piumasqaatit sanioq-
qunne-qassasut.

§ 668. Kalaallit Nunaanni

Eqqartuussivimmi eqqartuussisoq pinngitsaaliinikkut tuniniaasarneq pillugu malitassiatut naammassissassanik aalajangersaasinnaavoq.

§ 743. Kalaallit Nunaanni Eqqartuussiveqarneq pillugu Isumalioqatigiissitat 13-inik ilaasortaqsapput, tassaasunik Kalaallit Nunaanni eqqartuussisuuneq, Kalaallit Nunaanni Eqqartuussivimmi eqqartuussisoq, Kalaallit Nunaanni politimesteri, Kalaallit Nunaanni Pinerluuteqarsimasunik Isumaginnittoqarfimmi pisortaq, Kanukoka, eqqartuussissuserisoq ataaseq, illersuisoq ataaseq, ilisimatusarfimmi ilinniartitsisoq ataaseq, Namminersornerullutik Oqartussaniit sinniisuutitat marluk kiisalu Inatsi-seqarnermut Ministereqarfimmiit, Domstolsstyrelsimiit aamma Pinerluuteqarsimasunik Isumaginnittoqarfimmut Pisortaqarfimmiit sin-niisuutitat.

Imm. 2---

Imm. 3. Inatsiseqarnermut ministeri aamma Namminersornerullutik Oqartussat peqatigiinnikkut siulittaasussamik, isumalioqatigiissitani ilaasortaasinnaasumik, toqqaassapput.

Imm. 4. Inatsiseqarnermut ministerip Namminersornerullutik Oqartussat isumasioqatigereerlugit aalajangersassavai ismalioqatigiissitat sulinissaannut malittarisassat erseqqinnerusut, aamma isumalioqatigiissitat allattoqarfeqarnissaasa isumaginissaa.

25. § 743, *imm. 1*, imatut oqaasertalerneqarpoq:

»Kalaallit Nunaanni Eqqartuussiveqarneq pillugu Isumalioqatigiissitat 17-inik ilaasortaqsapput, tassaasunik Kalaallit Nunaanni eqqartuussisuuneq, Kalaallit Nunaanni Eqqartuussivimmi eqqartuussisoq aqutsisuusoq, najukkami eqqartuussisoq, Kalaallit Nunaanni politimesteri, Kalaallit Nunaanni Pinerluuteqarsimasunik Isumaginnittoqarfimmi pisortaq, Kalaallit Nunaanni illersuisuuneq, eqqartuussissuserisoq ataaseq, illersuisoq ataaseq, ilisimatusarfimmi ilinniartitsisoq ataaseq, Kalaallit Nunaanni Namminersorlutik Oqartussaniit sinniisuutitat marluk, kommunit sinniisuutitaq kiisalu Inatsiseqarnermut Ministereqarfimmiit, Domstolsstyrelsimiit, Pinerluuteqarsimasunik Isumaginnittoqarfimmut Pisortaqarfimmiit, Naalagaaffiup eqqartuussissuserisumiit aamma Naalagaaffiup politiiviniit sinniisuutitat.«

26. § 743, *imm. 3-mi* aamma *4-mi*, kiisalu § 745, *imm. 2-mi*, »Namminersornerullutik Oqartussat« imatut allanngortinneqarpoq: »Namminersorlutik Oqartussat«.

§ 745. Kalaallit Nunaanni Pinerluttaalisitsiniarneq pillugu Isumali-oqatigiissitat arfineq-pingasunik ilaasortaqaassapput tassaasunik Kalaallit Nunaanni politimesterimiit, Kalaallit Nunaanni Pinerluuteqar-simasunik Isumaginnittoqarfim-miit, Isumaginninnermut Pisortaqarfimmiit, Peqqisutsimut Pisor-taqarfimmiit, Kanukokamiit kiisalu Kalaallit Nunaanni nammineq kajumissutsimik suliniaqatigiiffiniit, sulisitsisut kattuffiiniit aamma sulisartut kattuffiiniit sinniisuutit. Nammineq kajumissutsimik suliniaqatigiiffiniit kiisalu sulisitsisut kattuffiiniit sinniisuutitassat inatsiseqarnermut ministerimit toqarneqassapput Kultureqarnermut Pisortaqarfimmiit, Kalaallit Nunaanni Sulisitsisut Peqatigiiffi-anniit kiisalu Sulinermik Inuussutissarsiuteqartut Kattuffianniit (SIK) innersuussutit malillugit.

Imm. 2. Inatsiseqarnermut ministerip Namminersornerullutik Oqartussat isumasioqatigereerlugit aalajangersassavai isumalioqatigiissitat sulinissaannut malittarissat erseqqinnerusut, siulittaasussamik qinersinissaq ilann-gullugu. Isu-malioqatigiissitat al-latseqarnikkut suliassat Kalaallit Nunaanni politimesterimit isumagineqassapput.

27. § 745, *imm. 1*, imatut oqaasertalerneqarpoq:

»Kalaallit Nunaanni Pinerluttaalisitsiniarneq pillugu Isumalioqa-tigiissitat arfineq-pingasunik ilaasortaqaassapput tassaasunik Kalaallit Nunaanni Namminersorlutik Oqartussanut sinniisut marluk, kommuninit sinniisuutitaq, Kalaallit Nunaanni politimesterimiit, Kalaallit Nunaanni Pinerluuteqar-simasunik Isumaginnittoqarfim-miit aamma Kalaallit Nunaanni nammineq kajumissutsimik suliniaqatigiiffiniit, sulisitsisut kattuffiiniit aamma sulisartut kattuffiiniit sinniisuutit. Nammineq kajumissutsimik suliniaqatigiiffiniit kiisalu sulisitsisut kattuffiiniit sinniisuutitassat inatsiseqarnermut ministerimit toqarneqassapput Naalakkersuisuniit, Kalaallit Nunaanni Sulisitsisut Peqatigiiffianniit kiisalu Sulinermik Inuussutissarsiuteqartut Kattuffianniit (SIK) innersuussutit malillugit.«